أجندة الثورة إنجي محي الدين هالة الزغندى أحمد سلطان

#### أجندة الثورة

إنجي محي الدين / هالة الزغندي / أحمد سلطان

# الطبعة الأولى، 2011



دار أكتب للنشر والتوزيع

10 شارع عبد الهادي الطحان، المرج الغربية

موبايل: 0110622103

E - mail : dar\_oktob@gawab.com

المدير العام: يحيى هاشم

تصميم الغلاف: محمد كامل

رقم الإيداع: 16000/ 2011

I.S.B.N: 978-977-488-154-6

جميع الحقوق محفوظة©

# أجندة الثورة

# إنجي محي الدين/ هالة الزغندي/

أحمد سلطان

الطبعة الأولى

2011



داراكتب للنشر والتوزيع

تمر سنة ...

وميتغيرش شيء سوى تاريخ على جلدة أجندة يكتب بدم شهدا جدد.. أجندتنا اللي مش هتتغير .. وأجندهم اللي مش هتتغير واللي جوه الأجندة هو هو .. ثوار وميدان .. ظلم وطغيان ..

أجندة متثبتش غير حقيقة واحدة بس..

" التاريخ دايماً ... بيعيد نفسه "

إمضاء أجندة الثورة

فكرة الكتاب: إنجي محى الدين

تطوير الفكرة وتجميع المادة وترتيبها في سياق:

إنجى وهالة وسلطان

تقديم المادة والفصول: إنجى وهالة

قام بكتابة المادة: محموعة من شباب مصر على الفيس بوك

شكر خاص لكل من شارك بكتاباته في الأجندة.



#### إهداء

إلى اللجان الشعبية وشبابنا اللي وقف وقال "أنا الحكومة" إلى كل من خاف على بلده بطريقته إلى كل اللي هتف "ارحل" إلى كل شهيد وإلى أم الشهيد إلى الخالد السعيد إلى كل مصرى فقد عزيزاً إلى كل مصاب أو معتقل إلى تونس الملهمة إلى كل شاب هتف "عيش.. حرية.. كرامة إنسانية" وكل مصرى أراد إسقاط النظام إلى كل من قال كفاية .. ارجعوا إلى كل اللي مرجعش وبات على أسفلت الميدان إلى أرض الميدان اللي حضنتنا إلى البلح والبقسماط أبو سمسم قوت الناس بالميدان

إلى الجيش اللي اتصورنا على دبابته إلى الشرطة اللي ضربتنا بالحي والمطاطي وانسحبت الى الإعلام المصرى اللي كذب واللي خان الى كرات النار وتمورة بتاع غمرة وكنتاكي وأجندات طالبان الى النظام اللي وحدنا وقوى عزيمتنا اللي خلانا نصمم نكتب أجندتنا أجندة الثورة

إهداء إلى مصر



المقدمة



## المقدمة

قالوا علينا عيال سيس .. قالوا علينا عملا وجواسيس قالوا معانا أجندات خارجية دّورنا.. فتشنا.. لقينا أجندة واحدة فتحناها.. لقينا مصر جواها عالفيس بوك اتكتبت أول حروفها من يوم مانتصر الياسمين .. ليوم ما خلعنا النظام وفرح المصريين وعلى صفحة مصر بنتجمع بنكتب لحظة بلحظة .. كل اللي بيحصلنا .. مشاعرنا.. رأينا.. أحزاننا وفرحنا أنت كمان هتشارك ..

كنت مصرى أو مش من هنا

كنت فى زماننا أو اتولدت بعدنا هتلاقى مربع فاضى ليك.. فى كل صفحة من صفحات مصر اكتب تعليقك.. ذكرياتك.. انطباعك أو إحساسك الأجندة مفتوحة.. والثورة مستمرة مازلنا بنكتب وندوّن للتاريخ وعشان ماينضحكش علينا بنكتب تاريخنا بإدينا

# يعني إيــه

# facebook





الفيس بوك هو موقع للتواصل الاجتماعي... يعنى إيــه ؟ يعنى زى الشارع اللى أنت ساكن فيه، مليان بيوت ومحلات وقهاوى وإعلانات ..

كل واحد له بيت على الفيسبوك اسمه بروفايل (Profile) يعنى صفحة شخصية....بيكتب فيه البيانات اللي يحب الناس تعرفها عنه، زى أسمه وشغلانته وحالته الاجتماعية وهواياته وصوره وسنه..وعلى حيطة بيتك اللي هي اسمها الـ ( Wall ) ... ممكن تكتب أى حاجة تحب تقولها، إحساسك أو رأيك في موضوع معين أو خبر عرفته وعايز تنشره والجملة دى اسمها..استيتوس (Status) ...

وكمان تقدر تحط على حيطة بيتك صورة أو فيديو أو تكتب مقال طويل اسمه نوت (Note) ...

و حد حب يدخل بيتك، بيخبط على الباب وده اسمه إنه يعملك آد (Add) وبعد موافقتك على إضافته لأصحابك يعنى تعمله (Accept). ساعتها بس يقدر فى أى وقت يدخل بيتك ويشوف أنت كاتب إيه النهارده..ولو فى استيتوس أو نوت أو صورة أو فيديو على حيطة بيتك وعجبته ممكن يعلق

علیها فی مربع فاضی موجود تحتها یعنی یعمل (Comment) و ممکن کمان یبدی إعجابه بیها بانه یعمل لایك (Like)..

وممكن كمان ينقلها لأصحابه اللى ساكنين في شارع تانى بأنه يعمل شير (Share) للحاجة ديه على صفحته وبكده كل اصحابه يقدروا يشوفها هما كمان.. عشان كده الأفكار بتنتشر على الفيسبوك زى النار في الهشيم والأخبار والصور والفيديوهات كمان.. مافيش حاجة بتستخيى على الفيسبوك. كمان لو عيد ميلادك أو فرحك قرب أو أى حدث مهم عاوز بحمع الناس عليه تقدر ترسل دعوة لأصحاب وجيرانك، الدعوة دى اسمها إيفينت (Event).. بتحدد فيه اليوم والساعة اللى هو (Time) , والمكان اسمه (Location) ومعلومات عن الحفلة أو الحدث وديه اسمها(More Info) , ولو أنت هتحضر الإيفنت ده بتدخل تسجل حضور كبأنك تعمل

وأول دعوة للثورة كانت لدعوة لللترول يوم ٢٥ يناير من خلال إيفنت "٢٥ يناير \_ ثلاثاء الغضب".

...(Attending)

المشكلة فى البيت إنه صغير ومش بيساع غير خمسة آلاف ضيف يقدروا يكونوا أصحابك ويدخلوه، أما لو عايز تعمل بيت كبير يساع آلاف، تقدر تعمل بيت أكبر اسمه الصفحة أو البيج (Page) يعنى صفحة عامة, زى صفحة "كلنا خالد سعيد".

أما لو مجموعة أصحاب عايزين يتقابلوا على القهوة، يتكلموا ويتناقشوا ويعرضوا صورهم وفيديوهاتهم ومقالاتهم، القهوة دى اسمها حروب "شباب 6 إبريل" مثلا، وأى حد يحب يصاحبهم ويقعد معاهم بيعمل عضوية ويشترك معاهم في حواراتهم على القهوة.

فى الأجندة حاولنا نجمع البيوت كلها فى بيت واحد..." بيت مصر".. جمعنا عليها الأفكار والأخبار والمقالات والصور والفيديوهات اللى الناس عرضتها فى بيوتما أيام الثورة.

# مصطلحات الفيس بوك

صفحة شخصية (البيت): بروفايل (Profile) حيطة البيت: وال (Wall)

· الجملة اللي بتكتبها على الحيطة: استيتوس (Status)

المقال: نوت (Note)

الصورة: فوتو (Photo)

الفيديو: فيديو (Video)

نشر استيتوس أو مقال أو صورة أو فيديو: شير (Share) اعجاب أو تعليق على استيتوس أو مقال أو صورة أو فيديو: (Comment) , كومنت (Comment)

دعوة لحضور حدث ما: ايفنت (Event)


حضور حدث ما : ( Attending)


صفحة عامة (البيت الكبير): بيج (Page)

الجروب: (Group)



مصـــــر





معلومات أساسية Basic information

I Am:

أم الدنيا

اللغة: Languages

اللغة العربية

تاريخ الميلاد: Birthday

25-01-2011

عن مصر :About Masr

التاريخ يقدر يقول عنى ما شــــاء ولادى عندى أحب وأجمل الأشياء

Philosophy

رؤى فلسفية

الديانة: Riligion

مسلم ومسيحي ايد واحدة

Political Views: رؤية سياسية

عدالة.. حرية.. كرامة إنسانية

Favorite Quotations: الأقوال المفضلة

{إِنَّ فِرْعَوْنَ عَلَا فِي الْأَرْضِ وَجَعَلَ أَهْلَهَا شِيَعًا يَسْتَضْعِفُ طائِفَةً مِّنْهُمْ يُذَبِّحُ أَبْنَاءهُمْ وَيَسْتَحْيِي نِسَاءهُمْ إِنَّهُ كَانَ مِنَ الْمُفْسِدِينَ. وَنُرِيدُ أَن نَّمُنَّ عَلَى الَّذِينَ اسْتُضْعِفُوا فِي الْأَرْضِ وَنَجْعَلَهُمْ أَئِمَّةً وَنَجْعَلَهُمُ الْوَارِثِينَ. وَنُمَكِّنَ لَهُمْ فِي الْأَرْضِ وَنَجْعَلَهُمُ الْوَارِثِينَ. وَنُمَكِّنَ لَهُمْ فِي الْأَرْضِ وَنَجْعَلَهُمُ الْوَارِثِينَ. وَنُمَكِّنَ لَهُمْ فِي الْأَرْضِ وَنَجْعَلَهُمُ الْوَارِثِينَ. وَنُمَكِّنَ لَهُمْ عَلَى اللَّهُمْ فَي الْأَرْضِ وَنُرِي فِرْعَوْنَ وَهَامَانَ وَجُنُودَهُمَا مِنْهُم مَّا كَانُوا يَحْذَرُونَ }

قال الرسول صلى الله عليه وسلم "إذا فتح الله عليكم مصر فاتخذوا منها جنداً كثيفاً فهم خير أجناد الأرض وهم في رباط إلى يوم القيامة"

مصر يا أم العجايب.. شعبك أصيل.. والخصم عايب .. خلي بالك من الحبايب.. دول أنصار القضية .. اهو ده اللي صار.. وادى اللي كان

يا مصر قومي وشدي الحيل كل اللي تتمنيه عنــــدي

وقف الخلق ينظرون جميعاً كيف أبنى قواعد المجد وحدى

بلادی بلادی.. لكِ حبـــــــــــی وفؤادی مصــــر یا أم البــلاد.. أنت غایتی والمــراد وعلى كل العبــاد.. كم لنيـــــلك من أيـــــــادى

إذا الشّعْبُ يَوْمَا أَرَادَ الْحَيَاةَ فَلا بُدَّ أَنْ يَسْتَجِيبَ القَدر فَلا بُدَّ أَنْ يَسْتَجِيبَ القَدر وَلا بُدد لِلّيلْ أَنْ يَنْجَلِيي وَلا بُد للقَيْدِ أَنْ يَنْجَلِي

# عظماء مصر: People Who Inspire You



الشيخ الغزالى الشيخ محمد عبده القمص سرجيوس سرجيوس الشيخ امام الشيخ متولى الشعراوى رفاعة الطهطاوى الشيخ امام



محمود العقاد سيد درويش أم كلثوم راغب عياد صلاح جاهين نجيب محفوظ



هدى شعرواى مصطفى كامل أحمد عرابى سعد زغلول

مكرم عبيد طلعت حرب



د. على مصطفى مشرفة د. مصطفى محمود د. مجدى يعقوب د. فاروق الباز د. أحمد زويل

## More

وسيلة الاتصال Contact information

# Email Masr@midan eltahrir.com

Activities

it di

حريق مسرح بني سويف غرق عبارة السلام صخرة الدويقة حادث قطار الصعيد القمح الفاسد قضية الدم الملوث قضية المبيدات المسرطنة قضية مدينتي عقد توشكي أزمة الانابيب العشوائيات طابور العيش المصرى لا لغلاء الأسعار الجدار العازل حصار غزة تصدير الغاز لإسرئيل مظاهرات الجامعة لدعم الانتفاضة إضراب عمال غزل المحلة حركة كفاية حركة 6 أبريل

دعوة لإضراب عـــام يوم 6 أبريل مقتل خالد سعيد صفحة كلنا خالد سعيد وقفات صامتة على كورنيش --الإسكندرية لخالد سعيد غلق جريدة الدستور حملة البرادعي المدونون والنشطاء اعتصام القضاة ملف التوريث تزوير انتخابات البرلمان فيديو تعذيب عماد --الكبير بقسم الشرطة فيديو تعذيب فتاة في قسم شرطة لا لقانون الطوارئ إعفاء إبراهيم عيسى من رئاسة الدستور تفجير كنيسة القديسين مقتل سيد بلال ثورة تونس

# More

Joined Facebook مص



أسبوع الحلم





# انتصار ثورة الياسمين Is Attending مصـــــر

14-يناير -1110 Time: 2011

تونس: Location

شعب تونس: Created by

More info:

اندلعت ثورة الياسمين في تونس عندما صادرت قوات الشرطة عربة فاكهة يملكها شاب جامعي اضطرته ظروف المعيشة و البطالة لهذا العمل.. الشاب بو عزيزي فضل الموت حرقاً على العيش بلا كرامة.. اندلعت ثورة الياسمين يوم 17 ديسمبر ليهرب الرئيس التونسي السابق بن على اليوم إلى حدة.. لتشر شمس الحرية على أرض تونس وليمتد شعاع الحلم والأمل إلى بلدان العالم العربي.. وإلى الفيسبوكاوية بمصر... ترى كيف سيستقبلونه.. وهل سيحققون الحلم؟.. هل سيحولون عالمهم سيستقبلونه.. وهل سيحققون الحلم؟.. هل سيحولون عالمهم

# الإفتراضي إلى واقع يعيشونه؟

# Status Photo Link Video Question

#### Gamal Khoziem

تنحي زين العابدين بن علي حالاً.. والله وعملوها الرجالة اللي بجد اللي المجد January 14 at 7:00pm

#### Ahmed Faheem

الحمد لله انى جه اليوم اللي اشوف فيه رئيس عربي منكسر January 14 at 2:58am

#### Ahmed Faheem

كل ديكتاتور عربي ، يشعر الآن بأن سقوط بن على هو نذير سقوطه January 14 at 11:45pm

## Mahmoud Barakat Hassan

وأصبح واضحاً.. أن الطبقة الوسطى التي نمت من خلال إصلاحات اقتصادية خلقت نوعاً حديداً من البطالة (بطالة الجامعيين) وأن الإصلاح الاقتصادي من دون إصلاح سياسي إنما هو وهم، وأن شعار «التنمية أولاً» مع إهمال الجانب السياسي، يُعرّض الاقتصاد والسياسة إلى الخطر.....

January 13 at 1:11am

### Ahmed Faheem

احذر أيها الشعب التونسي العظيم، سقط الديكتاتور ولم تسقط الديكتاتورية بعد.

January 14 at 11:33pm

Gamal Khoziem

تحیا تونس بس امنی تحیا مصر؟ January 14 at 7:57pm Mai Abo Nawaia بسم الله الرحمن الرحيم الإجابه "تونس" January 14 at 5:31pm

Shereen Talaat إذا الشعب يوما أراد الحياة ..تونس ...تونس...تونس...مصر January 14 at 11:36pm

Neveen Shalaby

إشاعة قوية تفيد أن طائرة بن علي ستتوقف في مطار شرم الشيخ\_ ليس للترانزيت \_ لكن لتأخذ ركاب،،!!

January 14 at 10:56pm

Ahmed Abdelgawad Farahat يا مبارك يامبارك ...... مطار مالطه في انتظارك January 14 at 7:54pm

## Mahmoud Barakat Hassan

اليومين دول .....محتاجين نعلي الصوت ..... January 13 at 12:13pm

#### Amr Gohar

نداء إلى الرئيس مبارك من مصرى مخلص.. مازالت أمامك فرصة فى ترك الحكم قبل أن تجبر على ذلك January 14 at 11:19pm

#### Mahmoud Barakat Hassan

من أسبوعين بالظبط... قلت شوفوا اللي بيحصل في تونس وفكروا في مصر فاكرين؟؟ أنا مبسوووووط pm January 14 at 10:55

#### Ahmed Faheem

مصر= لا سياسية + لا قانون + لا معارضة pm January 14 at 1:16

# Doaa Yousry

عشان واحد مات البلد قامت.. وعندنا كل يوم 100 واحد بيموتوا يا في قسم بوليس.. ياكنيسة.. ياطابور عيش.. ناوية تصحي امتى يامصر ؟



ثورة شعب مصر في يوم 14 ديسمبر الماضي قامت الشرطة التونسية بمصادرة عربة فواكه لشاب تونسي اسمه بو عزيزى كلنا خالد سعيد :By

January 14 at 9:41pm

Ahmed Foud ELdin الحكومة المصرية تفكر في منع المواد المشتعلة pm January 14 at 11:06

#### Hani Mostafa

ثقافة العدل والاحترام والحق والمستحق، العطاء والعمل الإنتاج، ثقافة الجمال والإبداع، مشترك إنساني يجمع (الإنسان) في ضارة واحدة January 14 at 2:00pm

Lamiaa Sabry Eltawel ولكي يبقي الإنسان إنساناً فعليه أن يثور، ولو كل سنة مره. January 14 at 4:42pm

> Lamiaa Sabry Eltawel عقبالنا يااااااااااارب ... January 14 at 11:58pm

# Gamal Khoziem

اعتقادي إن ثورة الشعب المصري هتكون من على الفيس بوك ونتفق مع متعهد ثورات من تونس يجي يظبطنااااااا January 14 at 12:52pm



مصـــر \_

حلم خالد سعيد

# Status Photo Link Video Question

# Engy Mohy Eldin

النهاردة يوم 15. يوم 25 يناير هو عيد الشرطة يوم أجازة رسمية. لو نزلنا 100 ألف واحد في القاهرة محدش هيقف قصادنا. يا ترى نقدر؟ \_ كلنا خالد سعيد January 15 at 1:00am

## Ahmed Sultan

23 سنة انتهوا في شهر، يعني 30 سنة محتاجين شهر ونص، و100 واحد ماتوا من 10 مليون يعنى 800 من 80 مليون ، في أستقمل من كدا؟ January 15 at 3:04am

#### Alaa Ezzat

هتبقي مجزرة، ممكن نستلهم روح التغيير والحماسة لكن مش بنفس الطريقة.. هيبقي فيه صراعات قاتلة، خصوصا وإن المعارضة كلها ولا مؤاخذة.. دلوقتي وبيحصل انفجارات فما بالك لو عمت الفوضى January 15 at 6:16pm

Gamal Khoziem بخاف من الناس ومن خوفهم January 15 at 4:38am

# Lamiaa Sabry Eltawel

إذا الشعب يوماً أراد الحياة فلابد أن يستحيب القدر بس الشعب رافض الحياة... القدر يعمله ايه بقى يتزل يبوس على دماغه؟! January 15 at 12:01am

# Hala Mostafa ELzaghandi

كلنا خالد سعيد!! إنترنت بدون فتنة!! شهداء العبارة!!! بحبك يا تونس!! كنت بكرهك يا جزاير!! شعارات على بروفايلات ولا بنتحرّك... مافيش غير الهم يقفلوا الفيسبوك .. بتهيألى ساعتها ممكن نعمل حاجة.. شعارها... "من أجل بروفايلاتنا المسلوبة"...

January 15 at 6:46am

## Mahmoud Barakat Hassan

"شدى حيلك يا بهية" .. "ثورة مصر حاية جاية".. "مرعوبين مرعوبين".. "بكره تشوفوا المصريين"..

من هتافات الناس أمام سفارة تونس January 15 at 11:48pm

Hisham Mostafa مش یلا بقی؟؟؟ January 15 at 10:30pm

وبو عزيزى.. هناك فيه ثورة.. إنما اللمبيlikes مصر عندنا والحمد لله فيه الكراسة الصفرا



اللبمى وبو عزيزى.. هناك ثورة.. إنما عندنا والحمد لله فيه الكراسة الصفرا

by Ahmed Sultan on Saturday, January 15, 2011 at 3:35pm

اللمبي وبو عزيزي.. هناك فيه ثورة انما عندنا والحمد لله فيه الكراسة الصفرا ..

المفترض إن مساحة الخيال والحلم في السينما أكبر من الحقيقة وإن السينما والمبدعين يكونوا بمثابة الإلهام للشعب العادي في فيلم اللمبي مشهد لعسكري بياخد عربية الكبدة من بطل الفيلم - محمد سعد - ويهينه ..والبطل يفضل يتحايل ع العسكري ويبوس ايديه والعسكري زي اي عسكري مش هيعبره يقوم البطل يثور؟؟ لا يقعد يعيط.. وبعدها يطلع البطل على شرم الشيخ.. عشان يأجر عجل..

يطلعلوا تاني نفس العسكري وياحد منه العجل والمرة دي لا يكتفي العسكري باهانة البطل بس.. لا البطل وأمه ولولا إن أبو البطل كان ميت كان هيهينه هوا كمان.

طب المرة دي ثورة؟؟... برضه لا

المؤلف اللي قفل مشكلة البطل زي الدومينو لما تقفل حلها بسهولة ... اكيد مش ثورة دي مش أخلاق المبدعين بتوعنا الكراسة الصفرا ... البطل يتحوز ويعيش هوا وعياله ويسدد ديونه من فلوس النقطة. ويجبلنا احنا نقطة.

المشهد في تونس مختلف

نفس العسكري بيسحب عربية الخضار من البطل بوعزيزي والمرة دي في الحقيقة في الحياة العادية يعني المفروض إن مساحة الخيال والأحلام أقل إن لم تكن معدومة.. البطل بيثور ويطالب بحقه.. لا أحد يجيب

يبقى أكيد هيطلع على شرم الشيخ ولا على سوسه عشان يأجر عجل..

لا البطل قرر انه يولع ف نفسه بعد أيام قضاها ف الشارع بيطالب بحقه.. والناس كلها زيه نزلوا الشارع عشانه ومحدش اتحرك شهر بحاله لحد ما نزلوا النظام.
والسؤال دلوقتي..
لماذا قامت الثورة في تونس؟
1- لأن معندهمش شرم الشيخ
2- السياح في تونس مبيحبوش يركبوا عجل
3- تونس مفيهاش كراسات صفرا
عشان كدا مهما يحصل عندنا مش هتقوم ثورة.. لأن إنت
اللمبي.. كلنا اللمبي.. وكل واحد مننا عنده كراسة صفرا..
فهمت يا لمبي!

Like	comment	share	
			- 01





مصــر \_

مصر هتختار طعم إيه؟!

# Status Photo Link Video Question

## Muhammad Barakat

لو لم أكن مصريا ،، لتمنيت أن أكون تونسيا January 16 at 9:31am

#### Alaa Ezzat

إن شاء الله غدوة التوانسة باش يُبيو ثمرة تعبهم ويذقوا تونس طعم الحرية والناس اللي ندت وسال دمها هي نفسها تنجم تنظف البلاد من المحرمة ..(إحنا برضه بنعرف نتكلم تونسي) .. ربنا معاكوا

January 16 at 2:22am

#### Ahmed Faheem

عندما سئل الشيخ راشد الغنوشي عام 2005 في المنفى متى ستعود إلى تونس؟ قال لا أدرى هل ستحل قضية فلسطين أولا أم قضية تونس. (أحلام الأمس هي حقائق اليوم)

January 16 at 2:1pm

#### Ahmed Faheem

اجتماع لجحلس الدفاع الأعلى المصرى.. صباح الرعب January 16 at 4:24pm

#### Shereen Talaat

الحكومة تنفي حدوث ثوره في تونس وتبرر هروب الرئيس بأن ماسا كهربائيا والطبيب الشرعي يؤكد أن الشعب التونسي إبتلع لفافة بانجو

January 16 at 12:31am

#### Tarek EL Arabi

80%من الشعب المصري عايش بمبدأ... اصبر على جار السو

.. يا يرحل يا تجيله مصيبة تاخده January 16 at 2:15pm

Shereen Talaat اوعى تستفز المواطن ليثور فوشك January 16 at 4:23pm

Neveen Shalaby


نقلاً عن البديل: يتبقى في بقك، وتقسم لتونس يعني إيه كوك زيرو : يعني البرادعي يطالب بالتغيير في مصر، الشعب يستحيب في تونس.

January 16 at 1:18am

Mai Abo Nawaia

تونس : احنا اخترنا التغيير

مصر كلها اختارت \_ شيبسي بطعم الجمبري (منقول) January 16 at 7:10pm





مصــــر \_ کلنا بو عزیزی

# Status Photo Link Video Question

#### Shereen Talaat

مواطن مصري يحرق نفسه أمام مجلس الشعب والتعليمات الصادرة من الحكومة تسهيل مهمته وعدم الإعتراض علي رغبته (منقول)

January 17 at 3:13pm

#### Ahmed Sultan

أكتر خوفي من الشعب اللطيف.. إنه تلاقي ناس بتسرح بجاز وولاعات في وسط البلد.. تولع يا بيه.. تولع يا بيه!!؟

# January 20 at 12:21am

# Mohammed Abdel-mordi

على كده لازم الحكومات كلها تلم الكبريت والجاز ،الشباب اتجنن وعايز يموت كافر والجماهير بتمصص شفايفها ومش هيعملوا حاجة January 17 at 3:57pm

Mohammed Abdel-mordi ياااا شعبي الحبيب الصبور المهاود ... المطرمخ January 17 at 352pm

Ahmed Abdelgawad Farahat إللي قال على المواطن المصري إنه كافر عشان حرق نفسه من الظلم والإفترى هو إللي مش بس كافر ده كمان..... January 17 at 12:55pm

# Hala Mostafa ELzaghandi بجد احنا شعب لقطة يابخت اللي يحكمه..امه داعياله....!!! January 17 at 9:34pm

Mohammed Abdel-mordi ياااا شعبي الحبيب الصبور المهاود ... المطرمخ January 17 at 3:52pm

#### Ahmed Sultan

بيقولك مكانة مصر.. مكانة مين يا أبو مكانة دا أحنا مش لاقيين مكان نمشي فى الشارع ولا مكان في المواصلات ولا نيلة مكان نشتغل فيه ولا برضه نيلة مكان نتجوز فيه.. وتقولي مكانة دا احنا ملناش مكان في بيوتنا أصلا.. January 17 at 9:06am

> Mahmoud Barakat Hassan حانت ساعة الرحيل حتى وإن تأخرت قليلا. January 17 at 1:32pm



## Status Photo Link Video Question

Amr Gohar

تانى واحد يولع فى نفسه....النهارده أدام مجلس الشعب January 18 at 5:45pm

Hala Mostafa ELzaghandi مصر شقّت جيوبما واحنا قاعدين January 19 at8:39am

Alaa Ezzat

إذا الشعب يوما اراد الحياة ..

استجيبوا بقى يا .....بقررررررر January 18 at 1:59pm

## Shereen Talaat

بعد مائة عام من الآن سينظر التاريخ لهذا العصر في حياة مصر ويتف عليه.. إلى مزبلة التاريخ يا ولاد التيييت January 18 at 3:32pm

#### Tarek EL Arabi

فيه ناس بتبيع أرضها.. وناس بتبيع عرضها..وناس بتخون بلدها وتبيع سرها...ناس عايشة مقضياها.. وناس عايشة عبكاها.. وناس عايشة يدوبك على قدها... ناس من كتر الهم بتضحك.. وناس من كتر الضحك بتبكي... وناس منهوبة حيرها وعزها.. والحكاية أصلها وفصلها.. بلدي.. مصر!!

Ahmed Yehia يلا بقي يا شعب January 18 at 1:03pm

#### Amr Gohar

الحكومة المصرية: الإسكندرية: عاطل يبلغ من العمر 25 عاما أشعل النار في نفسه في ساعة مبكرة من صباح اليوم لكن والد قال للشرطة إن ابنه يعاني من مرض نفسى منذ عام..

بجد عيب يا حكومة

January 18 at 5:45pm

#### Ahmed Sultan

طب أنا موافق إن الشعب كله مجانين.. مفيش أي منظمة دولية تيجي تقبض على اللي جننوا أم الشعب كله January 19 at 1:59am

## Ahmed Sultan

الشعب للحكومة: هولع في روحي يا قليي وعنيا الحكومة للشعب: لا أوعى يا روحي دا واجب عليا يا سلام على حيى وحبك.. حاليا بالأسواق January 18 at 5:38pm

Mohamed Rafie مطلوب تمانين مليون طبيب نفسي بشكل عاجل January 19 at 11:28pm

> Shereen Talaat احنا مش مجانين يا ولاد المجنونة January 18 at 4:18am

من دفتر الشعب المجنون likes مصـــــر



#### من دفتر الشعب الجنون

# by Ahmed Sultan on Tuesday, January 18, 2011 at 4:04am

ليس على الجنون حرج . أنا موافق إن انا مجنون هوا متوسط دخل الفرد في بلدنا كام؟؟.. ليه هوا الجنيه بقى بكام

طب الرغيف والسمنة ..والطماطم والرز.. وبقد إيه كيلو اللحمة؟؟ والفاكهة بقى أخبارها ايه؟؟ ... طب السكر بكام؟ طب السكن.. والمواصلات.. والبترين بقى سعره كام؟؟ طب الأسمنت والحديد.. بلاش دي ..السكن بكام؟ الخشب بكام ؟ .. شغلتوا كام وسيبتوا كام؟ ليه هوا انتوا عدد كوا وصل كام؟ طب كشف الدكتور بكام؟ والعلاج بكام؟

وقميص وجزمة وبنطلون يعملوا كام؟
هوا الغاز بكام والجاز بكام.. وبطانية للغلبان بكام؟
طب الصناعة فين ؟ والزراعة والسياحة؟
طب البترول والغاز؟؟
بتقول بعتوه بكام؟
ليه هوا احنا في سنة كام؟
طب قناة السويس؟
معندكوش أي تصدير؟

هوا انتوا ماسكين البلد من سنة كام؟

ومش شايف إن فيه تقصير يا جلالة الملك؟

بتقول رئيس.. كل دا ورئيس

وتقول عليا أنا المحنون

يا خلايق يا أهل القارات السبع احكموا بينا والنبي.. هوا مين فينا المجنون؟

مين المختل أبوس ايديكوا؟

سيدي الرئيس معاليك واللي حواليك اللي مجانين ومختلين واحنا ولاد ستين في سبعين اننا سايبينك تحكمنا

# سيدي الرئيس.. براحتك.. ليس على المحنون حرج

Like	comment	share	
Chua			





مصــــر \_

**?**?? 25

## Status Photo Link Video Question

Ahmed Sultan

25 يناير



**25**يناير\_(ثلاثاء الغضب) January 19 at 11:50pm

#### Amr Gohar

ترى ماذا سيفعل النظام المصري فى أرصدته الشخصية بالخارج .. بعد أن جمدت فرنسا وسويسرا ارصدة العصابة التي كانت تحكم تونس؟

January 19 at 11:28pm

# Hala Mostafa ELzaghandi

لو لسه عندنا كرامة ولسه عايزين نعيش كانسان في البلد ديه.. لازم نترل يوم 25.. أسماء محفوظ



کلنا هنترل يوم 25 يناير www.youtube.com

رساله من بنت اسمها أسماء محفوظ هنتزل يوم 25 يناير 2011 ياريت نحِس على دمنا بقى !! January 19 at 11:30pm

#### Mai Abo Nawaia

بعد اختيار الشعب المصري لشيبسي بطعم الجمبري وقف وقفة راجل واحد واتحدوا وقالوا (الفول السوداني مش هايتبهدل تاني) .. ياريت الشعب كله يبقي فول سوداني January 19 at 2:24am

## Neveen Shalaby

من يسخرون من فكرة الترول يوم ٢٥ يناير والدعوة لها عبر الفيس بووك فليتذكروا جروب ستة إبريل وما فعله في ٢٠٠٨ وليتذكروا ما فعتله صفحة "كلنا خالد سعيد" في نشر القضية وتفاعل الشباب معها، قبل أن نحرق أنفسنا بأنفسنا.. يجب أن نعبر عن غضبنا مما يحدث اولاً January 19 at 4:24am

Hala Mostafa ELzaghandi نفسی أنزل يوم 25 January 19 at 11:57pm

# جيل الشمعدان المنور likes مصــــــر



# جيل الشمعدان المنور

by Neveen Shalaby on Tuesday, January 25, 2011 at 2:46am

يعني اتولدنا في أواخر السبعينات واوائل التمنينات طلعناو كبرنا ملقناش أي حاجة لا تعليم عدل ولا فن له معنى والأغنية الوطنية في شبابنا بقت لشعبان عبد الرحيم أو "ماشربتش من نيلها".. عندنا مهرجان قراءة للجميع و40% من الشعب تحت خط الفقر فأصبحت القراءة رفاهية لا يقدر عليها سوى صفوة المحتمع.. اتعلمنا بالعافية وأهلينا حرموا نفسهم من حاجات كتير اهوه بيقولوا سلاح في ايدينا.. ولما اتخرجنا لا لقينا شغلانه ولا شقة نسكن فيها ولا حتى مواصلات محترمة تحفظ كرامتك كبين ادمين..

واللي معندوش واسطة أو مش محظوظ يروح في الرجلين..
ولا وزيرة القوي العاملة ربنا يكرمها يا رب بتقول إن خريجي
الكليات النظرية غير مطلوبين في سوق العمل ويجب إلهم يوافقوا
بمهن في غير تخصصاتهم .. زى الهم يشتغلوا موظفين أمن في
المولات أو بايعين في المحلات.. يعني بالبلدي كدة خريج كلية
"الالسن" قسم إيطالي يروح يشتغل موظف أمن في سيتي ستارز
جنب محلات الجذم الإيطالي علشان مينساش اللغة..

ولا خريج كلية الإعلام يشتغل حارس أمن لحلات بيع الكاسيت وشرايط الفيديو حاجة من ريحة تخصصه برضو.. طيب بالنسبة للبنات سيادة الوزيرة يعملوا ايه؟!

ممكن حضرتك تشوفيلهم عقود عمل في الخليج مربيات علشان الإيد البطالة نحسة سؤال طيب \_ يا ترى بتعلمونا ليه؟ وفاتحين الكليات النظرية ليه؟ طالما مفيش حاحة ليهم في سوق العمل..

ولسه بيقولوا إننا في عصر إنجازات وبقالنا ٣٠ سنة في سلام ومفيش حروب ..

وليه لازم ندفع تمن ده من كرامة كل مواطن مصري؟ ...

البداية.	هوا	يناير	40	يوم
13				1

Like	comment	share





نحن نحارب يأسنا.. وهم يحاربون فيسبوكنا

# Status Photo Link Video Question

#### Amr Gohar

جهات أمنية طالبت من الشركات المزودة لخدمة الإنترنت في مصر خلال الأيام الماضية تخفيض السرعة للمشتركين، إلى أن هَدأُ العاصفة التي أثارها الانتفاضة الشعبية في تونس والتي كان للإنترنت دور كبر فيها

January 20 at 3:58am

## Mahmoud Barakat Hassan

إن أنظمة الحكم المستبدة تنهار حين تنهار قدرة من يحكمها على تشكيل وعي الناس (ميشيل فوكو .. مفكر فرنسي) January 20 at 3:33pm

## Mohamed Ahmed

نعيب حكومتنا والعيب فينا وما لحكومتنا عيب سوانا (ليه) لأن: قالوا لفرعون ايه فرعنك قال مالقتش حد يصدني (ليه) لأن: الفساد نوعان فساد العمل وفساد الأمل (ازاى) فساد العمل: هو ماتعمله الحكومة، وفساد الأمل: الشعب على أمل إن الحكومة تغير نفسها بنفسها ولا يغير الله ما بقوم حتى يغيروا ما بأنفسهم January 20 at 12:15am

# Tarek EL Arabi

بلم حبات المطر عشان احوشلك دموع.. وبعوّد قلبي عالخطر في طريق مامنوش رجوع.. ومهما يا قلبي احس بتعب أو مهما أحس بجوع.. دمي يترف ودمعي يترل.. مراكبي تشد القلوع

January 20 at 6:16am

س\_\_\_\_\_ الإم عليكو likes مص\_\_\_ر



لو انت الي بتكلمه هتقولو ايه

# سلام عليكوا

# on Thuresday, MHmod Sami by January 20, 2011 at 8:32pm

ياااااه لو رئيس مصر عنده فيسبوك؟

... أو كل أسبوع يعمل حلقة يتكلم فيها عن نفسه! ... أو يترل الشارع كل فترة يسلم على الشعب...! كان زماني بقيت عرفه...

اصل أنا معرفوش ... اه واالله ... مدرستش أي معلومات عنه في المدرسة ولا في الكلية ... معرفش ليه ! ... مع إنه مشهور اوي ... انا اللي اعرفه ان في واحد اسمه : الرئيس محمد حسي

مبارك... وأن في ناس كتير زعلانة منه...

هو ممكن يتضايق لو طلبت اني اتعرف عليه ؟ ... اصل انا خايف حد يسألني عنه معرفش أرد ... وأنا مصري !... والمفروض أني أبقى عرفه ... أه والله... عيب عليا ... منظري هيبقى وحش اوي ... أصل أنا كدة هقلل من شأنه.. واحد من أبناء شعب مصر ميعرفش عن رئيس البلد اللي أتولد فيها أي حاجة ...

ودي تبقى مصيبة ..والله ميصحش ... ده رئيس مصر برضه ... عامةً ..اتمنى اني أعرفه...

ياريــــس ... ممكن نتعرف!!

Like comment share





# Status Photo Link Video Question

### Eman Fahmy



#### Wall Photos

شباب كتير وزعوا النهارده ورق للدعوة ليوم النورة يوم خمسة وعشرين وسط الأهالي بعد صلاة الجمعة

# January 21 at 3:15pm

## Shereen Talaat

إذا كنت تريد ان تقهر الخوف.. لا تجلس وتفكر في الامر فقط .. فلتتحرك وتخرج الى الشارع "ديل كارنيجي" January 21 at 5:22pm

## Noha Atef Soudy

سأسير ولن أنظر للخلف،وسأدوس الأشواك لأكسرها فلا أشعر بما January 21 at 9:15p

### Ahmed Sultan

فليسقط الجبان.. فليسقط اللي خان.. فليسقط الطيب لو هيقبل يتهان هيقبل يتهان January 21 at 2:39a

# أسبوع الحلم

هرب بن على وانتصرت ثورة الياسمين

جمال خزيم مخرج من السويس.. حلم حياته فيلم باسمه يقول فيه اللى فى نفسه لبلده.. لما سمع الخبر.. فرح.. هتف بعلو حسه.. تحيا تونس.. وفى نفس اللحظة خطر على باله سؤال: بس امتى تحيا مصر؟

شاف الإجابة على صفحة كلنا خالد سعيد.. مصر هتحيا من جديد لو قدرنا نترل يوم 25..

بات الشباب يحلموا ويتمنوا ..

علاء ممثل موهوب... شايل قلب يساع الدنيا مهفهف بحبه لمصر.. خايف عليها من الفوضى.. من الدم.. خايف يغرق في الحلم ،يغرّق بلده معاه.

لكن أحمد سلطان اللي اتعود يعيش أحلامه أدام الكاميرا.. رافض واقع اتفرض عليه بكلية ماحبهاش.. المرادي قرر يحقق الحلم على أرض الواقع.. مسك ورفة وقلم وحسبها.. لو ثورة تونس حدت شهر يبقى ثورتنا.. هتاخود أد إيه ؟؟ حلم حديد.. بس المرادى ناوى يحققه بجد ومش تمثيل.

مى بتحلم من زمان.. وبتكتب أحلامها على الورق.. وعلى صفحتها ياما نادت وأتمنت.. برادعى مش برادعى ،المهم التغيير... عايزين تغييير.. يا ترى مصر هتختار التغيير ولا طموحها مش هيعدى سقف الجميرى؟؟ .

واشتعل الفتيل. من أدام مجلس الشعب. مواطن مصرى بيحرق نفسه. مواطن عايز تغيير. للأسف ماكانش الأخير. استمر مسلسل الحرايق. ومسلسل الكدب معاه.. والحكومة بتقول مجانين..

شيرين مخرجة شايلة هموم الناس.. بتدافع عن حق الإنسان في أنه يعيش انسان.. عروسة جديدة بتحلم ببنات وولاد حواليها يعيشوا بني آدمين.. مش يتقال عليهم مجانين ... وعشان صوتما في الحق عالى ، شيرين مهمهاش.. لا حكومة ولا غيره.. مايلزمهاش.. صرحت فيهم.. احنا مش مجانين يا ولاد المجنونة!

وفى كل صفحة انتشر الخبر.. وفى كل القلوب كبر الحلم.. يوم 25..

شباب بتحلم وشباب مش مصدقین ... معقول؟ ممكن ثورة معیاد!! إزای؟ صحیح شغل مجانین.

نيفين شايلة الكاميرا ما بتسبهاش..شافت ياما مظاهرات.. احتجاجات.. وقفات واضرابات.. صورتما وسجلتها فى أفلامها.. وزى ما شافت بعنيها مصر بتتغير.. فكرتمم باللى كان وبشرتمم باللى لازم هيكون.. لازم نعبر عن غضبنا.. يوم 125

هالة ياما عبرت عن غضبها بس على الورق.. كتبت أفلام رفضها النظام.. وفي عز احساسها باليأس شافت الدعوة وعاشت الحلم.. بصت جمبها شافت بنتها.. اترددت.. هتسيبها وتترل يوم 25؟ يا ترى هترجعلها ولا ....؟ الخوف اتملك منها.. اتنهدت.. همست.. اتمنت ...

نفسي أنزل يوم 25 !!

الشباب حطوا اديهم على المشكلة.. الخوف هو المسألة ...

طارق مسافر بره بیتعلم.. لما شاف الخوف بیخنق حلمه.. ابتدی یعلم نفسه حاجة جدیدة ... هیحارب خوفه ویعود نفسه علی الخطر حتی لو الطریق ممنوش رجوع .

الحلم بيتطور ..بيتبلور.. بيتحسد على الأرض.. الشباب بدأوا يوزعوا ورق في الشوارع.. ليوم 25

إيمان مسكت الورقة في اديها اتبسّمت.. دى ورقة في ايدى مش دعوة على الفيسبوك.. دى باينها الحكاية جد مش بس كلام وخلاص.. الورق بيتورّع فعلا على الناس!! إيمان صيدلانية.. ياما صرفت روشتات.. بس انهاردة الروشتة ماتخرش المية.. ولأول مرة تحس بأمل.. في بكرة.. في لم الشمل.. أصلها عايشة لوحدها.. بعد ما سافروا أهلها واحد ورا التاني لجل لقمة العيش.. حست بالأمل في زوج واطفال.. في أسرة مش متفرقة ... يا ترى الأيام الجاية شايلة إيه لإيمان؟ يا ترى شايلة إيه لمصر؟ يا ترى حلم الشباب هيتحقق؟؟



أسبوع الغضب





السويس. البداية

## Status Photo Link Video Question

Gamal Khoziem

مظاهرات في السويس January 22 at 3:15pm

Ophilya Atef Beshay

العنكبوت عشش على الحيط وسرح على الغيط..... يا مصري قوم هش الوطاويط January 22 at 3:59pm

### Gamal Khoziem

ما هى الدولة لو صرفت على التعليم والثقافة ... مش هتلاقي عسكري الامن المركزي يحميها January 22 at 5:59pm

#### Ahmed Faheem

اكيد للظلم نماية، بس لما احنا نقرر January 22 at 10:51pm

# Hala Mostafa ELzaghandi

للى بيتريقوا على ان الثورة مش بمعاد..ارجوكم افهموا!! يوم 25مش ثورة ،انما احتجاج سلمى ومطالبة شعبية بالتغيير، بعد كده تُجاب المطالب او تتقلب ثورة ده فى علم الله . وده مش كلامى ده كلام اللى حدد يوم 25 واللى هيعمل حاجة غير التظاهر السلمى ، مايترلش احسن January 22 at 11:29am

Ahmed Faheem البداية يوم 25 ولسه في مراحل كتير January 22 at 10:45pm





كفاية كدب بقي

### Status Photo Link Video Question

#### Ahmed Faheem

ان دماء اخواننا الاقباط التي سالت في كنيسة القديسيين قد ضاعت هدرا، باعلان النظام المصرى ان المسئول عن التفجير هو تنظيم جيش الاسلام الفلسطيين.

January 23 at 11:59pm

# Mai Abo Nawaia

مش قادره اصدق التلفزيون المصري عامل فيلم تسجيلي عن الشرطة والشهداء طبعا مع كامل احترامي للشهداء .. بس الهدف من الفيلم انه بيقنعنا اد ايه الامن المركزي كيوت وحبوب وكاميل .. انا لسه ماوصلتش للفيناله بس متوقعه ضحكات متقطعه شريرة .. واحنا كده احنا اسبرايت January 23 at 10:50am

Hani Mosafa أشعر أنى أحمل فوق رأسى خبزا تأكل الطير منه January 23 at 9:58pm

Gamal Khoziem احنا بنتكلم ثوره وبنكتب ثوره بس ما بنعملش ثورة January 23 at 1:05am

> Hala Mostafa ELzaghandi مطلوب رجال January 23 at 4:26am

Mai Abo Nawaia وكل ظالم أو مظلوم هايكون له حساب January 23 at 2:22am

عمرها الناس مبسوطة ماكانت likes مصـــر



عمرها الناس مبسوطة ماكانت

on Hala Mostafa ELzaghandiby Sunday, January 23, 2011 at 9:14pm

فی صباح الیوم نزلت کمواطنة شریفة اخلص ورق من سجل مدنی المعادی...طلعلی راجل کبّارة قالی بلغة العالم بالکفت... ایه اللی جایبك هنا یا بنتی..کله اتنقل 15 مایو. خمستااااشر مایو!! دانا بتوه تحت بیتنا..اروحها منین دی یا

سيدنا ؟ تاحدي ميكروباس من حلوان..

ركنت العربية وركبت المترو وهناك اخدت الميكروباس بعد ما تأكدت انه رايح السجل المدنى وفجاة وف وسط الصحرا وقف السواق وقال بعزم ماعنده....الآاآآآآآخر!! مافهمتش؟!هو فين السجل؟ مافيش غير كام بيت وسط

صحرا...

عرفت الاجابة من تأفف الركاب وهما بيترلوا باستسلام عجيب واحد ورا التاني.

صوت السواق فوّقني من ذهولي ...يلا يا آنسة ...الآخر آنسة؟! مين؟ انا؟ هنا؟ مش نازلة!!

> الظاهر اصراری شجّع شویة رکاب یرکبوا تان!! یهدیك یرضیك!! ابدا !!الآخر یعنی الآخر!!

يعني ايه؟ انزل اتوه ف الصحرا دى!!

دانا خفت اخد تاکسی ا اقوم امشی علی رجلی ؟ سلبیة الناس حرقت دمی اکتر!!صرخت وقلت کلام کتیر مش فاکرة نصه!!

انتهى بحلفانه بالطلاق ماهو موصلني!!

لقيتني بقوله: بيناع القسم!!..الناس سمعت كلمة القسم مسها ميت عفريت!!

قسم ايه بس! انتي مش وش اقسام! اوصّلها يا ريس طب لاخر الشارع ده!!

حلَّفوه بعياله!! وكأنه لقى طريقة اللى يخلص منى بيها.. وانا لقيت حجة ترضى كبريائي.. طبعا لسة السجل بعيد!! مشيت على وصف الناس بالكعب العالى حوالى كيلو وهناك الاقى الموظفة بتقولى بكل براءة: ايه اللى جايبك هنا..انتى تبع الدرّاسة!!!

مسكتني كريزة ضحك معجونة بشتايم من اول الراجل الكبّارة لغاية البلد بنت الـ...و لا بلاش

المهم رجعت الكيلو تاني قفايا يأمّر عيش ورجلي مفأفأة عندى رغبة عارمة احط الشوز تحت باطي زى شويكار وامشى حافية.

لغاية ما لقيت ميكروباص..

وقبل المترو يجي بنص كيلو نزلني الميكروباس

ماتفاجئتش ..ورغم انى بموت م التعب وحالتي اصعب م المرة الاولى...إلا إن... ماعترضتش

نزلت زى الشاطرة ورا الناس المستسلمة

بصراحة ..كنت خلاص..مافياش حيل اهمس..مش اعترض و اتخانق!!

يااه!! هي دي بقى الزتونة!!

طول عمرى اعرف ان الناس ملخومة بلقمة العيش والهم ساكنها ومافيهاش حيل تعترض.. بس دى اول مرة احس والمعرفة حاجة والاحساس حاجة تانية خااااالص .. واحنا قاعدين ع الفيسبوك بنعترض ونتخانق ونتهم الناس بالسلبية والجهل.

والله مابقيت عارفة هي البيضة الاول ولا الفرخة الخلاصة اني قررت انزل 25 يناير ..

بس المرادي هلبس كوتشي.

Like comment share





أنا نازل يـوم 25

# Status Photo Link Video Question

## Hala Mostafa ELzaghandi

مش هنخاف مش هنطاطي . . احنا كرهنا الصوت الواطي . . اللي نازل بكرة يرفع ايده January 24 at 9:02pm

#### Ahmed Faheem

نفسي أتنفس نسيم الحرية January 24 at 2:15am Ahmed Yehia FOCUS برکز January 24 at 4:44am

Lamiaa Sabry Eltawel يمكن شراع.. يمكن كفن.. يمكن وطن !! January 24 at 2:19pm

> Alaa Ezzat استرها علي مصر يارب January 24 at 10:17pm

Shereen Talaat الله كبير January 24 at 3:16pm

Gamal Khoziem لو معرفناش نغير ونتغير هيكون ايه مصيرنا؟؟ January 24 at 4:02pm

## Doaa Yousry

إذا الشَّعْبُ يَوْمَاً أَرَادَ الْحَيَاةَ فَلا بُدَّ أَنْ يَسْتَجِيبَ القَادَرِ January 24 at 3:06pm

#### Ahmed Faheem

نريد ان نجعل من قطرات دمنا ان سفكت، مهر لزواج مصر مع الحرية.. لو اصلحنا النوايا، سنربح في كل الاحوال ان شاء الله.

# هام لكل المشاركين في مظاهرة ٢٥ يناير

صلاة ركعتين بعد منتصف الليل بلية التوبة - فقد لا نعود أخر اليوم - والدعاء فيعما بالأمن لمصر وأن يقدر الله لما الغير هيث كان .

- استحضار نية الجماد ولنبعل خروجنا هذا اليوم لله عز وجل وتعديد النوايا مثل الاصلاح والأمر بالمعروف والنمى عن المنكز والوقوف في وجه سلطان جائر وعدم السكوت عن الحق. - قراءة الأذكار قبل الخروج والاكثار من الاستغفار وطلب العون من الله عز وجل

- التجرد من أهواء النفس وأخلاص النية والقصد مُخروجنا لخدمة بلدنا فقط وليس سمعةً ولا . لتحقيق مجد شخصاً أو اظهار بطولة أو الانتصار لتيار بعينه .

فريد أن يتمنز اصحاب الدعوات ... فنحن نطلب حقنا بقوة بلا بداءة او تجريح لأشخاص أو هيئات

وروب كلاسة في العمتكات العامة أو الخاصة ... ولا تعتدى على أفراد الأمن بالقول أو المقاطع الانفسنا اذا سمعنا بذاءات من أفراد نظاميين أو مؤيدين للنظام

يُ كُانِ السِيدِ . . لا يجب ان تُصيبنا بالغرور أو الأحباط

برجاء النشر ...

#### Wall Photos

January 24 at 2:56pm

#### Ahmed Sultan

بقينا عايشين في كلام.. نايمين ف كلام.. ساكتين في كلام ..

كل حياتنا بقت كلام ف كلام ف كلام .... أنا نازل يوم 25 يناير January 24 at 5:47am

# Engy Mohy Eldin

بكره انشاء الله الساعة 2 الضهر في ميدان مصطفى محمود .. كلنا هنتقابل مع بعض.. ايد واحدة.. يوم سلمى.. بكره مش هو ده الثورة.. مش هو اليوم اللي هنغير فيه كل حاجة.. بكره بداية النهاية.. بكره لو فضلنا صامدين مهما الأمن عمل فينا وفضلنا بنطالب بحقوقنا ...

هتبقى أول خطوة حقيقة في طريق التغيير (أسماء محفوظ)



اخر كلمة قبل **25** يناير.... أسماء محفوظ www.youtube.com January 25 at 01:20am

## ليه تتظاهر لحد مبارك ما يمشى؟ likes مص\_\_\_\_



ليه تتظاهر لحد مبارك ما يمشي؟

on Wednesday, January Haisam YehiaBy 19, 2011 at 6:14pm

لأن أي شخص في الدنيا بيشرب ميه عشان ينضف كليته، وانت المية اللي في الحنفية بتهري كليتك! لأنك بتشتغل زي الكلب عشان تعيش عيشة معقولة لأنك عارف وبتقول ان البلد كلها حرامية لأنك زهقت من التصريحات اللي لا ليها طعم ولا لون.. لأنك زهقت من شكل الريس لأنك وقفت ذليل في سفارة دولة عشان الفيزا وبصيت بحسد للناس اللي بتدخل أي بلد بباسبور وبس

لأنك حاسس ان بلدك بتخدم اسرائيل وامريكا اكتر ما بتخدمك انت

لأنك عندك سيناريوهين في البلد: يا إنت مفشوخ وعايش عيشة ضنك. يا إما عايش عيشة كويسة وحاسس بذنب ابن كلب

علشان بقیت کبیر وقربت علی التلاتین ویتقلك انت عیل ومش فاهم حاجه احنا بنفهم احسن منك

علشان البلد دي الي يشوفها من فوق غير الي يشوفها من تحت لأنك مسيحي وحاسس بالظلم والاضطهاد وبقيت بتخاف تترل الكنيسة في عيدك

> لأن ليك صاحب او جار اتمسك لانه بدقن واتسجن و اتعذب ورجع بعد شهور او سنين

لأن في ع الأقل واحد من عيلتك او معارفك عنده فيروس كبدي او سرطان

لأنك اتطلب منك تحفظ اجابة نموذجية عشان الإمتحان وكنت بتحفظ مواضيع تعبيرعشان تنجح لأنك وقفت مرة في طابور عيش اكتر من ساعة لأنك بتتم معاملتك اسوأ من أي اجنبي في بلدك او بره لأن المصريين بيحسوا جواهم الهم اقل من الأوروبي والخليجي والشامي والأسيوي

لأنك بالنسبالك مصر يعني منتخب وكورة

لأنك بتنافق وترشي غصب عنك الضباط وامناء الشرطة

والمرور عشان تعرف تعيش

لأن مالكش مكان في الشارع تقف فيه تشم هوا من غير ما حد ما يوقفك

لأن امك او اختك او مراتك او حبيبتك او جارتك او صديقتك حد اتحرش بيها في الشارع

لأنك اتمرمطت في المحاكم عشان تاخد حقك مرة.

لأنك لو حصلك حاجة .. أخر حاجة ممكن تفكر تعملها هي إنك تتصل بالشرطة

لأنك لما بتصور أو تلعب مزيكا في الشارع بيوقفوك،

لما بتحشش بيسيبوك

لأنك مرة اتعمل فيك محضر في القسم واتبهدلت لأنك مرة جربت تدخل قسم تعمل محضر انت فيه مدعي

وبرده اتبهدلت

لأنك ممكن تشتري ارض ويطلع عليها ناس بوضع اليد يستولوا عليها وحلني بقى

لأنك اتزنقت كتير في المرور ساعتين عالأقل عشان تشريفة او حادثة او بدو ن أي سبب

لأنك بتخاف تروح المستشفى وتعرف حالات ماتت من الإهمال وجهل الدكاترة

لأنك تعرف ناس اتولدوا وماتوا وماشافوش غير رئيس واحد لأنك مقتنع ان الضرايب أتاوة ولا ليها اي عائد عليك لأنك بتستعر أنك مصري.. ولو معاك جنسية تانية بتبرزها كانك مولود بيها

لأنك فكرت واتمنيت مرة ع الأقل تماجر وتسيب البلد للأبد لأنك مرة نطيت فوق بركة ميه بعد المطرة او مشيت وسط الصرف عشان طفح الجحاري

لأنك - للأسف - اقل من غيرك كتير في التعليم والثقافة و النضافة والسعادة

لأنك سافرت بره في دولة عربية او اجنبية وشفت ازاي ان

كلمة مصري بقت شتيمة

لأنك فتحت مرة تليفزيون او جرنان لاقيت ناس بتقول ان مصر متقدمة في كل الجحالات

لأنك فكرت مرة تنتخب زي ماقالولك مالقتش حد يستاهل صوتك

لأنك نزلت مرة تنتخب زي ما قالولك اتضربت علشان لماتروح تنتخب تلاقي اسمك متعلم عليه انك حيت وانتخبت من الصبح

لأنك دخلت حيش بالسخرة من سنة لتلاتة او اتمنعت من السفر

لأنك لما بتسافر على طريق بيبقى دايما في احتمال ان ممكن تموت في حادثة

لأنك وقفت بالساعات مستنى اوتوبيس حايفرقع من الناس او لأنك حريت ورا ميكروباص واتخانقت وسط الزحمة عشان تركب

لأنك اتخرجت لاقيت احسن وظيفة بتلتميت حنيه في الشهر وزيك مرطرطين في كل حتة لأن كليتك كانت وقت ضايع وجامعات العالم بتطلع زعماء سياسيين واصحاب شركات بيتحكموا فيك لأنك دخلت كلية ماكنتش عايزها عشان مجموعك

لأن مدرسيك في المدارس والجامعات كانوا بيعاملوك على انك زبون درس خصوصي

لأنك في المدرسة كنت قاعد ٣ في تختة واحدة وكنت بتتضرب اكتر مابتتعلم

لأنك عمرك مابتترل من بيتك غير وبطاقتك في جيبك خايف تتوقف تحري

علشان الاطفال الي بيتولدو بتشوهات وعندهم السرطان و بنشحت علشان نعالجهم

لأن قش الرز بيتحرق في الدلتا وتشم دخانه في وسط القاهره عادي جدا

علشان بدل ما نزرع قمح بتررع كيوي مع ان 90%من المصريين ميعرفوش ايه الكيوي

عشان ببساطة بقيت بتتكسف تقول إنك من مصر لأنك مالكش ديّة! حي،عيان،غرقان،محروق،مسافر،عاطل...

أنت مش فارق مع حد

علشان الحكومه تبطل تذلنا بالدعم الي بتدفعُو من جيبك علي شكل ضرايب

لأن النظام اللي محققش حاجة في 30 سنة مش هيحقق حاجة ليوم الدين

لأني ست وبعاني من افكار متخلفة حولية وافكار مبتتغيرش علشان مافيش تعليم او تنوير

لأن الرغيف ابو 5قروش الفراخ مبترضاش تاكله وبرده الناس بتقف بالطابور ومش بتلاقيه

لأن التعليم بقى إجراء صوري والجهل بقى هو الحالة العامة حتى وسط المتعلمين

لأنك علشان تعمل بطاقه او تخلص ورق لازم تغمز الراجل ب20جنيه علشان يمشي الورق

عشان لما تعدي ادام مكتب تموين تلاقي الست بتتحايل على الولد يديها الزيت قبل ما يخلص ...عارف زيت التموين؟ علشان الحكومه تبطل تذلنا بالبنيه التحتيه إللي هي خربانه

برضه

لأن واضع قوانين مكافحه الاحتكار هوا اكبر محتكر للحديد في مصر

لأنك بتحب البلد دي لسبب انت مش عارفه ولا فاهمه برغم كل اللي فات

لأنك بتقول لنفسك ووسط صحابك : امتى مبارك يموت بقى؟

شيله انت!!

لأننا تخلفنا في الشكل والمضمون

علشان زهقنا وقرفنا وكفرنا خلاص

Like Comment Share





# ثلاثاء الغضب Is Attending مصــــر

25-يناير - 2011 :: Time

مصر :Location

شباب الفيسبوك: Created by

More info:

اليوم الخامس والعشرون من يناير هو اليوم الحاسم لصراعات شباب الفيسبوك حول قدرتهم على إحداث تغيير على أرض الواقع...اليوم الحاسم لصراعات احتدمت بداخلهم ما بين اليأس والأمل.. الاستسلام أو مواجهة الموت...

هل يستجيب الشباب لدعوة خالد سعيد, حركة 6 أبريل وحملة التغيير للبرادعي.. هل يستجيب لنداء انطلق مدوياً بداخلهم مع انتصار ثورة الياسمين ؟ هل هي الثورة ؟

Status Photo Link Video Question

Hala Mostafa ELzaghandi ركعتين الفحر ودعوة م القلب لمصر.. يارب January 25 at 5:48am

## Ophilya Atef Beshay

الكنيسة تضرب.. انزل اتظاهر... يمنعوك من بناء كنيسة.. انزل ولع الدنيا.. انما ظلم وفساد وقانون طوارئ وفقر وغلاء اسعار... اقفل عليك وصلي وادخل نام!!!!!

January 25 at 2:14pm

### Ahmed Yehia

ان شاء الله. محدش يخاف ..احنا الأقوى..اللي عايز يترل حتى لو تحت بيتك بس اعمل حاجة January 25 at 2:15am

#### Ahmed Sultan

الناس اللي كانت بتخرج من بيوقهم ويتلطعوا على باب اي وزير ولا عضو مجلس شعب بالساعات عشان يشغلهم ولا يشغل عيالهم.. اللي اتخانقوا على مين يشيل جزمة الباشا.. لك تخرج النهاردة ولا انت استحليت الذل

January 25 at 4:04am

### Mahmoud Barakat Hassan

أعوذ بالله السميع العليم من الشيطان الرجيم: "الَّذِينَ قَالَ لَهُمُ النَّاسُ إِنَّ النَّاسَ قَدْ جَمَعُوا لَكُمْ فَاحْشَوْهُمْ فَزَادَهُمْ إِيمَانًا وَقَالُوا حَسَّبُنَا اللَّهُ وَنِعْمَ الْوَكِيلُ " 173 آل عمران January 25 at 11:41pm

#### Mahmoud Barakat Hassan

ملحوظة بسيطة...كل ثورات العالم قام بها ما لا يزيد عن 7 من الشعب...لو تخيلنا 1% فقط في مصر نزلوا.. يعني حوالي نصف مليون..طوفان من البشر ...القوة أحياناً تكون بالعدد..

January 25 at 11:53pm

#### Mai Abo Nawaia

بدء التظاهرات في المحلة.. انصرنا يارب.. شرفك يابلدي سحابه وتعدي

January 25 at 12:36am

Tarek El Arabi

اللهم ثبت أقدام كل من خرج لنصرك.. اللهم كن لهم ومعهم ..اللهم عليك بنصرهم...وأنت نعم المولى ونعم النصير

January 25 at 3:22pm

Mohammed Abdel-mordi ولا قناة جايبة الأحداث ... ايه التعتيم ده ؟؟؟

January 25 at 3:25pm

Lamiaa Sabry Eltawel ..نافتح بي بي سي أو سي إن إن.. January 25 at 3:10pm Maii Abd-Ellatif Khater

D: النيل للأخبار تغطى أخبار التظاهر في لبنان

January 25 at 12:10am

Maii Abd-Ellatif Khater

on tv تغطية إعلامية للحدث

January 25 at 6:40pm

Mohammed Abdel-mordi

إذا الشعب يوما أراد الحياة ... فلابد أن يضربه الأمن المركزي

January 25 at 3:11pm

Wessam Elshafey

استرها يا رب

January 25 at 10:28pm

# Mai Abo Nawaia

حد فيهم كان يصدق... بعد جهل وبعد موت....

إن حس الشعب يسبق... أي فكر واي صوت

January 25 at 5:22pm

Tarek El Arabi

بندق ندق بوابة الحياة بالايدين. قومي . قومي افتحي لولادك

الطيبين

January 25 at 9:47pm

Muhammad Barakat

يااااااااااااارب تممها علي خير

January 25 at 5:02pm

#### Ahmed Abdel Moneam Masoud

مازال هناك شرفاء من الأمن المركزي مؤكد | بعض ضباط الأمن المركزي يخلعون ملابسهم الميري ويشاركون الجماهير

January 25 at 6:24pm

#### Ahmed Abdel Moneam Masoud

نظرا لتعزر الوصول إلى المتظاهرين في التحرير لقطع الاتصالات هم.. نرجوا من أي أحد يعرف يتواصل معهم يقولهم الآتي:

الذهاب فوراً إلى مبنى ماسبيرو وصعود الدور التالت واذاعه أي خبر عن سقوط النظام واكد الكثير من ضباط الشرطة الأشراف بأنه أول مايتم الإعلان سيتم مباشرة التعاون مع الشعب .

January 25 at 6:17pm

# Mai Abo Nawaia

لما قامت مصر قومه .... بعد ما ظنوها نومه... تلعن الجوع والمذلة .... والحظالم ... والحكومة January 25 at 5:14pm

# Lamiaa Sabry Eltawel

رسالة من المعتصمين في ميدان التحرير: كلنا موجودين في الميدان مش هنتحرك وهنبات وهنكمل مظاهراتنا بكرة الصبح رغم كل اللي بيعمله الأمن. اللي يقدر يترل للناس دي يترل، اللي يقدر يجيبلهم مية أو أكل يجيب، واللي ما يقدرش ينشر ينشر الخبر دا وما يصدقش اللي بيتقال عن الهم هيمشوا أو هيتحركوا من مكالهم

January 25 at 6:29pm

### Hala Mostafa ELzaghandi

یا جماعة الحکومة طاحنة الناس ف میدان التحریر.. انا ماقدرتش أستحمل ومشیت.. عایزین ناس تروح باکل ومیه وبطاطین بسرعة.. أغلب الشبکات واقعة وفی صعوبة ف الاتصال..خلو بالکو شارع القصر العینی و کوبری قصر النیل مقفول یعنی توصل للأوبرا و تکمل مشی مداخل التحریر من جهة کوبری ستة أکتوبر والإسعاف شغالة، المترو ف وسط البلد مقفول

January 25 at 9:02pm

Mai Abo Nawaia

الشدة يا جااااااااااااله ربنا معاكوا

January 25 at 7:58pm

### Hala Mostafa ELzaghandi

بيان وزارة الداخلية الحقير بيتهم الاحوان باحداث شغب..رغم اني ماشفتش الشعب المصرى اكثر تحضا منه النهاردة لكن اللى محنى لوحى ده حصل ، الداخلية عرفوا منين انه اخوان اذا كان مافيش حاجة اترفعت غير علم مصر و مافيش اى شعار لاى حزب اتقال...هى الحكومة لقت نفسها خسرانة.. قالت تكسب بونت من ناحية تانية!!؟

January 25 at 10:35pm

### Alaa Ezzat

أعظم شعب لأنه قام ومش سلبي وعبد زي الكلاب ما كانوا بيقولوا .. أعظم شعب لأن برغم مئات الآلاف اللي قامت وطلعت محصلش أي تدمير أو تخريب أو سرقة أو سطو أو تعدي علي ممتلكات.. أعظم شعب لأنه قام من نفسه مش تحت شعار أو حزب أو تنظيم.. أعظم شعب إنه عارف هو عاوز ايه تغيير مش تدمير

January 25 at 9:31pm

ibrom-lebdA bella Mostafa ELzaghandi

اللي ف التَّحْرَيْرُ وَعَايِزُ شَبِكَةً يَرُّلُ نَفْقَ المَّرُو يَتَكَلَّمُ مِن تَحْتُ ... انشروا

January 25 at 12:03pm

Ahmed Faheem

المتظاهرين ليس لهم إلا هتاف واحد.. الشعب يريد إسقاط النظام..

ms08:1 is 65 yisumJanuary 26 at 1:47am

ibrom-labdA beamadoM Belal Shereef

بينادوا يقولوا (بينا يا جدع هنبات في الميدان والجدع جدع و الجبان حبان ).. ارحل

January 25 at 12:56pm

# Mohammed Abdel-mordi

تابعوا الجزيرة.. هي الوحيدة اللي جايبة الوضع دلوقتي.. والله مضطرين عشان فيه تعتيم

January 26 at 1:10am

Khadiga Abdel-hay

طبعا مش محتاجين نقول للي هيتابع الجزيرة أن دي قناة صهيونيه 100% حط في اعتبارك إلهم هيولعوها

January 26 at 1:30am

### Belal Shereef

على فكرة الجزيرة دي القناة الوحيدة اللي بتفضح النظام واحنا للأسف مش عاوزين نعترف بكدة ...... وبعدين الاصل ان احنا عاوزين نولعها عشان النظام يغووووووور

January 26 at 1:10am

#### Ahmed Faheem

الجزيرة مباشر عرضت مناظر طحن في التحرير بالليل.. لسه شغالة لسه شغاله

January 26 at 2:48am

Hala Mostafa ELzaghandi

رجاء النشر...

لتقليل أثر الغاز المسيل للدموع إربط قماش مبلول علي الفم والأنف

January 26 at 12:00am

Muhammad Barakat

"لا تحتمع أمتي على ضلالة"... صدق رسول الله صلّى الله عليه وسلّم

January 26 at 2:56am

### Mohamed Rafie

ظهر الجندُ دائرةً من دروع وخوذات حرب ها همُ الآن يقتربونَ رُويداً ببيئونَ من كُلِّ صَوْب والمغنونَ في الكعكة الحجريَّة \_ ينقبضون وينفرجون كنبضة قلب يُشعلون الكعكة الحجريَّة \_ ينقبضون وينفرجون كنبضة قلب يُشعلون الخناجر يستدفئون من البرد والظلمة القارسة يرفعون الأناشيد في أوجه الحرس المقترب يُشْبكونَ أياديهمُ الغضَّة البائسة لتصير سياجاً يصدُّ الرصاص الرصاص وآه... تغنُّون: نحنُ فداؤُك يا مصر نحن فداؤُ وتسقطُ حنجرةٌ مخرَسة

January 26 at 3:25am

## Basma Elmoor

واحد كان بيحميني من الشظايا باقوله انت مين؟ قال لي أنا مصرى زيك. لقيت نفسي باعيط. شكرا

# January 26 at 2:31am

#### Ahmed Sultan

لو طلع علينا النهار في ميدان التحرير.. كان الموقف هيتغير تماما..انما انا بجد مبسوط بكل الشباب اللي قابلتهم في وسط البلد النهاردة

January 26 at 3:55am

#### Ahmad Alharoon

ولاد ال....رموا علينا القنابل المسيله للدموع زى المطرة في التحرير .. بس فيه كلام ان لسه فيه مظاهرات في ماسبيرو ورمسيس .. يارب بس يكملوا للصبح وساعتها الوضع هيختلف

pmJanuary 26 at 3:47

# Hala Mostafa ELzaghandi

من كام يوم كتبت :مطلوب رجال وربنا استجاب وبعت جال وشباب الفيس بوك.. وبما انى طمعانة فى كرم ربنا.... اتمنى اشوف بكرة صنايعية وعمّال وستات بيوت January 25 at 11:27pm

Tarek El Arabi

قاب قوسین او ادبی

January 25 at 7:09pm

## Mohamed Ahmed

ياريت الكل يفتكر .. (الاستمراريه في كل شئ هي طريق النجاح)


January 26 at 1:10am

Ahmed Yehia تصبحوا علي بلد حرة January 26 at 3:54am

احب اقول لأي حد قعد الهاردة في likes مصــــر البيت يتفرج علينا فالتلفزيون

الشعب. يريد. اسقاط النظام likes مصــــــر

يوم الغضـــــب likes مصــــــر



احب اقول لأي حد قعد انماردة في البيت يتفرج علينا فالتلفزيون

on Wednesday, Ahmed Yehiaby January 26, 2011 at 1:55am

احب اقول لأي حد قعد الهاردة في البيت يتفرج علينا في التلفزيون الهاردة.. كنا عشرين الف واحد بيهتفوا بصوت واحد بحرية بلدهم في ميدان التحرير

انا كنت بمتف وورايا مش اقل من 10 الاف واحد كنا بنجري ورا الأمن المركزي وجريناهم زي الكلاب قدامنا.. خطفنا عربية اسعاف وسقناها .

راجل عندوا 50 سنة قال لي لما تحرروا البلد لازم تجمعونا في ميدان وتخنقونا عشان حيلنا ساب البلد يحصل فيها كدة..... انتو ارجل مننا يا بتوع الفيس بوك.

الشعب يريد اسقاط النظام....تغيير حرية عدالة اجتماعية

.. قلنا كل حاجة من قلبنا

بكرة كلوا ينزل بقي ..لو بقينا كتير محدش هيعرف يسكتنا.. احنا اقوى.

Like	comment	share	
		T 15 15 15 15 15 15 15 15 15 15 15 15 15	



الشعب...

يريد...

إسقاط النظام

by رصد on Tuesday, January 25, 2011 at 11:46pm

رواية احد الشباب عن المظاهرة

الشعب ... يريد ... إسقاط النظام

انا لسة راجع من المظاهرة، تعبان جدا وعندي برد من المية

اللي رشوها علينا، ده كله مش مهم، اللي شفته لازم يتحكى،

ويتنقل بين الناس كمان.

انا مش هاكتب بالفصحى، مافييش حيل.

اللي شفته النهاردة كان سلسلة من المفاجآت العظيمة، العظيمة بجد.

المفاجأة الاولى: عدد الناس كان كبير جدا زي ما شفتوا على التليفزيون، كله كان فاكر انه رايح لوحده، والباقي كالعادة

قاعد في البيت، بس لأ، مش ده اللي حصل.

المفاجأة التانية: ان معظمهم شباب، وفرافير، بتوع الفيسبوك، شكلهم يدل على راحة مادية نسبيا، وناس كتير من مهن

كتير، شفت زملاء في الكلية ماشفتهمش من عشر سنين في

المظاهرة دى، غريبة ان دول اللي نزلوا مع الهم في معظم

الاحوال مش مطحونين أوى زى بقية الناس.

المفاجأة الثالثة: على الرغم من ان معظم الناس شباب بس كان

فيه كبار وستات في الخمسينات وما شيين على مهلهم كده، ومش قليلين، كتار، وكان فيه ناس ماشيين بولادهم. المفاجأة الرابعة: كان فيه بنات معانا، أو عشان أكون دقيق كانوا اكتر مننا في الجروب بتاعنا، وبنات فرافير من اللي تشوفهم في الشارع تقول دول متربيين في شرنقة دهب، ومايعدوش الشارع لوحدهم، بس ايه رجالة، وجدعان، بنات بس رجالة، مش عارف ازاى.

المفاجأة الخامسة: كنا خايفين على البنات ان حد يتحرش بيهم ، ما حدش، كله كان محترم، وخايف عليهم اكتر مننا، ده دليل ان التحرشات اللي بتحصل من مدسوسين من الداخلية. المفاجأة السادسة: ما فيش عنف، خالص خالص، ولما ناس

بدأوا يهاجموا عربيات الامن المركزى اللي رشوا علينا مية، بدا كله يهتف: سلمية، سلمية، سلمية.

المفاجأه السابعة: لما وصل الاعتصام التحرير وقعدنا في

التحرير،فيه ناس بعد كده بدأوا ينظفوا الميدان من المخلفات

عشان الناس تعرف اننا متحضرين.

المفاجأة الثامنة: بصيت على الحتة اللي كنت فيها في الميدان

لقيتها نضفت فعلا!

المفاحأة التاسعة: بنت معانا ماكنتش اعرفها بتحلف بالمصحف وبالنبى عرفت الها مسيحية، الغريب انه مابانش!!! ليه؟ عشان كلنا بنحب بلدنا وبنهتف عشان تبقى احسن، فما بانتش الفروق الطفيفة دى.

المفاجأة العاشرة: مقدار النشوة والفخرة وانت يتهتف باسم مصر باعلى صوتك "مصر...تصفيق قوى..مصر...تصفيق قوى"، البلد اللى المفروض انه وطنك، وبتحلم طول عمرك انك تعيش فيه بقية عمرك، من غير ما حد يتهمك أو تتهم نفسك بالعاطفية والحمق، أخيرا بتعلن انك بتحبه، ومن غير خحل.

المش مفاجأة الحادية عشر: في وسط الخوف والقلق من اللي ممكن يعمله الامن، تبص للسما وتحتف مع عشرين أو تلاتين الف وتقول الله أكبر وياااااااارب، وتطمن، لانك نصرته، فهو أكيد هاينصرك، وقد فعل وله الحمد والشكر. المفاجأة الثانية عشر: جميل منظر الناس وهم في وسط ده

كله يتجمعوا ويصلوا جماعة.

المفاجأة الثالثة عشر: شباب مصر شباب زى الفل، من غير مبالغة، وبكل ما في الكلمة من معان: شهم، حدع، بيحب بلده، واعى وفاهم حدا، وربنا في قلبه.

المفاجأة الرابعة عشر: أقوى هتافات كانت بتجمع الناس كانت هى الموجهة لمبارك، والنظام، الشباب فاهمة أوى وعارفة فين المشكلة، الهتافات التانية ماكانتش بتلاقى نفس الحماس. المفاجأة الخامسة عشر: شفنا ابراهيم عيسى والناس بتشيلوا على الاكتاف، وحبهم ليه ظاهر وواضح، وقابلت نوارة نجم، وسلمت عليها، وكانت مدمعة من الفرحة من جمال وبهاء اللى شايفاه، فعلا، المحترم محترم فى كل حاجة، واللى بيرضى

ربنا مش نفسه، ربنا بيديله كتير، كتير أوى. المفاجأة السادسة عشر: احنا بفضل الله خيطنا الجيزة، وكل ما يحاولوا يوقفونا يلاقوا العدد كبير ويفتحوا، مصطفى محمود، شارع جامعة الدول ذهابا وايابا، البطل احمد عبد العزيز، ميدان الدقي،، شارع التحرير، الاوبرا، ميدان التحرير.. كتير كنت باحس ابي خايف ومش عابز اتضر، بس مافبش خيار آخر، ده باطل وظلم، ولازم نحاربه، ربنا أمرنا اننا نحاربه ، لانه مش خالقنا اعتباطا، لو كان خالقنا عشان نعبده و نستمتع بنعمه، وخلاص، يبقى فين الفايدة، ربنا خالقنا عشان نعمر الارض، ونستعمل نعمه في ان احنا نحارب الظالمين وبنشر العدل، وهو قالنا من الاول، عمرك و

رزقك بايدى .. مش بايد حد تانى، انطلق انت بأه و لا يهمك. اكسر خوفك وانضم للي بيدافعوا عن الحق، مسلمين أو مسيحيين، مش بتحلم ان ولادنا يكبروا في وطن؟ يكون همهم اختراع كبير بيعملوه في جامعة محترمة، أو كتاب معقد بيألفوه، بدل ما احنا مستهلكين في العيشة واللي عايشينها، و الشغل التافه اللي كلنا بنعمله، ايوه تافه، انت يا الا دكتور عارف انك اتعلمت اي كلام وبتوع بره احسن منك بمراحل او مهندس زيي ما يحلمش انه يعمل شيء معقد، كل اللي بيعمله اتعمل قبل كده خمسين مره مع فرق التفاصيل الغير مهمة، ولو

أوتلاقيك بتعلم في جامعة وعارف ان اللي بتعلمه مضي زمنه

عايز فلوس اشتغل في البيع واللا التسويق،

وحتى لو كان كورس كويس انت متأكد ان تلاميذك مش هايشتغلوا بربعه، لانهم هايتخرجوا يشتغلوا في الكلام الفاضى اللي احنا بنشتغل فيه (ده لو اشتغلوا) ..

ما عندناش ناسا ولا هارفارد ولا كليفلاند ولا ام أى تى،انسى. انا لما بابص لابنى اللى عنده شهر بافكر لو ربيته كويس هل ينتهى زبى، مشغول بالقرف اللى بيحصل، وغالبا هاينضم لاى حركة، عشان يطلع الغل اللى جواه، والله أعلم ايه اللى هايحصله، يا الا اربيه أى كلام فيطلع حرامى أو حزب وطنى، يا الا يسافر واشوفه كل سنة مرة، يا الا اتكل على الله واحاول انى اصلحله البلد.

الاخبار ان الامن فض الناس في ميدان التحرير، ما اعرفش ايه

اللي ها يحصل بكره أو بعده أو بعد شهر، الناس دى زينا، بيتظاهروا عشان الظلم بيوجع، وبيئلم، فيه ناس ماتت، وفيه ناس اعتقلت ولسة هايكملوا، عشان الحرية والكرامة طعمهم جميييييييل، روح خليك معاهم، خليك مع الحق، سواء في ميدان التحرير، أو في أي حته في المستقبل، ما تنساش ان كله بايد رب العالمين، رزقك وصحتك وعمرك، ولو ما كانش اللي ماتوا في المظاهرات ماتوا شهداء النهاردة، كانوا برضه هايموتوا في نفس المعاد في حادثة هابلة، أو أي حاجة من الحاجات اللي بتموت الناس في مصر لاتفه الاسباب. المفاجأة الاحيرة: نسيت أقولها معلش: مصر بلد محترمة شعبها حي وبينتفض عشان كرامته، وظهر على الجزيرة أخيرا وهو

بيصرخ ويقول، وش كده من غير لف ولا دوران :

الشعب ... يريد ... اسقاااط النظام.

Like	comment	share	
100			



# يوم الغضب

on WednesdayBasma Elmorby January 26, 2011 at 1:08pm

الساعة 3 العصر مظاهرة في شارع رمسيس قمتف بسقوط حسني مبارك وتتحرك بأعداد كبيرة دون حصار أمني أخبار عن مظاهرات بأعداد كبيرة في البطل أحمد عبد العزيز وناهيا والقصر العيني الساعة 4- شبرا: وصلنا لقينا الأمن مكردن شارع خلوصي، لفينا من الشوارع الجانبية ودخلنا الشارع مالقيناش مظاهرة والناس واقفة تتفرج والأمن بيستعرض عضلاته

وبعد شوية حه لورى محمل بلطحية ونزلهم مع أن مكانش في حد بيهتف أو بيتظاهر والناس قالوا ان كان في مظاهرة وفرقوها في الشوارع الجانبية وقبضوا على ناس.. وصلت أخبار أن الناس بتتجمع في التحرير..

مشينا برة فى شارع شبرا وكل ما نقول لتاكسى تحرير يسيبنا و يمشى.. قلنا لواحد اسعاف ولما ركبنا قالنا التحرير مقفول قلناله بس قربنا لهناك نزلنا ف طلعت حرب ومشينا لحد الميدان..

الميدان مليان بشر بالآلاف بيهتفوا وشايلين لافتات والأمن محاصر الميدان بس سامح للناس تخرج وتدخل فرادى من الكردون من ناحية طلعت حرب وقصر النيل لكن قافلين القصر العيني تماما..

فودافون كانت شغالة لحد تقريبا الساعة خمسة بعد كدة وقعت كان في شبكة لكن كان الاتصال غير مسموح، بس ساعات كانت الشبكة بتيحي لدقيقتين تلاتة وتقطع تابي اللي كان معاهم موبينيل قالوا الشبكة وقعت تماما ومارجعتش أبدا و اتصالات كمان قطعت بس كانت أفضل نسبيا برضو ساعات.. الناس في الميدان كانوا ظاهرة مدهشة من التحضر والذوق الكل بيسأل على اللي حواليه ويحاول يساعدهم .. الهتافات كلها تدعو لإسقاط النظام واللافتات كذلك عدد الناس كان بيزيد بالتدريج بالذات من جهة كوبرى قصر النيل .. كل فترة كان بينضم ناس عشرات أو مئات ولما كان الأمن بيمنعهم كان االناس بيتجمعوا بعدد كبير تجاه الكردون يفكوه ويدخلوا اللي جايين ينضموا لنا من برة ونستقبلهم

بالهتاف والتصفيق واشارات النصر..

ناحية عمر مكرم والقصر العيني كانت مقفولة تماما وعدد المتظاهرين كان قليل في الجهة دى من اتجاه رمسيس كان المتظاهرين حاطين حواجز ولما عربية أمن مركزى تحاول تخش كان الشباب ينطوا على العربية ويصفروا ويندهوا الناس للجهة دى ويجبروا العربية على التراجع ده حصل كتير يمكن خمس ست مرات قدامى ..

ماكانش فى أى هتافات دينية أو حزبية اللافتات بتقول: ارحل يا جمال مع بابا ,مباركGame over ارحل يا جمال مع بابا ,مباركات مين ارحل , أرض الدولة دى أرض مين بحموعات من الشباب بتغنى: الجدع حدع والجبان حبان بالليل بقت تغنى وتضيف:

واحنا يا جدع هنبات في الميدان

انتشر هتاف بقى بيتردد اكتر حاجة:

الشعب .. يريد .. إسقاط . . النظام (بالفصحي)

ناس متلفعة بعلم مصر أو رافعاه واحد متلفع بعلم تونس

الهتافات مستمرة بلا انقطاع والمحلات في الميدان مقفلة إلا محل

واحد كان ممكن ناس تخرج كأفراد لوسط البلد عشان تخش الحمام

أو تجيب أكل ومية للناس بس المحلات كانت أغلبها مقفل

واللي فاتح قال أن جاله أمر بالقفل.. الناس بقت توزع

كشرى وسندوتشات وقزايز وبعد شوية بطاطين وكمامات مبلولة

بخل والكل مقرر يبات..

كان فى ناس معاها ميكروفون ساعات بتتكلم وساعات تغنى وفى مرة حوالى عشرة حداشر بالليل واحد قال:سوف يهاجموننا

في منتصف الليل فاصمدوا.. بعد كدة بشوية بدأت بعض الناس تمشى من ناحية قصر النيل.. والعدد قل شوية في الجهة دى ... الشباب بقوا يندهوا على الناس تتلم عشان تقفل الأطراف ومانخليهومش يضيقوا علينا الكردون.. لكن الأعداد في الجهتين دول كانت قليلة بعد الجزء اللي مشي وفضلت الكتلة الكبيرة في الميدان ناحية طلعت حرب ووسط البلد.. لما كان العدد ضخم جدا مكانوش عارفين يعملوا حاجة.. بس المشكلة ألهم فصلوا المتظاهرين عن باقى العالم بقطع الشبكات وحصار المظاهرات المنتشرة في أحياء ومدن البلد فتوقف العدد عن التزايد لفترة ثم نقص جزء منه وهنا.. بدأت الحرب!! الساعة 12و نص

قنابل غاز مسيل للدموع والدخان

قنابل تنفجر بشظايا تصيب بجروح

اصوات الاسعاف تدوى كأنها اصوات انذار بالحرب صوت طلقات ومزيد من الدخان

باقوله انت مين؟قال لى أنا مصرى زيك..لقيت نفسى باعيط (كان بيحميني من الشظايا)..شكرا

محاولات للصمود..محاولات للاحتماء بأى شيء سور مدخل المترو مثلا..الدخان يتزايد لا نرى شيء

نتحرك في اتجاه قصر النيل كردون الأمن يغلق الكوبرى وعددنا قليل نتجه ناحية الكورنيش الأمن يغلق السلم ومجموعة من الناس تمتف ارجع دول بيضربوا رصاص مطاطى على الناس اللي كانت بتهتف قدام الحزب الوطني فى كل حركة فى كل اتجاه العدد يتناقص حتى اصبح الناس أفراد أو اتنين تلاتة ..

الشوارع برة كأن مافيش حاجة العربيات ماشية عادى المحلات فاتحة! لكن عربيات الأمن المركزى منتشرة بطول الشوارع فى كل اتجاه..طوابير أمن مركزى عند مداخل ومخارج الكبارى كلها عدد عجيب كانوا اكتر من الناس!!

الأخبار أن الاعتصام اتفض طب بكرة؟طب الناس؟لسة

الأجابة مش واضحة

ملحوظة:أفضل نصيحة اقفل مناخيرك واتنفس من بقك

Like comment share

مصـــر \_ وسقط جدار الخوف

## Status Photo Link Video Question

## Hala Mostafa ELzaghandi

اللي مكانش مصدّق امبارح او كان خايف او بيترياً علينا.. يصلى الفجر ويدعى لمصر ويترل الشارع ..و المسامح كريم January 26 at 5:47am

## Ahmed Abdel Moneam Masoud

زجاجة إسبراي أسود بسبعه جنيه ونص - لشل حركة المصفحات عن طريق رش الزجاج الامامي فمش يشوفوا حاجة . . كوفيه . .

..نضارة بحر وسدادات أنف- لاتقاء الغاز المسيل للدموع.. آداة دفاع عن النفس.. جهز نفسك للإشتباكات..
على بركة الله

January 26 at 11:31pm

Mohammad Mohsen مش هنخاف January 26 at 11:49pm

Hala Mostafa ELzaghandi ... خلاص حسينا باحساسيس الابطال... مش هينفع نرجع تابى نخاف January 26 at 6:31am

Maii Abd-Ellatif Khater فاكرين لما الشعب اتغرب جوه ف بلده.. یا رب تصبح ذکری یتحاکی بھا January 26 at 9:49am

## Hala Mostafa ELzaghandi

کان فی روح عجیبة امبارح مش عارفة اوصفها، غیر الجرأة و الشهامة وخلافه.. کانت الناس حنینة علی بعضها.. لو حد حد ع الارض یوطی علیه عشرة یطمنوا، لو حد خبط حد وهو بیجری یلتفتله ویقوله آسف وهو بیطبطب علیه.. لو جرینا من القنابل او الرصاص المطاطی تلاقی کل واحد خایف علی اللی ادامه و یحمیه بضهره.. لما غنینا بلادی عنینا رغرغت علی اللی ادامه و یحمیه بضهره.. لما غنینا بلادی عنینا رغرغت .. لقلب بقی فیه خشوع و رقة عجیبة ماعشناهاش من زمان .. لقلب بقی فیه خشوع و رقة عجیبة ماعشناهاش من زمان .. لقلب 26 at 7:43am

#### Ahmed Foud Eldin

النظام الأميركي يبدو خائفًا على عميله في مصر وأوباما يرفض التعليق على الثورة المصرية في خطابه الصباحي January 26 at 9:06am

# Hala Mostafa ELzaghandi

انا نازلة دلوقتى ومش عارفة مين جاى معايا من اللى اعرفهم لو حد نازل يكلمنى...لازم نمشى فى تجمعات January 26 at 9:53am

## Ahmed Sultan

يا تترل معانا الشارع يا تعمللي ريموف من عندك، بجد كل واحد بيفرق.. احنا محتاجين كل الناس معانا ف الشارع .. وانت محتاج أنك تكون في وسطهم أكتر ما هما محتاجينك.. دي مجرد بداية

January 26 at 1:23pm

## Maged Maher Wadie

يا جماعة.. عماد عادل البطل كان كالعادة مع المتظاهرين في التحرير.. ياريت أي حد ليه اصدقاء اومعارف في الشرطة يسأل

عنه لانه اتقبض عليه امبارح هو والمثات من الميدان.. انا بحاول بس لحد دلوقتي محدش يعرف اى حاجة عنه..

ياريت لو اي حد يقدر يساعدنا January 26 at 3:46pm

Nadine Nabil ربنا معاك يا عماد ويحميك.. كلنا بنصليلك January 26 at 11:11am

#### Alaa Ezzat

Mohammed Abdel-mordi

عااااجل: مظاهرة الآن في طلعت حرب


January 26 at 3:55pm

Mohammed Abdel-mordi الأمن يمنع توقف قطارات المترو في محطة التحرير "السادات" January 26 at 3:55pm

Mohammed Abdel-mordi مؤكد/مظاهرة من ألفين شخص بشارع محمد فريد والاعداد في زيادة January 26 at 4:01pm

Basma Elmoor بيضربوا الناس في رمسيس شكلهم حايين من عند نقابة الصحفيين January 26 at 4:41pm

Mai Abo Nawaia هما دول مصريين طب ازاي؟!



الكاتب والصحفى وعضو نقابة الصحفيين المحتفين المحتود عبد القدوس فى لحظة أعتقاله January 26 at 8:25pm

#### Ahmed Abdel Moneam Masoud

غسل الوجه بالكوكا كولا يزيل مفعول القنابل المسيلة للدموع .. حرّبنا هذا في تونس حتى باتت قنابلهم بلا جدوى January 26 at 3:47pm

# Ahmed Abdel Moneam Masoud المحلة: مش عايزينك مش عايزينك ارحل بقي يحرق مي\*\*\*ك January 26 at 5:40pm

## Ahmed Foud Eldin

جوجل والجي ميل صعب فتحهم،تويتر والفيسبوك بقي بطيء قوي January 26 at 4:54pm

Lamiaa Sabry Eltawel لو الفيس بوك مش شغال عندك افتحه عن طريق البروكسي January 26 at 2:31pm

#### Amir Boshra

يا خدام لو سمحت بلاش ندخل الدنيا في بعضها عمر ما كان

المسيحيين على مر العصور سلبيين وجبناء زي العصر دا.. لا والمصيبة بيطلعلونا بآيات من الكتاب وتأملات غريبة.. يا سلام.. عمرنا ما سمعنا انه فيه ف أي عصر الكنيسة منعت الناس تترل تتظاهر

January 26 at 7:29pm

#### Hani Mostafa

أنباء غير مؤكدة عن تجمعات لألتراس الأهلى والزمالك لتنظيم مظاهرة الآن.. لو عملوها يبقى الحسبة طبت يا رجالة January 26 at 8:16pm

#### Hani Mostafa

أخبار مؤكدة.. جماعة الإخوان لم تشارك ولن تشارك بأى شكل تنظيمي في المظاهرات..وأفرادها يتحركون من منطلق وطني شعبي January 26 at 9:40pm

Muhammad Barakat قتلي في القاهره،والسويس تحترق ولا حصر للقتلي والجرحي January 26 at 10:15pm

> Gamal Khoziem تم الاحراق بالفعل و2 ماتوا من الشباب المتظاهرين January 26 at 10:59pm

> > Mohamed Rafie الرصاص الحى January 26 at 10:28pm

> > > Hani Mostafa

دخول التاريخ تم بالفعل بالأمس ولكن أن تكتبه بقلمك .. فإن هذا للأسف سيحتاج دماءا تملأ المحبرة January 26 at 8:05pm Noha Atef Soudy استرها معانا يا رب.. بحق الادان ده January 26 at 3:07pm

#### Maii Abd-Ellatif Khater

لاصحابي المقيمين بالخارح يا ريت تساعدونا بنشر أخبارنا.. أصدقائكم المصريين يتم قمعهم بشكل وحشي ويتعرضون لاطلاق نيران

January 26 at 6:46pm

## Mai Abo Nawaia

آلاف أمام نقابة الصحفيين "الآن" والأمـــن تنهك قواه، ويقول للمتظاهريـــن "إحنا مانمناش من امبارح حرام عليكم " January 26 at 9:36pm

## Hani Mostafa

وصل الشعب فجأة الى نقطة اللاعودة.. إذا تضاعف عنف الأمن تضاعف الغضب.. وإذا أرادوا التهدئة.. ازددنا جرأة January 26 at 8:02pm

Ophilya Atef Beshay اذا اندفعت الشعوب لا تستطيع ايقافها January 26 at 8:49pm

Ahmed Abdel Moneam Masoud السحون مهما تكون مش هتشيل 80 مليون January 26 at 9:50pm

## Hani Mostafa

عندما يصير الموت أبسط من انحناءة ..وأسرع من التفاتة .. ومتاح لآلاف آلاف الساخطين.. تُكتَّب الثورة فوق جبين الثائرين ..والجحيم للخونة January 26 at 9:46pm

#### Muhammad Barakat

المتظاهرين بيعالجوا عساكر الأمن اللي بيتصابوا ويوصلهم للإسعاف ... هما دول الشعب المصري بجد،،، العسكري ده مصري ومن الشعب،، January 26 at 11:51pm

#### Hani Mostafa

صفوت الشريف يتبول لمدة ربع ساعة على المحور ... نقض وضوئى الله يخرب بيته هوه والحزب والحكومة January 26 at 9:42pm

جمعة الغضب للثورة على الفساد Ahmed attended والظلم والبطالة والتعذيب

Hani Mostafa يوم الجمعة بداية النهاية January 26 at 8:15pm

## Mai Abo Nawaia

في اي حد متوقع او قادر يتخيل موقف الجيش ممكن يكون ايه؟؟ January 26 at 9:44pm



2011 يناير 2011 بوم الجمعة بعد الصلاة في كل ميادين مصر الشعب ترجد إسقاط النظام

فيسس الأستعداد

## QuestionStatus Photo Link Video

#### Hani Mostafa

في ثلاثاء الغضب ....شعر الجميع أنه يتعرف على شعب مصر لأول مرة ..وافتخر الجميع فجأة بألهم يحملون تلك الجنسية الرائعة ... مصرى

January 27 at 10:45pm

Engy Mohy Eldin على اسم مصر التاريخ يقدر يقول ما شاء ...

أنا مصر عندى أحب وأجمل الاشياء January 27 at 1:47pm

# Hala Mostafa ELzaghandi

امبارح أدام نقابة الصحفيين سمعت بودنى رجل امن بيكلم رئيسه ف الموبايل: انا تعبت اوى يا باشا. انا ف المظاهرات من امبارح الصبح لولا رجلى ملووحة كنت نزلت النهاردة. . و ناس كتير انضربت من اول يوم مش هتقدر تترل . ادعولهم يقدروا يترلوا بكرة . .

اللي قادر يترل: ارجوكم ماتضيعوش مجهودكم ف الهتافات.. خلوهم يجروا وراكم.اتعبوهم اكتر عشان بكرة لما كلنا نترل يكونوا خلصوا م التعب Ianuary 27 at 9.22am

January 27 at 9:22am

## Hani Mostafa

الناس تترل في مجموعات ويكون لكل مجموعة منسق January 27 at 12:16am

#### Toula Perloshian

#### Emad Adel

أخيرا وصلت بيتنا بآمان.. الحمد لله وشكرا لكل أصحابي January 27 at 4:11am

## Lamiaa Sabry Eltawel

(واعلم أن ما أخطأك لم يكن ليصيبك، وما أصابك لم يكن ليخطئك ) كفايه خوف بقي.. إعقلها وتوكل. January 27 at 9:18pm

#### Mai Abo Nawaia

بن زيد .. من تونس يقول:

من تونس تحية لكل الدول العربية الشقيقة وارجو من الله عز وحل ان نكون يد واحدة لنتغلب على الظلم والقهر لنسترجع كل حقوقنا وانتم يا شعب مصر والجزائر مثلما اخرج الشعب التونسي زين الفاسقين اقول لكم ان لا تستسلمو ولا تخافو وكونوا ايد واحدة.. لكي تتغلبو على كل من يتصدى لكم انشاء الله ربنا ينصركم

January 27 at 5:06am

## Ahmad Alharoon

القناة العاشرة الإسرائيلية: سقوط نظام مبارك سيودي بحياة اسرائيل January 27 at 12:45am

# Mohammed Abdel-mordi

لازم نقاطع الصحف اللي بتضحك علينا ... احنا بنشتريها عشان نعرف الأخبار ولا عشان ينضحك علينا January 27 at 1:01am

Ahmed Abdelgawad Farahat الساده رؤساء تحرير الصحف والمجلات الحكوميه ....

عيشوا بشرف، كتكو القرف January 27 at 2:08am

#### Amr Gohar

مقاطعة الصحف الحكومية (اللاقومية)، لازم الجرايد ترجع لهم زى ما طبعوها عشان نسقط الاعلام البصمحى الموجه .. انشر January 27 at 6:24am

#### Mai Abo Nawaia

يا جدعان الوضع في السويس صعب اوي !! الحكومة عزلت البلد عن كل حاجة !! بيقطعو النت...و شبكات الموبايل عن البلد كلها

January 27 at 4:16am

## Muhammad Barakat

يابيوت السويس يابيوت مدينتي،،، أستشهد تحتك وتعيشي انتي January 27 at 1:14am

## Mai Abo Nawaia

حد يعرف ازاي ممكن نبعت لجمعيات حقوق الانسان العالميه علشان اللي بيحصل في السويس؟؟؟

January 27 at 2:05am

## Gina Mokbel

حزينة من أجل وطني.. بلدي.. ارضي.. مصر أرض الحضارة January 27 at 12:25pm

## Asmaa Fahmy Mounir

بعد ما ضربوا المتظاهرين المسالمين بالرصاص الحي والرصاص المطاطي المحرم دوليا والقنابل المسيلة للدموع.. بعد مقتل أبناء السويس وبعد إصابة العشرات.. بعد اعتقال أكتر من 500 متظاهر ومنهم مصابين تم رفض ذهابهم للمستشفيات .. مطلبنا الآن هو: لا نريد رئيسا ولا حكومة لا تحترم شعبها.. لا نريدكم

January 27 at 12:00pm

# Mai Abo Nawaia

كل الناس اللي بتموت واللي بتتسحل دي علشان واحد بسسسس مايمشيش؟؟؟ January 27 at 5:18am

Ahmed Abdelgawad Farahat نفسي أسمع..فهمتكو..بس خايف السر الإلهي يطلع ونتحرم منها

January 27 at 1:34am

Neveen Shalaby كلنا في انتظار كلمة واحدة بس.. " انا فهمتكوا " January 27 at 11:12pm

Mai Abo Nawaia عندي فكره فظيعه: كلنا نكتب ارحل يا مبارك بلغه العبريه علشان يفهمنا ל כ١، מ١ ב ٢ م January 27 at 7:43am

# Ahmed Abdelgawad Farahat

حبر موثق ، يعتبر بشرة خير : الرئيس مبارك من شهرين غير نوع الصبغه وبقى يستعمل نفس الصبغه إللي إتوصفت لبن علي January 27 at 2:24am

## Mai Abo Nawaia

خبر عااااااااجل. الرئيس مبارك يعتصم امام دار القضاء العالى مطالبا بتغيير الشعب واستيراد شعب جديد مايكونش فيه رجاله

January 27 at 5:13am

Ahmed Foud ELdin قفلوا خدمات البلاك بيري جزئيًّا برضه.. ولو January 27 at 9:16pm

Ahmed Foud ELdin بيقفلوا الفيسبوك والسايبرات هتقفل بعد 12 وتعليمات أمنية بالحصول على بيانات أي حد بيستخدم الانترنت، ولو... January 27 at 9:12pm

Asmaa Fahmy Mounir الحكومة اللي تخاف من التويتر والفيسبوك آخرها تحكم في FarmVille ..! January 27 at 12:21am

Hala Mostafa ELzaghandi هى فين الحكومة..حد شافها؟ دور يابنى كده تحت الترابيزة January 27 at 5:41am

## Mai Abo Nawaia

صفوت الشريف للمتظاهرين: خليكوا محترمين وماتخلوش حد يحركوا واحترموا وطنيتكوا البلد مش لعبه وخليكوا رجاله ويستهين بعدد المتظاهرين وبيقول مافيش ملاين في الشارع January 27 at 4:34am

#### Mai Abo Nawaia

الي صفوت الشريف:

احنا بقي بكره وبعده هانوريلك الملايين دول عاملين ازاي ونقوله بكل بساطه احنا محترمين وماحدش بيحركنا غير فسادكوا و ظلمكوا وبنحترم وطنيتنا وعلشان البلد مش لعبه اللي مشغلينك لازم يمشوا منها وعلشان دي بلد رجالة انت اول واحد لازم يمشي وطبعا انت فاهم January 27 at 4:36am

## شبكة رصد | Engy likes R.N.N

#### Mai Abo Nawaia

رصد: أماكن الوقفات في جمعة الغضب غدا وصلتنا نسخة منها .. انشروها يا بنات خلي ليكوا دور January 27 at 9:11pm

# Tarek El Arabi

جمعة 28 فبراير.. انشاء الله هيكون يوم حريتنا



الثورة على الفساد والظلم والبطالة والتعذيب جمعة الغضب

فى كل انحاء مصر: Location

28th Time: 12:00AM January (Friday

January 27 at 5:25pm

#### Ahmed Samir

صديقى الاخواني: لا تردد شعارات تحمل بعد ديني ،ردد المفاهيم التي يدعو لها الإسلام..وهتافات لبلدك بالحرية ... انشر لنجاح الثورة January 27 at 2:50pm

## Ahmed Abdel Moneam Masoud

أقباط مصر يعلنون الهم سيحمون ظهور المسلمين غدا أثناء صلاة الجمعة من غدر الشرطة، الله عليكي يا مصر دى مصر وقت الازمات

January 27 at 10:38pm

## Maii Abd-Ellatif Khater

هنترل يوم الجمعة. هنترل من أجل غدا أفضل. من أجل وطن أفضل. بس بحق وحقيقي January 27 at 6:39am

## Mai Abo Nawaia

خبر عاجل: ضروري جدا عشان لو الفيسبوك اتقفل في مصر: في مظاهرات حاشدة تطلع من كل المساجد في مصر بعد صلاة الجمعة لكل الميادين العامة ونعتصم فيها لحد ما ناخد حقوقنا .. انقل الرسالة دي لكل المصريين اللي تعرفهم January 27 at 6:06am

> Mohammed Abdel-mordi إن اغلقتوا المساجد فأرض مصر كلها مسجدنا January 27 at 1:21am

#### Tarek El Arabi

حكومة مصرية غبية جدا منعت فيس بوك وتويتر للتقليل من مظاهرات بكرة وكان الناس لسه مسمعتش عنها.. طب أحب أطمنهم ان الناس كلها هتتقابل بكرة في صلاة الجمعة وهيخرجوا للشوارع بقلوب مليانة ايمان وقوة وروح مش ممكن تنكسر.. يارب January 27 at 8:00pm

# بعض الارشادات لحماية المتظاهرين likes مصــــــر



بعض الارشادات لحمايةالمتظاهرين

by Maysoon El-Massry on Thursday, January 27, 2011 at 3:27pm

نقلاً عن احد الزملاء:

الناس يوم الجمعة يشيلوا معاهم شنطة صغيرة فيها الآتي :

- 1- زجاجة أو زجاجتين زيت؛ علشان تشل هجوم العساكر وأندفاعهم
- 2- زجاجة ماء وعصير علشان محدش يهبط أو يحصلو حالة من
   التسحر علشان اليوم حيبقي طويل جدا
  - 3- الناس تفطر كويس جدا قبل متترل
- 4- زجاجة خل وكوفية محترمة علشان الاحتماء من الغاز المسيل للدموع. (يرش الخل على الكوفية للوقاء من الغازات المسيلة للدموع)

5- لبس يحمي من الصقيع علشان لو بتنا في الشارع بس ميعوقش الحركة

6- زجاجة بيرسول علشان تعدي المخبرين والبلطجية، يمكنهم من الجرى

7- زجاجة من الماء مذوب بها قرصين من دواء الحموضة
 لغسل العيون والجلد من من تأثير الغاز المسيل للدموع
 - ياريت الناس تشيل معاها احتياطى اى نوع من
 الحلويات علشان حالات الهبوط وضمادات وقطن ومطهر
 علشان الجروح.

نصائح هامة من احد الاطباء:

\_للوقاية من الغاز المسيل للدمع: ارتدي جوجلز (نظارات السباحة)،وضع منديل مبلل/باندانا على فمك وأنفك. اذا اصبت بالغاز لا تدعك عينيك \_مش عارفة البصلة دي نصيحة من العادلي باشا ولا ايه؟ البصلة في حد ذاتما قنبلة مسيلة للدموع! سيبوا البصل في البيت !ا

عدة دقائق. ماتحريش وأنت مش شايف حاجة وتقع زرع بصل في النيل - أو تمبط في حضن ظابط أمن مركزي

\_البنات: ارفعوا شعركم ولا ترتدوا أي أقراط طويلة ولا سلاسل لأنها أشياء يمكن شدّكم منها \_ممنوع العدسات اللاصقة لأنها تحجز ورائها الغاز المسيل للدموع

\_الفازلين، كريم نيفيا، مستحضرات التحميل تحجز تحتها الغاز المسيل للدموع وتجعل المشكلة أسوأ. فطبعاً البنات تترل من غير ماكياج.

إذا سقطت على الأرض وضربت، خذ وضع الجنين لتحمي بطنك من الركلات وغطي وأسك بذراعيك، يديك تصلان لخلف الرأس الرأس الرأس البطن نقاط الضعف.

الراس الراس الصدر / البطن لفاط الصعف. \_لاتستفز رجال الشرطة بالسب ليس الهدف استعراض محصولك اللغوي من القباحة الهدف هو إبداء غضبك من معاملة الشرطة. \_المصاب بجرح يترف بغزارة:اضغط بقوة على الجرح بمنديل نظيف. ارفع الجزء المصاب لأعلى فوق مستوى القلب ليقل النزيف

\_لا تجعل المغمي عليه في وضع الجلوس. لابد أن يكون مستلقيا أفقيا حتى يصل الدم الكافي لمخه \_المغمي عليه: انقله لمكان آمن، اجعله يستلقي \*أفقيا\* على جانبه. تأكد أنه قادر على التنفس ولايوجد شي يعيق مسار الهواء لأنفه وفمه

\_افسح الطريق لسيارات الاسعاف

اضافات من اصدقاء اخرين: ولاعة علشان نولعها مع بخ البيرسول لابعاد البلطجية والامن وممكن يكون معانا قفازات عشان لو عايزين نحدف ع الامن القنابل اللي بتتحدف علينا.

كمان ممكن نستخدم بوهية عشان نكبها ع الامن لجعل تحركهم اصعب وسبراى اسود لرشه على عربيات الامن. باضيف كمان كشافات نور وشمع عشان لو طفوا علينا النور.

بعض النصائح للتعامل مع قوات القهر: (نقلاً عن نوت لعلى الرجال)

أولا: أذا كانت الجنود تحمل العصا الطويلة فلتلتحم به ؛ لأن هذا لا يمكنه من البطش بها من أعلي او من علي الجانب

حيث يتطلب كلاهما مساحة لا بأس بها .اما دروعهم فلن تأذي أحد ما دمنا ملتحمين بهم بل علي العكس يمكن أن تأذيهم هم

ثانيا: أذا كانت الجنود تحمل العصا القصيرة أجعل بينك وبينه على الأقل ثلاثة أمتار وفي حالة أستخدامهم للعنف

أستخدموا الأرجل للدفاع عن النفس؛ بالبلدي شلوت عباسي في الدرع الي هو مسكو بيتحما بيه حيخدو ويقع.

ثالثا: في حالات الإعتداء من قبل قوات القمع فلتلجئوا إلى الشوارع الجانبية وحبذا الهروب إلى شريط الترام أو القطار، وأنتو عارفين الباقي طبعا

رابعا: أول متشفوهم حايين عليكم بالهبة والجرية بتعتهم ديه .. أرمو الزيت الي معاك أمامهم

خامسا: تحنبوا الأماكن المفتوحة فكلما ضاقت المساحة أحتاس الأمن المركزي

سادسا: في حالة رموا علينا طوب وزلط...كل واحد لابس جاكيت يقلعوا ويلفوا على دراع ويحمي نفسه وبلاش جري لو كانو بعيد عنا. علشان بعد مايخلصوا الطوب ناحده ونرميه عليهم ونكسب احنا أرض عليهم، وعلى فكرة هما بيخافوا "وبيكسكسو" جدا من موضوع الطوب ده.

ويا احنا يا هما في الدنيا دي

Like	comment	share	



جعة الغض Is Attending مص

۲۸-ینایر - ۲۰۱۱- Time: ۲۰۱۱

كل شوارع مصر: Location

Created by: الشعب

More info:

دعوة من شباب الفيس بوك لكل شعب مصر في كل مكان .. بعد صلاة الجمعة.. من أمام كل المساجد والكنائس... دعوة للغضب .. للثورة على الفساد والظلم والبطالة والتعذيب ... فهل من محيب؟

## Status Photo Link Video Question

#### Mohammed Abdel-mordi

يا جماعة ... ممكن أكون دلوقتي مش عارف ادخل على الانترنت لأنهم قفلوا الانترنت فعلا و قدرت العب لعبة و ادخل .. و ممكن دلوقتي أكون مش عارف استخدم التليفون عشان هيقفلوا الشبكات كلها زي ما قفلوا الرسائل على المحمول ..

بكرة أكيد فيه مجزرة و مكيدة ضد الشعب كله..يا ضمير العالم ستيقظ الى كل الحواننا خارج مصر أنتم الآن صوتنا فاستيقظوا لأجل اهلكم... نسألكم الدعاء ثم المؤازرة بكل ما أوتيتم من وسائل

January 28, 2011 at 3:07am

#### Tarek El Arabi

اغلقت الحكومة المصرية جميع حدمات الإنترنت والاتصالات .. يتم عزل مصر رسميا عن العالم... الهم يريدون اخفاء الثورة السلمية. يرجى النشر لبدء الضجة العالمية حول هذا النظام الطاغية... وينبغي على الجميع وعلى المجتمع الدولي ان يعرف هذا، رجاء النشر!

January 28 at 2:06am

January 28 at 2:06am

Amr Gohar تحیا مصر January 28 at 8:26am

Tarek El Arabi

ولاد مصر بيعيدوا كتابة التاريخ.. الله عليكي يا مصر January 28 at 8:28pm

Asmaa Fahmy Mounir

فخورة.. اني مصرية :)

February 28 at 12:48pm

#### Tarek El Arabi

الى رجال الشرطة والجيش الشرفاء...دائما وابدا كنتم مصدر زهو بلادنا الحبيبة وعزتها...اذكركم ونفسي اولا بتقوى الله و انكم اقسمتم الولاء للوطن وليس الولاء لشخص ما وحلفتم

اليمين لحماية الوطن من اعداءه من الخارج والداخل...إن أيام الله تشهد علينا جميعا..و كما قال رسول الله (ص) إن أفضل الجهاد هو كلمة حق عند سلطان جائر..

اللهم بلغت اللهم فاشهد January 28 at 6:03am

#### Tarek El Arabi

عدد من مبانى النظام اتحرق ومن ضمنهم المقر الرئيسى للحزب الوطنى وقوات الشرطة بتنسحب ببطء غريب بعدا ما خلصوا قنابلهم المسيلة للدموع والمطاطى طول اليوم ...

و الجيش بيترل مكانهم..بلدى مصر تحت حظر التجول January 28 at 6:07pm

> Tarek El Arabi مش لاقی کلام اقوله ... January 28 at 11:30pm

# أسبوع الغضب

السويس بدأت بالغضب واللي اتقتلوا من ولادها وجعوا قلب مصر.

أحمد فهيم دكتور عظام.. كان عارف إن الوجع بداية لطريق العلاج.. وكل نقطة دم سالت من ولاد السويس كانت ضمانة لنجاح العملية .... السويس فى نظره مجرد بداية و كمان يوم .... ونحاية الظلم قرّبت...

ألمايته بتبتدى لما كدبه بينكشف ... فهيم مش قادر يصدّق!! ... دماء الأقباط راحت هدر بكدهم .... مى مش مستوعبة.. عايزين يقنعونا بإيه ؟.. أمن النظام.. يبقى البطل!!!.. أمن النظام بيحمينا ؟!!! لأ بقى!! كفاية كدب بقى!!... مسكوا الريموت.. قفلوا الصوت.. مش راح نصدّق تانى.. مش راح نخاف من تانى!

هالة هزمت خوفها وقالت مش هنطاطي.. اللي نازل معايا يرفع إيده.. لمياء رفعت إيدها وقالت شراع أو كفن.. مايهمنيش.. المهم يكونلي وطن .... أما سلطان مل الكلام وقرر يتزل يوم 25

عدّى الليل على الشباب.. ماحدش منهم داق طعم النوم ... القلق موجود بس الأقوى كان عزم وإصرار.

ومع أذان الفحر.." الله اكبر.. الله اكبر ".. صلت هالة ودعت لمصر.. يا رب انصر مصر.. واوفيليا وقفت أدام صورة العدار ودعتها.. وحياتك يا عذرا لا تقوليلهم يترلوا.. اصلهم بيسمعوا كلامك يا عدرا.. قوليلهم يترلوا ..

نزل الشباب الشوارع ينادوا " عيش. حرية. كرامة.. إنسانية ".. اتفاجئوا بعددهم.. واتفاجئوا أكتر بالحب اللي كان مكبوت جوه قلوهم .... عساكر الأمن ماحاولوش يفهموا.. الشباب دى نازلة عشاهم.. عشان مصر.. لكنهم ماقدروش يفهموا.. يعني إيه عيش ؟ يعني إيه كرامة ؟ وبدون إنسانية ضربوا الولاد.. ولكن الشباب مازالوا بيفكروهم وبيهتفوا "سلمية.. سلمية "..

وبدون ما يقصدوا ..خدهم رجليهم لميدان التحرير.. سألوا نفسهم وبعدين؟.. الأمن محاوطهم ... الحكومة ولا كألها سمعتهم.. رغم شرعية مطالبهم وسلميتهم.. طب ماحناش ماشيين.. هنبات في الميدان رغم الضرب بالعصيان ....

لمياء نادت في اللي ماكانش مصدّق الحلم.. اهوه الحلم بقى واقع واللي بيحصل مش شيء عادى ... اصحوا يا بشر.. صدقوا.. انزلوا من على صفحاتكو.. انضموا لاخواتكو.. ساعدوهم يمية.. أكل.. بطاطين ..

وعلى الفحرية أحمد هارون قالها بحسرة.. أمطار الغاز غلبتنا.. رجعونا بيوتنا.. بس الأمل كبير ومن بكرة نازل تابي التحرير..

محمد محسن مخرج شاطر.. شاف الجمعة مشهد حاسم في الفيلم.. معداش خايف وهيترل يوم ٢٨ يناير

وفى ليلة الاستعداد.. نقلت مايسون نصايح شباب تونس.. سهر الشباب يحضروا شنطة رحلة الغضب .. نضارة بحر.. كمامة.. قزازة مية.. خل وكولا. لكن النظام ما سكتش.. قطع النت والموبايلات .... افتكر مافيش اتصالات يبقى مافيش تغيير ...

لكن الشباب اتجمعت عند الكنايس وجوه الجوامع ....

سلّم الإمام وانتهت صلاة الجمعة.. وقبل مايلحق حد يقوم من على سجادة الصلاة.. هتف الشباب بكل إيمان.... "الله أكبر وتحيا مصر.. الله أكبر و تحيا مصر".. الله أكبر و تحيا مصر الله أكبر و تحيا مصر الله أكبر و تحيا مصر المفاجأة كانت أكبر مما تصوروا.. الناس من بلكوناتها بتشاور.. نازلين... ستات.. شيوخ.. شباب.. رجال.. أطفال.. فقرا.. أغنيا.. عمال.. فلاحين.. تجار.. ممثلين ..دكاترة.. مهندسين.. طوفان من البشر......

فى كل شارع كان الهتاف بيزيد.. يا " يا اهالينا يا اهالينا ... يا اهالينا ضموا علينا".. الأهالى لبّوا الندا وكادوا العدا.

فرح طارق وقال لمصر الله على ولادك ... بدمهم بيكتبولك تاريخ جديد ..

تاريخ ثورة \_70 يناير\_ كتبوه بحروف من غضب.



أسبوع الميدان





لا نـــت. لا اتصــالات Is Attending مصـــر

28 يناير - 2 فبراير :Time

كمبيوترات وموبايلات مصر Location:

Created by: النظام

More info:

ترى ما قام به النظام المصرى من قطع حدمة الإنترنت والاتصالات عن الشعب.. سيهزم العالم الإفتراضي أم سيزيد من قوة غضبه في عالم الواقع ليتوحد العالمين على أرض مصر؟!

Status Photo Link Video Question

No more posts

ايد اللي حصل للمصريين .. ؟! likes مصلح المصريين المصريين المصريين المصريين المصريين المصريين المساود

Time: you 2 - 1/2 28

Location: Law Course or your

Created by: year

Note info:

الا ما الله المراح على الله الاولاد الله الإولاد الله الإولاد الله الإولاد الله الإولاد الله الإولاد الله المراح المراح الله المراح المراح المراح الله المراح الله المراح الله المراح الله المراح المراح المراح الله المراح المراح المراح المراح المراح المراح المراح المراح المراح المرا

mak



إيه اللى حصل للمصرين .. ؟!

by Engy Mohy Eldin on Wednesday, February 2, 2011 at 4:26pm

يوم السبت ٢٩ يناير على الساعة تلاتة الضهر..

كلمونا معارفنا قالولنا في بلطجية بسنج ومطاوى طلعوا عليهم عند سور مدينة الرحاب ..

قومنا جرينا في بيتنا بمدينة العبور زى المجانين من الخوف والرعب ... ابتدينا نغير لبسنا عشان نتحرك قبل ما يجوا علينا وملحقناش نكمل حتى لبسنا.. سمعنا زعيق وصريخ بالشارع والناس بتحرى وبتقول البلطجية قبلنا بالحى الأول ومعاهم سكاكين وسيوف وجايين علينا...

جرينا واحنا بنبكي أنا وأمي لجيرانا اللي ادمنا.. ورجالة الشارع وأخويا خرجوا بعصيان وفضلنا احنا والستات في البيت بنحضر في قزايز المولوتوف والسكاكين وبقينا واقفين في وسط البيت خايفين حد يدخل علينا من أي شباك ولا باب.. صوت زعيق من الشارع ... الرجالة كلها بتجرى.. البلطجية جم على أول الشارع.. ضرب نار وأصوات صريخ وخناق.. رجالة داخلة خارجة علينا هدومهم غرقانة دم.. والستات واقفة بتبكي من الخوف والرعب على رجالتها وواخده أطفالها في حضنها .. والأطفال بتصرخ مش فاهمة حاجة.. بنكلم نمر الشرطة لكن كل النمر بتقول "احموا نفسكو بنفسكو".. بنستغيث بأصحابنا في التليفون يردوا علينا نفس الرد ..

" كل النمر بتقول ... احموا نفسكو بنفسكو؟!"

حتى الشيوخ بالجوامع بينادوا بصوت عالى فى الميكروفونات وبيطالبوا الناس أنها تحمى بيوتما وأهاليها ..

جت الرجالة وقالوا مسكنا أربعة من البلطجية.. واحد منهم معاه بطاقتين.. بطاقة سواق أتوبيس والبطاقة التانية أمين شرطة .. قعدنا ليلتها للصبح خايفين مرعوبين محدش غمض عينه لغايت ما النهار طلع عشان نروح بيتنا القديم بميدان هليوبوليس .. قولنا أمان اكتر.. ناس وعمار عن مدينتنا ..

ركبنا العربية واحنا التلاتة قلقانين.. لا أى حد يطلع علينا فى طريق مصر أسماعيلة وعطول الطريق شايفين دبابات مترصصة .. ناس طالعة بتحمى بيوتها.. كل كام متر نشوف لجنة شعبية من شوية شباب بشوم ومقفلين الشوارع بطوب وبراميل لغايت ما وصلنا الميدان ...

لقينا الشباب داير ما يدور محوطينه بلحان بيفتشونا ويشوفوا بطاقينا بنفسهم.. طلعنا البيت وابتدينا نهدى شوية واطمنا من شكل اللحان الشعبية اللى مالية الميدان ولسه هنقعد ونرتاح سمعنا صوت انفجار جامد.. قلبنا انخلع من الخوف وبعد دقايق اكتشفنا أنه صوت طيارات حربية طايرة على ارتفاع منخفض جدا وكأنها فوق دماغنا بالظبط.. وبعد شوية ابتدينا نتعود على صوت الطايرات ...

معدتش ساعة واحنا بنحاول نمثل على بعض أننا هدينا شوية.. فجاءة سمعنا أجراس الكنيسة والجامع بيكبر.. بصينا من شباك بيطل على الميدان لقينا الشباب بيصفروا لبعض..الرجالة بتجرى وبيضربوا نار وابتدينا نكبر ونستشهد مع أصوات التكبير اللى بترج الميدان ...

وبعد ما الشباب رجع عرفنا أن تلات بلطحية برشاشات حاولوا يتهجموا على بعض اللجان الشعبية ولما الناس اتكتلت عليهم .. جريوا واحتموا بالجامع .. لكن الناس دخلت وراهم و مسكتهم وسلمتم للجيش...

ورجع الشباب والرجالة من تانى يحموا الشوارع والميدان ومن اللحظة ديه قضينا باقى ليلتنا وضرب النار بقى زى صوت

ده اللي حصل ليا أنا وأمي وأخويا ..

اليمب بالنسبة لنا .....

وده جزء صغير أوى من اللي حصل مع كل المصريين

Like comment share



# خطاب الفتنة Is Attending مص

۲- فبراير - ۲۰۱۱ : Time

شاشة التليفزيون المصرى :Location

محمد حسني مبارك : Created by

More info:

"الإخوة المواطنون .. أتحدث إليكم في أوقات صعبة .. تمتحن مصر وشعبها وتكاد أن تنجرف بما وبمم إلى المجهول. يتعرض الوطن لأحداث عصيبة واختبارات قاسية ..

بدأت بشباب ومواطنين شرفاء مارسوا حقهم في التظاهر السلمى تعبيرا عن همومهم وتطلعاتهم ،سرعان من استغلهم لإشاعة الفوضى و اللحوء إلى العنف والمواجهة وللقفز على الشرعية الدستورية و الانقضاض عليها.

تحولت تلك التظاهرات من مظهر راق ومتحضر لممارسة حرية الرأى والتعبير إلى مواجهات مؤسفة، تحركها وتحيمن عليها قوى سياسية سعت إلى التصعيد وصب الزيت على النار واستهدفت أمن الوطن واستقراره بأعمال إثارة وتحريض وسلب ولهب وإشعال للحرائق وقطع للطرقات واعتداء على مرافق الدولة والممتلكات العامة والخاصة, واقتحام لبعض البعثات الدبلوماسية على أرض مصر.

نعيش معا أياما مؤلمة، و أكثر ما يوجع قلوبنا هو الخوف الذى انتاب الأغلبية الكاسحة من المصريين وما ساورهم من انزعاج وقلق وهواحس حول ما سيأتى به الغد لهم ولذويهم و لعائلاتهم ومستقبل ومصير بلدهم.

إن أحداث الأيام القليلة الماضية تفرض علينا جميعا شعبا وقيادة

.. الاختيار بين الفوضى والاستقرار وتطرح أمامنا ظروفا جديدة
وواقعا مصريا مغايرا يتعين أن يتعامل معه شعبنا وقواتنا المسلحة
بأقصى قدر من الحكمة والحرص على مصالح مصر وأبنائها.
أيها الأخوة المواطنون.. لقد بادرت بتشكيل حكومة جديدة
بأولويات وتكليفات جديدة تتجاوب مع مطالب شبابنا

و رسالتهم ،وكلفت نائب رئيس الجمهورية بالحوار مع كافة القوى السياسية حول كافة القضايا المثارة للإصلاح السياسي والديموقراطي وما يتطلبه من تعديلات دستورية وتشريعية من أجل تحقيق هذه المطالب المشروعة واستعادة الهدوء والأمن والاستقرار.. لكن هناك من القوى السياسية من رفض هذه الدعوة للحوار تمسكا بأجنداتهم الخاصة ودون مراعاة للظرف الدقيق الراهن لمصر وشعبها وبالنظر لهذا الرفض لدعوتي للحوار وهي دعوة لا تزال قائمة.. فإنني أتوجه بحديثي اليوم مباشرة لأبناء الشعب بفلاحيه وعماله، مسلميه وأقباطه، شيوخه وشبابه، ولكل مصري ومصرية في ريف الوطن ومدنه على اتساع أرضه ومحافظاته. إنني لم أكن يوما طالب سلطة أو جاه ويعلم الشعب الظروف العصيبة التي تحملت فيها المسؤلية وما قدمته للوطن حربا وسلاما

إن مسئوليتي الأولى الآن هي استعادة أمن واستقرار الوطن لتحقيق الإنتقال السلمي للسلطة في أجواء تحمي مصر والمصريين وتتيح تسلم المسؤولية لمن يختاره الشعب في الانتخابات الرئاسية

، كما أنني رجل من أبناء قواتنا المسلحة وليس من طبعي خيانة

الأمانة أو التخلي عن الواجب والمسؤولية.

المقبلة . .

و أقول بكل الصدق وبصرف النظر عن الظرف الراهن إلى لم أكن أنتوى الترشح لفترة رئاسية جديدة فقد قضيت ما يكفى من العمر في خدمة مصر وشعبها لكنني الآن حريص كل الحرص على أن أختتم عملى من أجل الوطن بما يضمن تسليم أمانته و رايته ومصر عزيزة آمنة مستقرة وبما يحفظ الشرعية ويحترم الدستور.

أقول بعبارات واضحة..

إننى سأعمل خلال الأشهر المتبقية من ولايتى الحالية كى يتم اتخاذ التدابير والإحراءات المحققة للانتقال السلمى للسلطة بموجب ما يخوله لى الدستور من صلاحيات.

إننى أدعو البرلمان بمجلسيه إلى مناقشة تعديل المادتين ٧٦،و ٧٧ من الدستور ، بما يعدل شروط الترشيح لرئاسة الجمهورية ويعتمد فترات محددة للرئاسة ولكى يتمكن البرلمان الحالى بمجلسيه من مناقشة هذه التعديلات الدستورية وما يرتبط بها من تعديلات تشريعية للقوانين المكملة للدستور وضمانا لمشاركة كافة القوى السياسية في هذه المناقشات.. فإنني أطالب البرلمان بالالتزام بالقضاء وأحكامه في الطعون على الانتخابات التشريعية الأخيرة دون إبطاء..

سوف أوالى متابعة الحكومة الجديدة بتكليفاتها على نحو يحقق المطالب المشروعة للشعب، وأن يأتى أداؤها معبرا عن الشعب وتطلعه للإصلاح السياسى والاقتصادى والاجتماعى ولإتاحة فرص العمل، ومكافحة الفقر وتحقيق المعادلة الاجتماعية، وفى ذاك السياق إننى أكلف جهاز الشرطة بالاطلاع بدوره فى خدمة الشعب، وحماية المواطنين بتراهة وشرف وأمانة وبالاحترام الكامل لحقوقهم وحرياتهم وكرامتهم..

كما أننى أطالب السلطات الرقابية والقضائية بأن تتخذ على الفور ما يلزم من إجراءات لمواصلة ملاحقة الفاسدين والتحقيق مع المتسببين فيما شهدته مصر من انفلات أمنى ومن قاموا بأعمال السلب والنهب وإشعال النيران وترويع الآمنين، ذلك هو عهدى للشعب خلال الأشهر المتبقية من ولايتي الحالية..

أدعو الله أن يوفقني في الوفاء به، كي أختتم لمصر وشعبها بما يرضي الله والوطن وأبناءه .

أيها الأخوة المواطنون، ستخرج مصر من الظروف الراهنة أقوى

مما كانت عليه قبلها.. أكثر ثقة وتماسكا واستقرارا سيخرج منها شعبنا وهو اكثر وعيا بما يحقق مصالحه واكثر حرصا على عدم التفريط في مصيره ومستقبله.

إن حسى مبارك الذى يتحدث معكم اليوم يعتز بما قضاه سنين طويلة فى خدمة مصر وشعبها.. إن هذا الوطن العزيز هو وطنى مثلما هو وطن كل مصرى ومصرية.. فيه عشت وحاربت من أجله ودافعت عن أرضه وسيادته ومصالحه وعلى أرضه سأموت وسيحكم التاريخ على وعلى غيرى بمالنا أو علينا..

إن الوطن باق والأشخاص زائلون ومصر العريقة هي الخالدة أبدا .. تنتقل رايتها وأمانتها بين سواعد أبنائها وعلينا أن نضمن تحقيق ذلك بعزة ورفعة وكرامة حيلا بعد حيل.

حفظ الله هذا الوطن وشعبه..

"و السلام عليكم ورحمة الله وبركاته"

\_ كان هذا خطاب مبارك الثاني...

بعدما انسحبت الشرطة يوم الجمعة الموافق ٢٨ يناير وأعلنت حالة الطواءى ونزلت قوات الجيش لتأمين البلاد, وبعد خطاب مبارك الأول الذى ألقاه بنفس ليلة ٢٨ يناير والذى تحمل فيه مسئوليته الكاملة عن توفير الأمن والأمان لشعب مصر ولكن سرعان ما تفاجأ المصريين بانتشار البلطيجة فى كل مكان حتى وجد كل مصرى نفسه مشاركاً فى الثورة .. برغبته أو مرغما .. فى الميدان أو فى حراسة مترله....

ثم حاء الخطاب الثاني لمبارك في مساء اليوم الأول من فبراير ليتوقف عنده الجميع وتشتعل حرب الحوار، ولمزيد من الاشتعال قامت السلطة بإعادة خدمة الإنترنت في الثاني من فبراير..

فكيف سيكون رأى الفيسبو كاوية... وإلى أين سيصلون بحوارهم؟ Status Photo Link Video Question

# Status Photo Link video Question

Ahmed Fouad Eldin النت رجع هاتوا السكينة February 2 at 12:07pm

Ahmed Abdel Moneam Masoud

النور جه

February 2 at 11:14am

## Doaa Yousry

خطاب الريس كان كافي. سيبوه الكام شهر دول يصلح صورته في التاريخ ويمشي بصوره أفضل وكفاية الناس اللي ماتت February 2 at 3:06pm

### Mohamed Rafie

عن وثائق مؤكدة كشفتها الويكيليكس اليوم أن مبارك هو المهدى المنتظر وسيصلح في ستة شهور ما أفسده في ثلاثين عاما February 5 at 4:02am

> Yasmine Okasha ارحل یا مبارك February 2 at 5:42pm

Hammad El-gamal لا لا لا لا لو مشي هتخرب والله وهتبقى مطمع للغريب February 2 at 11:04pm

### Sarah Ahmed Elshayat

احنا ازای شعب عاطفی کده،کلمتین قلبوا الدنیا!!!! نطلع نطلع ونترل علی مافیش :) February 2 at 11:15am

> Hisham Mostafa استخف قومه فأطاعوه February 2 at 9:35pm

#### Hisham Mostafa

تحبوا اقولكوا انجازات الثورة حتى الآن؟؟

١- حب المصريين لبعض

٢ - اختفاء التحرش

٣- استرجاع كرامة المصريين واصبحوا ابطال في نظر العالم.

٤ استعادة الثقة في النفس. كل الإنجازات دى وبتقولوا كفاية
 مظاهرات؟؟ كفاية انتو سذاجة

February 2 at 9:48pm

## Engy Mohy Eldin

ورقة متسربة من الداخلية مكتوب عليها بيان سرى وهام للغاية وفيها بالتفضيل خطة التصدي للمظاهرات ...

كل اللي عملوه فينا من قطع للاتصالات وخطط لإرهابنا ببيوتنا بالبلطجية وخطط حرق الأقسام وتهريب المساجين لإثارة الرعب والخوف بين المصريين



Wall Photos

February 2 at 5:30pm

Muhammad Barakat

إلى كل اللي بيقولوا ندّى مبارك فرصة....اخرسوا !! February 2 at 3:16pm

#### Ahmed Yehia

معلش يا كل العالم سامحوا شعبنا عندوا عواطف زيادة وفي سذاجة فطبعنا ربع كلمة تودينا وكلمة تشدنا اللي كانوا من كام يوم قاعدين يشكوا الفساد ويلعنوا للي ماسك وحاكم البلاد .....لما فعلا طالوه..وبدل مايحاكموه! مشاعر الأمومة بانت..مش دي الناس اللي كانت ..مدام قلوبكو خفيفة..ماتحلموش بحكومة نضيفة خللي اللي يسرق يسرق..خللي اللي ينهب ينهب ما هو هيصعب علينا ونسيبوا لما يتعب!!

#### Yasmine Okasha

كل إللي بيسعي له هو كسب الوقت عشان يفرم كل معارضيه و ترجع الأمور زي ماكانت February 2 at 5:53pm

### Shereen Talaat

كل اعداء البلد الخونه اصمتوا دمائنا هي التي تحرركم الآن .. و غدا سيحتقل الشرفاء February 2 at 6:19pm

# Sarah Ahmed Elshayat

دى فتنة ، وفى حالة الفتنة قال الرسول (ص) «الزم بيتك، واملك عليك لسانك، وخذ بما تعرف، ودع عنك ما تنكر، وعليك بأمر (خاصة نفسك)...
February 2 at 10:12pm

### Ahmed Fouad Eldin

الناس اللي نزلت وشافت الموت وداقت طعم الحرية مش ممكن يقعدوا دلوقتي في البيت February 2 at 3:44pm

# Noha Atef Soudy أرحموا مصر من الفتنة February 2 at 11:54pm

#### Hani Mostafa

الفتنة هى اختلاط الحق بالباطل.. وهذا أبعد ما يكون فى موقفنا الراهن ..فهناك شباب مسالمون يتعرضون للقتل من شرذمة محددة ولا لبس ولا التباس February 2 at 4:57pm

#### Ahmad ElTürki

الإخوة اللي مش عاجبهم كلامي.. فيه أوبشن هاتلاقوه تحت على شمال البروفايل إسمه بلوك.. دم ولادنا على أسفلت الميدان وانتوا لسة بتقولوا نهدا February 2 at 7:20pm

#### Hani Mostafa

كل من يدعو إلى التهدئة الآن يعرض آلاف الشباب المنتمى للحركات الاحتجاجية إلى الهلاك February 2 at 9:07pm

Doaa Yousry ياجماعه أنا ملاحظه ان الفيس بوك كله اختلافات وبعضها بيتقلب لخناقة بين الأصحاب February 2 at 4:43pm

> Ahmed Fouad Eldin بلاش نتفرق لان دي اول مرة نبقي متفقين، الشعب يريد اسقاط الرئيس February 2 at 1:01 pm

#### Mohamed Rafie

يا أخوانا فى بلطجية على النت بيكتبوا تعليقات واحدة على ميت ستيتوس. ماتنقلوهاش بدون وعى February 2 at 7:21pm

#### Ahmad ElTürki

النظام اطلق بلطجيته لارهاب الناس فى الشوارع ثم المتظاهرين واخيرا اطلقهم لارهابنا على النت .... هما البلطجيه بتوعهم دول ما بيخلصوش؟

February 2 at 5:39pm

Ophilya Atef Beshay تحية للحكومة نجحت في الخطط الشيطانية February 2 at 4:39pm

## Hala Mostafa ELza7ghandi

مش هيضحكو علينا..مش هنرجع بيوتنا..مش هنسيب ميدان التحرير

February 2 at 12:49pm

## Engy Mohy Eldin

المتظاهرون+ أمن الدولة = لجان شعبية + شرطة سرية في صورة بلطجية ومساجين هاربين , تحويل طاقـــات لتبديدها ... ممثلون يقومون بجميع الأدوار , تحية للمصرى المؤدى لجميع الأدوار ولعنة الله عليكم .. يا من وقفتم ضد حلم وأمن شعبكم February 2 at 4:34pm

#### Hisham Mostafa

أخبار الحوادث: الأهالي يقومون بمطاردة لص سيارات وضبطه ثم تسليمه للشرطة. اللص يعترف في التحقيقات ولكنه قال: هذه بندي التي عشت بها وسأظل بها وسأموت بها .. فبكر ركيل النيابة وأفرج عنه وأمر بحبس الظابط ٤ أيام على ذمة

فبكى وكيل النيابة وأفرج عنه وأمر بحبس الظابط ٤ أيام على ذمة التحقيق وأمر بضبط الأهالي.. من وحي خيال التحرير الآن February 2 at 12:00pm

Ahmed Abdel Moneam Masoud أنا مش فاهم حاجة February 2 at 12:10pm

ماحدش فاهم حاجة اصلا likes مصــــــر ،شباب غلبان فی دماغه



ماحدش فاهم حاجة اصلا ،شياب غليان في دماغه

by Mona Hejazy on Wednesday, February 2, 2011 at 11:26pm

يا جماعة مؤيدين ومعارضين ..

لو اتكلمنا بالعقل هنقول ان ١٠٠% من مطالب الشعب اتحققت.

لو اتكلمنا بالعاطفة.. هنقول ان خطاب الرئيس اثر فينا كلنا..

بلاش خطاب الرئيس.. الناس التعبانة والي حالها واقف وعايشة خايفة .. مش كفاية؟؟ لو اتكلمنا بالدستور... مينفعش مبارك يمشي بكرا.. عشان احنا مش تونس.. تونس مالهاش حدود مع اسرائيل... قبل ما نقول يمشي.. نلاقي البديل.. كدة كدة احنا هنحتاح وقت عشان نجيب ريس جديد... يعني كدة كدة احنا لازم نستني

#### ٦ شهور...

ومعلومة.. دستوريا.. لو مبارك مشي.. فتحي سرور هو اللي هيمسك البلد.. طبعا ده مش هيرضينا.. نقعد بقى في التحرير عشان يمشي.. وتبدأ رحلة تانية من العذاب..

دستوريا بردو... حل مجلس الشعب وتغيير مواد في الدستور ده.. من صلاحيات رئيس الدولة فقط.. يعني لو مشي.. ابقى قابلني لو حصل حاجة.

اخيرا انا عايزة اقول ايه..

عايزة اقول اني والله والله انا من الناس اللي نزلت يوم ٢٥ ويوم ٢٠. د كنت بقول حسني مبارك يمشي.. وحصل اللي احنا عايزينه ... ندي بقة فرصة لبلدنا واهلنا نعيش في امان

Like comment share



# 

۲- ۳ فبراير :Time

ميدان التحرير :Location

Created by: النظام

More info-

لم ينته حوار الفيسبوكاوية حول خطاب مبارك حتى فوجئوا بدخول مؤيدى الرئيس معتلين ظهور جمالهم وخيولهم يدهسون المعتصمين بالميدان ويبدأون حرباً لم تنته حتى اليوم التالى .. فهل ستختلف الآراء؟

## Status Photo Link Video Question

### Maii Abd-Ellatif Khater

فى التحرير دلوقتى ناس بمطاوى بتضرب فى المتظاهرين . فلوس بتدفع لناس علشان تقول نعم. حسبنا الله ونعم الوكيل. . February 2 at 3:06pm

### Ahmed Fouad Eldin

ادي اللي انتو سايبنوه ع الكرسي!!! جمال وخيول بتدوس على الناس في الشارع عشان محدش يحاسبه ويقول الشعب هو اللي بيقطع في بعضه February 2 at 3:00pm

## Mahmoud Barakat Hassan

جميل أوي يا جيشنا يا حامينا...جمال وأحصنة وأسلحة .. دخلت إزاي...ولا الجمال بتأيد مبارك هي كمان February 2 at 6:55pm

# Ophilya Atef Beshay

اخر كارت للنظام الفاسد اخراج بلطحية الحزب الوطني ....

فهمتكوا ..فهمتكوا....حرب اهلية معتصور المعتمد المعتمد

Hala Mostafa ELzaghandi وامتلأت البلاد بخالتي فرنسا February at 6:51pm

Ahmed Fouad Eldin انا راجع التحرير ولو لقيت ابويا واقف مع مؤيدي الرئيس هاضربه
February 2 at 2:30pm

Mohammad Mohsen هیکون فی دم اکتر...سیبها وارحل February 2 at 2:40pm

Iman Khairy مش هیسبها غیر خرابة February 2 at 2:55pm

### Yasmine Okasha

عاجل: تحذيرات من مجزرة في ميدان التحرير بعد أوامر السفاح بقتلهم February 2 at 4:54pm

> Shereen Talaat البلطحية يهاجمون المستشفى الميداني بالتحرير February 2 at 5:10pm

Shereen Talaat جنب كشري التحرير مكان لعلاج المصابين.. انشروا الخبر February 2 at 5:19pm

Hisham Mostafa شكرا لمبارك لانه اثبت لكل كائن حى على وجه الارض.. انه بلطحى February 2 at 5:49pm Yasmine Okasha الكلمة الان للجيش المصري February 2 at 6:00pm

Yasmine Okasha لا يجب أن يبقى الجيش على الحياد February 2 at 5:07pm

Shereen Talaat

الجيش لا يتدخل... مؤيدين مبارك يرمون قنابل المولوتوف على المتحف المصرى الذي حميناه باحسادنا February 2 at 6:01pm

Yasmine Okasha حتى الجيش !!! بجد اللى فاهم موقف الجيش يفهمنى February 2 at 7:36pm Hala Mostafa ELzaghandi ... الشرطة ... الجيش ... المرطة برده احنا اكتر والكترة تغلب الشجاعة February 2 at 10:14pm

Tarek El Arabi النظام يريد اسقاط الشعب February 2 at 7:02am

Hala Mostafa ELzaghandi الشعب يريد محاكمة الرئيس February 2 at 6:54pm

#### Yasmine Okasha

ما يحدث الآن أكبر خيانة.. التليفزيون المصري سايب المجزرة وبينقل الطبل والزمر..مخطئ من ظن أن ديل ال... ممكن يتعدل February 2 at 6:03pm

#### Yasmine Okasha

من قلب ميدان التحرير الشباب سيطروا على الوضع.. الجيش قبض على الهجامة لا تخافوا ساندوا أخوتكم الشرفاء في الميدان ... أصبح ميدان التحرير رمزا للتحرير والتخلص من الطاغية ... February 2 at 5:57pm

#### Shereen Talaat

القبض على امين شرطة من البلطجية اسمه يس علي محمد علي ورقمه : ٨٩٠١٥١٩١ - لسه حد بيقول مؤيدي مبارك ؟؟؟ February 2 at 5:10pm

#### Mohamed Rafie

دلوقتي عرفنا قيمة ظباط الشرطة.. هما والبلطجية واحد بس بإختلاف الازياء

February 2 at 7:08pm

### Ahmed Fouad Eldin

مادة (١٨٤): الشرطة هيئة مدنية نظامية، رئيسها الأعلى رئيس الجمهورية.

February 2 at 2:11pm

### Mahmoud Barakat Hassan

عاجل من الميدان: المقبوض عليهم اعترفوا الهم تبع عضو مجلس الشعب عن دائرة نزلة السمان February 2 at 5:43pm

#### Yasmine Okasha

من الشوارع المحيطة بميدان التحرير: الثوار يؤمنون غالبية المداخل February 2 at 6:42pm

#### Yasmine Okasha

طريقة دخول الميدان الان من طلعت حرب مع تجنب التحدث مع اى شخص ايا كان.. يرجى النشر February 2 at 6:20pm

#### Shereen Talaat

انتبهوا: مرة اخرى ظباط امن الدولة يحشدون البلطجية في عربات من مناطق الجمالية – السيدة – مصر القديمة – والسيدة عائشة بطريقهم الى ميدان التحرير من ناحية قصر عابدين شارع الشيخ ريحان.. ضرورة التصدي لهم قبل الوصول الى الميدان February 2 at 6:16pm

Wessam Elshafey لمصلحة مييييين بجد إرحمونا بقي February 2 at 6:20pm

### Shereen Talaat

مظاهرات اخرى لبلطجية مبارك يتجهون الى الميدان الآن من كل صوب بالاسلحه فلنصمد February 2 at 7:46pm

### Muhammad Barakat

يافخامة الرئيس مبارك،،نصف الشعب يموت في الميدان والنصف الاخر يموت بالأزمات القلبيه في بيوتهم أمام التلفاز.

أبوس جزمتك ارحل

February 2 at 6:35pm

### Yasmine Okasha

نداء الي جميع الأطباء وطلبة كليات الطب التوحه الي ميدان التحرير February 2 at 6:43pm

## Wessam Elshafey

نداء لكل شباب مصر : اللي مش هيقدر يترل التحرير.. هنصلي صلاة فك الكرب كلنا في وقت واحد.. الساعة ٩

مساء..انشرررر

February 2 at 7:22pm

### Yasmine Okasha

إلى كل من يجلسون في بيوتمم..ياللا على ميدان التحرير.. February 2 at 7:02pm

# February 2 at 7:02pm Shereen Talaat

الدعم قادم ثورار اكثر في الطريق والشباب العظيم سيطروا على ميدان طلعت حرب النصر للشرفاء February 2 at 8:16pm

#### Mahmoud Barakat Hassan

يا جماعة ..الناس في التحرير متحاصرة....و لسه المعارك شغالة .... بس لسة الميدان بتاعنا....والبلطحية بيزيدوا وبيحضروا لبكرة February 2 at 8:59pm

#### Hisham Mostafa

يا جماعة: مبارك الان يقاتل قتال اليائس February 2 at 11:00pm

> Gina Mokbel آآآآه یا بلدی یا مصر February 2 at 12:35pm

#### Ahmed Fouad Eldin

بيسخر كل حاجة عشان يفضل قاعد بجد مستفز، والله ما هنسيبك قاعد فيها يا ابن الكلب February 2 at 9:35pm

Muhammad Barakat إِنَّ فِرْعَوْنَ عَلَا فِي الْأَرْضِ وَجَعَلَ أَهْلَهَا شِيَعاً February 2 at 4:41pm

> Engy Mohy Eldin إن النصر لقريب February 2 at 4:43pm

Yasmine Okasha عاجل : أوباما يدعو مبارك للتنحي February 2 at 7:50pm

### Ahmed Abdel Moneam Masoud

الانتقال الامن للسلطة

February 2 at 12:56am

#### Mai Abo Nawaia

هو ليه مبارك بيسمع كلام امريكا في كل حاجه من ٣٠ سنه و لغايه ارحل وعمل فيها مابيعرفش انحليزي؟
February 3 at 8:17pm

### Wessam Elshafey

يا جماعة مبارك خلاص انتهى عصره ،ارجوكم انتبهوا للحدود المصرية، وحماس وحزب الله

February 2 at 5:50pm

### Ahmad ElTürki

الناس العظيمة في ميدان التحرير قدروا يعملوا تطبيع بين اسرائيل وامريكا وايران وحماس وحزب الله ؟!!- سبحان الله February 2 at 7:08pm Wessam Elshafey شوفوا قناة المحور دلوقتي بجد February 2 at 6:51pm

Hala Mostafa ELzaghandi

تبوّل لا ارادى فى المحور ببرنامج تمانية واربعين ساعة..اسفوخس February 2 at 10:09pm

### Hani Mostafa

لما الشعب يصدق خرافة ان فيه واحدة اتدربت في امريكا ولا اسرائيل عشان تعمل ثورة... يبقى محتاجين نعمل ثورة عليه عشان يفهم February 2 at 11:56pm

Neveen Shalaby

التلفزيون المصري كاذب كاذب كاذب ...كفاية تضليل ربنا ينتقم منكم ... المصريين بيموتوا في بعض في التحرير والمتحف كان هيتحرق

February 2 at 6:37pm

#### Hani Mostafa

الارتباك فى اطلاق الشائعات يؤكد ارتفاع منسوب القلق عند النظام لدرجة تجعله تقريبا متيقن من نهايته February 2 at 11:04pm

### Mohamed Abd Elsayed

عاجل: أصحاب المؤامرة الإيرانية الأمريكية الحماسية الإسرائيلية القطرية الإخوانية لتدمير مصر يدفعون مئات الدولارات للمتظاهرين في التحرير ويبعثون لهم رسائل مشفرة بالأطباق الطائرة ويتواصلون معهم بالتخاطر الذهبي وتحضير الأرواح وكل متظاهر بياخد "هابي ميل" باللعبة February 2 at 9:31pm

#### Ahmed Fouad Eldin

أنا فاضلي خمس دقايق وأقوم أطلق الرصاص علي نفسي .. عشان حاسس اني عميل February 2 at 10:48pm

### Muhammad Barakat

يافخامة الرئيس مبارك،، نصف الشعب يموت في ميدان التحرير والنصف الاخر يموت بالأزمات القلبيه في بيوتهم أمام التلفاز.... أبوس جزمتك أعلن استقالتك واحقن دماء المصريين دلوقتي،،،،.. أرجوك كفاية.....

February 2 at 6:35pm

## Hala Mostafa ELzaghandi

لكل مذيع ومخرج في التليفزيون المصرى: لو ماعندكش دم حلى عندك شوية مخ. النظام هيتغير وانت هتبقى ف البلاك ليست . . يا

غبي

February 2 at 7:49pm

Yasmine Okasha

اعلام خائن

February 2 at 7:20pm

#### Amr Gohar

ادعو كل زملائي في التليفزيون المصرى ان ترفضوا تنفيذ اى أوامر من عملاء الرئاسة في التليفزيون ....

ارجوكم لا تشتركو في هذه المهزلة February 3 at 11:58am

#### Shereen Talaat

قوات الشرطه الخائنه ومصفحاتهم والأمن المركزي يتجهون الآن الى ميدان التحرير بالشوم والعصى والقنابل كاول يوم .. اصمدوا February 3 at 11:15am

## Iman Khairy

يا ودود، يا ودود، يا ودود يا ذا العرش الجحيد يا فعال لما تريد أسألك بعزك الذى لا يرام وملكك الذى لا يضام ونور وجهك الذى ملأ أركان السماوات والأرض.. يا مغيث أغثنا، يا مغيث أغثنا، يا مغيث أغثنا

February 3 at 11:49am

#### Asmaa Falah

مستشفى المنيره ومستشفي القصر العينى محتاجين دم February 3 at 11:08am Hani Mostafa

كل الشائعات تنهار أمام شباب يموتون من حجارة وقنابل مولوتوف وهم عزل بلا سلاح ... February 3 at 1:06am

#### Hani Mostafa

حرب فى التحرير ومحدش عايز يحوش ..و كمان شالوا الكاميرات.. يبقى مين اللى خاين يا جدعان ؟؟
February 3 at 1:10am

## Sarah Ahmed Elshayat

ادخلوا عليهم بالرشاشات بيقتلوا فيهم زى الخرفان، و ماحدش بيعمل حاجة، الناس دى دمها ف رقبة مين؟ February 3 at 3:32am

Muhammad Barakat إنا لله وأنا إليه راجعون February 3 at 6:44pm

Mohamed Rafie

هوه الميدان مختطف ولا حاجة ايه الاصرار الغريب على اجلاءه!؟ February 3 at 4:54am

> الكراً الي ميدان التحرير مع اخوتي.. يا نعيش سوا يا نموت كلنا مع بعض February 3 at 2:13am

من طبيب نفسى :تفسير عاجل likes مصــــــر وخطير لرد فعل المصريين الآن تجاه الثورة



م طبيب نفسى: تفسير عاجل وخطير لرد فعل المصريين الآن تجاه الثورة

by Hani Mostafa on Wednesday, February 2, 2011 at 11:55pm

اعتادت الشعوب المسجونة في سجن الدكتاتور على ثلاث سمات نفسية..

وهى السلبية وأسوأ منها الجبن وأسوأ من كليهما نسة والندالة .. وبالتالى تتحدد قراراتهم طبقا لتلك السمات المهينة .. فعند اشتباك طرفين في مشاجرة تلاقيهم بينسحبوا وكأنهم لم يروا شيئا (سلبية)..

ولكن في حالة أن الاشتباك عطل مصالحهم زى اتنين بيتخاقوا في الطريق وقافلين سكة العربيات.. فإنك تجد الناس يتحمهروا لإقناع الأضعف كى يتنازل عن حقه ، فإن هذا حتما يكون أسهل من إحبار الأقوى أن يرد الحق لصاحبه .

المهم عندهم هو فض الاشتباك كى ينفتح الطريق ويعبروا ونخلص بقى من القرف ده وعطلة المصالح حالنا واقف يا جدع (أنانية) . فإذا رأوا أن صاحب الحق ( الثوار ) قد صاروا أقوى من ذى قبل فإلهم وبسرعة يقومون بالتصفيق له ولكنهم لن يقدموا له أى تضحيات (ندالة ) .

ونحن الآن في مصر نعيش في النقطة الثانية فبعد مرور الشوط الأول بكمية لا بأس بها من السلبية .

(رغم التعاطف مع الثوار)

( جمعة الرحيل) ..

أصبح من الضرورى الآن إزاحة الأضعف ألا وهم الثوار، كى تعود الحياة لطبيعتها بغض النظر عن ألهم أصحاب حق . مع تبريرات غير منطقية بأن تنازلات السلطة تكفى . والحقيقة العلمية لمن قرأ التنازلات.. ألها تنازلات وهمية . والشوط الثالث ستجدونة مسطورا إن شاء الله يوم الجمعة

عندما يفاجاً الجميع بأن الثوار صاروا بفضل الله قوة غير قابلة للإبادة وقتها سيتجه الناس إلى الرئيس ويعنفونه بأن يرحل ( ولكنهم أيضا لن يقدموا أى مساعدة.. ندالة طبعا ). وستجدهم يخترعون حجج جديدة لتبرير موقفهم الجديد (يقولوا مثلا يعني البلد مافيهاش غيرى ؟،،ماالبلد مليانة رجالة!) ثم تعود الحياة إلى طبيعتها بعد نجاح الثورة إن شاء الله . لتمر في الشوارع يصافحك ٨٠ مليون مصرى يؤكدون أنهم وقفوا بجوار الثورة بكل ما يملكون . ألا لعنة الله على الجبناء . موعدنا مع الشرفاء يوم الجمعة ..

Like comment share



# مصــــــر \_ خميس الجوحي

## Status Photo Link Video Question

### Mai Abo Nawaia

المكتوب ع الجبين لازم تشوفه العين February 3 at 2:21am

## Wessam Elshafey

عاجل وضروري جداً: المستشفى اللي عملها الناس محتاجة خيوط وشاش وقطن ومسكنات وأي معدات طبية..الجرحى كتير جداً ومكان المستشفى أول شمال بعد بيتزا هت في الممر اللي ورا بتاع الجرايد اللي في الميدان في جامع عباد الرحمن.. أرجوكم ادعموهم

February 3 at 4:26pm

## Neveen Shalaby

انا نازلة حالا ادور علي الخيوط والشاش ورايحة هناك . اللي يقدر يساعد بأي حاجة يعملها دول اخواتنا February 3 at 9:50am

## Shereen Talaat

بعد ان فشل الرصاص ، بلطجية مبارك ياخذون الأكل والماء ويلقونها في الشارع حتى يقتلونا جوعا وعطشا ..

اعنا يا رب صامدون

February 3 at 2:50pm

## Neveen Shalaby

لسه حايه من ميدان التحرير ..الوضع رغم بشاعتة من جرحي وقتلي ... لا زلت اشم رائحة القوة والاصرار لاخر نفس ... الناس هناك محتاجين دعم نفسي حدا من كل الشعب February 3 at 2:00pm

### Mohammed Abdel-mordi

بيقولك كل عربجي راكب حصان قصاده شاب راكب الفيس بوك ... الشباب غلبوهم بضغطة ماوس February 3 at 11:39pm

### Ahmad ElTürki

الان: الشرطة العسكرية تقتحم مركز هشام مبارك وغرفة عمليات 6 ابريل وأمن الدوله والبلطجيه بالمركز المصرى وتم ربط ايديهم بالكراسي والأستيلاء على موبيلاتهم وحاليا يطاردون الوجوه المعروفه في الشوارع February 3 at 4:37pm

### Yasmine Okasha

يعني إيه رئيس الوزراء يقول معرفش مين المسؤول..البلطجية في الميدان من العصر ..والمحزرة حصلت الفجر.. هو كان فين ساعتها ؟؟؟

February 3 at 3:37pm

## Hala Mostafa ELzaghandi

فتحى سرور: لن يضيع دم الابرياء وعليه سنتحقق من المتظاهرين ذوى الجنسيات الاخرى.. برده بيطلعونا خونة!!!
February 3 at 3:29pm

### Maii Abd-Ellatif Khater

مؤيدين ومعارضين... اللي يقدر يتبرع بالدم يتبرع February 3 at 4:58pm

#### Gamal Khoziem

يا مصريين يا اعظم اهل الارض المستشفى العام بيقول للمتبرعين .. بنك الدم ممتلئ اذهب الي مكان اخر.. يحيا شباب مصر February 3 at 4:15pm

#### Wael Abbas

عاجل ومؤكد: الجيش الآن هو من يوقف ويحتجز الصحفيين و المصورين في الميدان February 3 at 7:38pm

### Ahmad ElTürki

قناصة على الأسطح يقتلون المتظاهرين بالرصاص الحي ومحاولات لإقتحام الميدان من عبد المنعم رياض والقصر العيني February 3 at 5:33pm

> Shereen Talaat سقط احدنا قتيلا والجيش يطلق عيارين في الهواء February 3 at 4:54pm

Muhammad Barakat عهل ولا يهمل... يمهل ولا يهمل،، يمهل ولا يهمل،، يمهل ولا يهمل... February 3 at 9:09pm

> Ahmad ElTürki مهما يزود في الرصاص ..بكرة جمعة الخلاص February 3 at 7:22pm

## Ophilya Atef Beshay

في البداية سيتحاهلونك ثم يحاربونك ثم يحاولوا قتلك ثم يفاوضونك ثم يتراجعون وفي النهاية ستنتصر...غاندي February 3 at 10:09pm

#### Mai Abo Nawaia

نداء: المتظاهرون بميدان التحرير بعد ضرهم وقتلهم.. علي حثثهم ان يتحركوا من الميدان February 4 at 2:21am

#### Shereen Talaat

ارجو كل الشرفاء انضموا الينا غدا جمعة الرحيل. February 3 at 8:13pm Mahmoud Abdelsatar

أرجو أن نكتفي بما تحقق حقنا لدماء طاهرة ..كفاية مظاهرات .. كفايه إعتصامات.. لنعطيهم فرصه إثبات حسن النوايا February 3 at 12:19pm

#### Hani Mostafa

أفيقووووووووووووووا.. الثقة فى النظام الآن كارثة February 3 at 8:58pm

#### Ahmed Fouad Eldin

إن نقطة دم مصريه أثمن عندي من كل عروش الدنيا، والرحيل فوراً أهون على قلبي من سفك دماء مصريه حفاظاً على منصبي .. الملك فاروق ١٩٥٢

February 3 at 3:53pm

#### Ahmed Fouad Eldin

الفرق بين هتلر ومبارك. هتلر حرق اليهود من أجل وطنه... ومبارك حرق وطنه من أجل اليهود February 3 at 8:04pm

#### Gamal Khoziem

"إنما جزاء الذين يحاربون الله ورسوله ويسعون في الأرض فسادا أن

يقتلوا أو يصلبوا أو تقطع أيديهم وأرجلهم من خلاف أو ينفوا من الأرض ذلك لهم خزى في الدنيا ولهم في الآخرة عذاب عظيم" February 3 at 4:46pm

### Ahmad ElTürki

انا مع إخواني المرابطين في الميدان.. واللي شايف إني كده خاين ومش بحب مصر وبثير الفتن يتفضل يعملي ريموف February 3 at 5:46pm

### Ahmed Sultan

جمعة الرحيل.. ميدان التحرير ..ارحل...ارحل..ارحل February 2 at 3:40pm

## Doaa Yousry

عايز تخلي فيه فتن ودم ؟عايز اسرائيل تستعمرنا ؟ حسبنا الله ونعم الوكيل في اى واحد هيترل مظاهرة يوم الجمعة February 3 at 9:30pm

## Hala Mostafa ELzaghandi

اللي حصلي ف جمعة الغضب مش هنساه واللي حصل للناس خلاهم اقوى..هنكمل وجمعة الرحيل هي الفيصل ...

ومش راجعين بيوتنا

February 2 at 1:05pm

#### Yasmine Okasha

عاجل: ارتفاع شديد لمعنويات الثوار والتجهيز لجمعة الخلاص (الرحيل) في كافة أرجاء مصر February 2 at 4:55pm

لو محتار أو ليك صديق متلخبط م اللي likes مصـــــر بيحصل



لو محتار أو ليك صديق متلخبط م اللي بيحصل

by Hala Mostafa ELzaghandi on Friday, February 4, 2011 at 9:52am

متلخبط ؟ محتار ؟ مابقتش عارف تعمل ايه ؟ تترل الميدان ؟ ولا تقعد ف البيت ؟ تعارض ولا تصبر؟ البلد هتخرب ولا الامل ف رحيله باسرع ما يمكن؟

كل دى اسئلة سمعتها من ناس كانت من اشد المؤيدين للتظاهر والآن بدأوا في التراجع ..

ولهؤلاء اقول هتسمعوا كلام كتير من هنا وهناك من ناس مأجورة من النظام وناس مؤيدة للرئيس وناس تعاطفت دون ارادتهم مع خطابه .. .. تنوعت النوايا ولكن للاسف الهدف واحد..

هو سرقة ثورتنا.. اللي مات فيها ٣٠٠ شخص ع الاقل لحد دلوقتي واصيب الآلاف.

طيب تعالوا نشوف الناس دي بتقول ايه ونحاول كده بالهداوة نفكر ف كلامهم. احنا ناس عاقلة وتعرف تفرّق

بين الصح والغلط ..بس محتاجين لحظة نفكر بمدوء !!

\*هتلاقي ناس بتقولك: الفتنة اشتعلت بين الشعب الواحد ..

لازم نلزم البيت كما جاء في الحديث الشريف..

لاحظ ان الحديث الشريف يتماشى مع رسالة القوات المسلحة والسلطة: الزموا بيوتكو واخلوا الميدان..يعنى جايلهم ع الطبطاب .. طب بالهداوة كده..يعني ايه اصلا فتنة ؟؟؟

بتوع اللغة يا سيدى بيقولولك ايه !!؟ ... الفتنة هي التباس الحق بالباطل.. يعنى فئتين من المؤمنين تقتتلان فيختلط علينا الامر ولا نعرف مين الظالم ومين المظلوم فيحثنا الدين على الحياد وعدم التورط حتى لا يزداد الامر سوءا..

طب تعالى هنا بقى. .هم دول فئتين من المؤمنين تقتتلان ؟

الاجابة: طبعا لأ! القتال بين طرفين يتطلب اولا ان يكون الطرفين متسلحين.. دول بلطحية وشرطة مبارك المتنكرة تضرب وتقتل اشخاصا عُزل مسالمين

طيب.. هو احنا متلخبطين ومش عارفين مين الحق ومين الباطل؟ الاجابة: طبعاً عارفين !!

نرجع لرأى الدين. بديهي وغير قابل للنقاش ان الدين يحثنا على مناصرة الحق والوقوف بجانبه..

هتقولی ده کلام علیم ویمکن لا یتماشی مع الظروف الحالیة و لابد من فتوی حدیثة مناسبة للموقف خاصة انه خروج ع الحاکم حرام والکلام ده ولا تتعب نفسك...آدی

يوسف القرضاوى اكبر علماء الامة ..اصدر بيان من يومين جاء فيه:

ان البرول الى الميدان يوم الجمعة هو واحب شرعى لا يعفى المتخازل من الإثم الا بعذر شرعى تماما كما فى حالة الحرب، وان مناصرة الحق فى كل يوم هو واحب شرعى.. اذا م يتخذ الدين واحاديث الرسول(ص) درعا يختبئ خلفه

فأرجوك...ابعد عن المنطقة دى لأنها مش بتاعتك وانت مش

هتفهم اكتر من القرضاوي وعلماء اللغة

\*ناس تانية هتقولك: احنا نزلنا بطلبات والراجل وافق عليها ..عايزين ايه تابي؟

لو صدقت الكلام ده يبقى اما انك مانزلتش معانا او كنت سرحان مش واخد بالك انت بتطلب ايه..

طلبنا الاول والاخير هو: الشعب يريد اسقاط النظام

طيب هل اسقط مبارك النظام؟ هل تنحى بكرامته؟ طبعا لأ . .

هيقولولك..انت عايزه يقولك انا ماشي بسهولة كده....

دى معركة سياسية وخلينا نرضى بالمكاسب اللي حققناها..

وآدى الشعب عرف طريق الشارع وممكن نرجع تاني..

امم..الجملة دى تلات اجزاء ..تعالوا نمزمز فيها كده..

الجزء الاول ف الجملة ارد عليه بأن الحاكم مهما كان فاسد فيمكن ان يكون محترم ويفضّل الرحيل ليحقن دماء شعبه..

زى الملك فاروق..فاكرينه ؟!...مش يبقى مجرم ويقتل ف شعبه. الجزء التابى من الجملة: المكاسب: اه !! والله عايزة اضحك!! هي فين المكاسب؟

انتو عارفین ف ای معرکة او حتی ف لعبة شطرنج. اول ما بیکش

الملك .. بيعمل ايه؟

الله ينور عليكوووو..بيضحي بالوزير

ومبارك ضحى بكام وزير(حتى مش كلهم) ورجال اعمال بقوا ورقة خسرانة بالنسباله

الجزء الثالث.. الشعب عرف طريق الشارع وممكن نرجع تاني احب اقولك..انسى!

مش عشان الشعب لا سمح الله هيكسل او يتهاون..
لكن ببساطة مش هيبقى فيه شعب من اساسه..ماتنساش انه مالغاش قانون الطوارئ..و من دلوقتى بدأ يقبض على اهم المعارضين اللى حركوا الشعب..مجموعة ٦ ابريل والادمن بتاع صفحة خالد سعيد ...و لسة هتقولى يا عم وانا مالى.. هو يعرفنى منين .انا نزلت ف الزحمة ورجعت ف الزحمة اقولك.. الهم بالقبض على الشباب هيبقى صعب حدا تجميع الناس تانى و لو واحد فكر بس يرجع الميدان بعد شهور وتم الاشتباه فيه.....

مش محتاجة اقولك ايه اللي هيحصله..اذا كان من دلوقتي و أدام الكاميرات قتل سبعة ف ليلة واحدة فمابالك ساعتها هيعمل ايه!!

برده لسة مش مقتنع!!؟

طب ایه قولك ان عمر سلیمان فی آخر لقاء له قال: سیحقق الرئیس الاصلاحات المطلوبة طبقا للمدة الزمنیة المتاحة و حُط تحت المتاحة دی ملیون خط..یعنی بعد ست اشهر هتلاقیه بیقولك مكل بجاحة..سوری مالحقتش ..الفترة الزمنیة المتاحة لم تكن كافیة..و اللی ماعرفتش اعمله فی تلاتین سنة عایزی اعمله فی ست اشهر!!؟

ارجوكم يا شعبى الحبيب الجميل المهاود المطر ممممخ. ادونى كمان ست اشهر وهتشوفوا طبعا ساعتها هيكون كل الشباب المعارض تحت التراب والمعارضة الشريفة معاهم والمعارضة السخيفة معاه. . ده غير الناس اللي هيأجرها(و كلنا شفناهم) هيطلعوا يقولوا. . ادوه فرصة وللاسف هتلاقي مواطنين عاديين بيهتفوا معاهم ف الزحمة.

لانهم خدوا درس م اللى حصل للمعارضة وهتلاقى ناس بتقولك: يا عم ان شاء الله هيصلح ومش هنحتاج نعارضه تانى .. بعد الفضايح دى كلها لازم يصلح وده رأى شوية ممكن يصدقه ناس كتير.. بس لو ركزنا هنلاقى ايه؟ ع الشاشة احمد شفيق يعتذر عما حدث بالامس والميدان بنفس اللحظة فيه شباب بتموت اسفل الشاشة.

فتحى سروريقولك: سنحقق ونجازى المسؤول عن الانفلات الامنى وسحب الشرطة من الشوارع وف الشارع مافيش شرطة ولا داخلية

ولا امن..

الله!! طب ما تصلح دلوقتى عشان نصدقك ف اللى ناوى تعمله بكره.

عمر سليمان بيقول تفاوضنا مع مجموعة الشباب.. وبالليل نعرف ان شباب ٦ ابريل اتقبض عليهم ..الصورة بتقول سليمان بيحترم الشباب الطاهر اللي حرك الديموقراطية والاصلاح ف البلاد..

و على محطة تانية نلاقيهم بيلوثوا سمعتهم ويتهموهم بالخيانة بأهبل تمثيلية شفتها ف حياتي.

ويتبعوه باعلان القبض على اجانب جواسيس وتزوير لترجمة خبر من ويكليكس واختراق موقع الجزيرة ..و احنا المفروض نصدق وناكل الاونطا.

مبارك على الايه بي سي بيقول اللي حصل لولادنا ف الميدان

مؤسف للغاية والناس تفتكره يا حرام مسكين بيعملوا ده كله من وراه...الحقيقة بتقول انه ماحاولش يوقفه طوال ٢٤ ساعة من القتل والضرب ف الشباب العزل المسالم خلاصة ده ايه..الهم بيكذبوا.. بس مش كذب عادى..دى بجاحة ماشفتش زيها ويمكن ده بيخلى الناس تصدقهم .. في ناس مابتستوعبش ان البحاحة تكون كده والكذب يبقى مفقوس للدرجادى، فبييجى معاها بالعكس وبتصدق... اه والله نرجع تاني لخطاب مبارك...

انا مش هكمل ..كملوا انتوا ..... ناس تانية هتيجي تقولك:

احنا عارفين مبارك ابن ستين ونزلنا معاكو يوم ٢٥ لكن البلد بتخرب..لا للتخريب..حرام عليكو..الهدوا بقى.. انتو مش خايفين ع البلد؟ عايزين تولعوها وخلاص؟! احب افكركو ان اليومين اللي كان فيها المتظاهرين لوحدهم .. من غير شرطة او بلطجية..كانت البلد نضيفة وآمنة وحالة من الحب والتكاتف غير طبيعية بين الناس. و اللجان الشعبية قايمة بدورها والشباب بينظموا المرور والضغوط الدولية بتقوله امشى.. و كله تمام.. وافتكرناه هيمشى فعلا لغاية ما عمل بلوف اجرامي رائع..

نزل بالخطاب اللي سحب ربع المتظاهرين من الميدان ..

إما تعاطفا معاه او تعبوا وبيدوروا على مبرر يرجعوا بيه تحت البطانية

طب واللى لسة هناك هيعمل فيهم ايه..الناس الوحشة اللى ماعندهاش قلب وماتعاطفتش مع راجل كبارة عدّا التمانين كل امنيته يعيش ويموت على ارض بلده..

الحل الوحيد اللي يعرفه اي بلطجي هو البلطجة...

مع اعلان الجيش وتكراره مرارا وتكرارا لن نطلق النار على مدنى اذا نرسل مدنيين كأنهم مؤيدين لمبارك ويخلصوا على شوية من المعارضين ويصيبوا الباقى فيخافو ويرجعوا واللى ماجاش بالتعاطف اهو ييجى بالعين الحمرا .

\*ناس تانية هتقولك

ماينفعش الرئيس يسيب السلطة فجأة . فلنتحلّى بالحكمة و نفهم

سياسة ولا نكن جاهلين .. هيحصل فراغ سياسي ...

بجد انا مش فاهمة عبارة فراغ سياسي دى جابوها منين..

يعنى افهم من كده لو الرئيس فلسع فجأة، الدنيا بتخرب و الاعداء بيدخلوا البلد وكل الحاجات الغريبة دى!!؟

طيب ما السادات مات فجأة وعبد الناصر مات برده فجأة وكنا كمان في حرب استتراف.. يعنى العدو واقف ع الباب.. وف كل بلاد الدنيا الرئيس بيموت فجأة.

اه نسیت اقولکو ان الرؤساء دول بشر ..بیدخلوا التوالیت وبیموتوا..عادی یعنی

وماتخافوش عندنا شجرة الدر والدستور بينظم الموضوع ده. \*ناس تانية تقولك

ياعم المعارضة هتركب على قفانا ..مش هروح اضيع نفسى لحساب مصالح ناس تانية

اقول لدول.. كل ثورة ف الدنيا بيركب عليها ناس..بيحاولوا يسرقوها..الرك عليك انت..نفسك طويل!؟ هتفضل للآخر .. حتى بعد رحيله!؟ هتخرج الشارع لو اى حد حاوليا حد حقك ويسرق منك ثورتك وبعدين هو ده وقته اصلا.. نحقق طلبنا الاول ويرحل ،و بعدين نروح القسم وكل واحد ياحد حقه \*و ناس تانية تقولك

مين هييجي بداله؟ مافيش حد

اهو انا ماشفتش اكثر سذاجة من الرأى ده..

بقى الشعب اللى هب وعمل اقوى ثورة ف التاريخ مش هيطلع منه اتنين تلاتة شرفا احنا اللى هنختارهم برده برأى الاغلبية ان شاء الله.

\*و ناس تانية مرعوبة من الاخوان

لو مبارك مشى الاخوان هيقعدوا ع الكرسى ... الاخوان معاهم الاغلبية ..انت مابتشوفش بيكتسحوا ازاى ف الانتخابات لما كانت الى حد ما نزيهة..

هقولك معلومتين سواء كنت مع او ضد الاخوان اولا: اغلب الناس اللي نزلت يوم ٢٥ ماكانتش بتروح الانتخابات اصلا..و اغلب الشعب ماعهوش بطاقة انتخابية..

يبقى عرفت منين الهم اغلبية؟ اللي كان بينتخبهم فهو في الغالب اخوانجي

ثانيا: لما تتحقق الحرية وكل الناس تترل تدلى باصواتها ..

هنشوف ساعتها الاغلبية مع مين؟ اذا فاز الاحوان يبقى هو فعلا الاغلبية

الله! طب انت متضايق ليه! انت ضد الديموقراطية ولا ايه!! تبقى ديكتاتور وماتفرقش عن مبارك ف حاجة.

\*طيب مافاضلش غير الناس اللي بتقولك..

مبارك ده ف مقام حدّنا واب لينا مهما عمل لازم نعامله باحترام وانجازاته كتير وحقق لنا الامان ...

بصراحة مش هرد على دول عشان لو اتكلمت هشتم وانا متربية ومش عايزة اخرج عن شعورى اكتر من كده..بس بجد الناس دى يا إما مدفوعلها..يا اما مغيّبة..يا اما مرضى نفسيين

فى يا جماعة مرض نفسى بيخلى المريض يتلذذ بالعذاب وتنشأ بينه وبين اللى بيعذبه علاقة عاطفية ومايقدرش يعيش من غيره .. خلو بالكو اغلبنا بيعانى ف بعض اللحظات من أعراض المرض ده بدليل تعاطف البعض مع خطاب مبارك.لكن ده مش معناه الهم هوبلس كيس، بدليل برده الهم بيفوقوا بعد كده .

نسيت

ومش عارفة قدرت اقنع حد كان محتار ولا ماعرفتش.. بس ارجوكو حاولوا تشيلو صورة مبارك الوديعة وملامح الجد اللي خايف على مصلحتنا وكلامه اللي كاتبينهوله ناس متخصصة في التأثير على البشر وهيبته وبدلته وكرافتته.. ارجوكو لما تشوفوه حاولوا تشوفوا البلطجي والمجرم والمرتشى والقاتل والخائن والجاسوس اللي حواه..

شوفوا الراجل اللى سحب الامن من بلده عشان كرسى شوفوا الراجل اللى قتل المثات ف كام يوم عشان كرسى شوفوا اللى عمل كل ده ..مستحيل هيسيب الكرسى بعد ست شهور.

عزیزی المواطن!! سواء کنت معارض او لا...انت اتورطت واللی کان کان...

مش هينفع تقول انا ف حالى والدليل ان غصب عنك نزلت تحرس بيتكو لسة!!!

مبارك دلوقتي بحروح ومهان وذليل ادام العالم بيحاول يلم شتاته ويعرف اعداؤه من اصحابه واول ما يقف على رجليه هيطيح ف الكل هيبقى زى الطور الهايج مش شايف غير شعب ابن كلب.. فضحه وذلّه ادام العالم

الثورة قامت وخلاص..ماينفعش نرجع تابي.


كل يوم تأخير عن رحيله سيزيد الامر سوء ويفرم المزيد منا الموضوع بقى حياة او موت.

انا نازلة بعد شوية.. سايبة بنتي وشايلة روحي على كفي..

مش انا لوحدى في ملايين رايحة الميدان مستنيكو ..

ما تتأخروش.. ربنا مش هسيبنا وبالتوفيق لمصر

Like	comment	share	
			4





# جمعة الرحيل Is Attending مص

٤- فبراير - ٢٠١١ - Time:

ميدان التحرير :Location

Created by: الشعب

More info:

بعد انتصار الثوار في معركة تحرير الميدان.. تندفع جموع الشعب من أرجاء مصر لينضموا إلى سابقيهم ..يهتفون بأعلى صوت..

ارحل! فهل هي جمعة الرحيل كما أطلقوا عليها؟

Status Photo Link Video Question

Wessam Elshafey ...... February 4 at 3:06pm

Neveen Shalaby ارحل يعني امشي ...يمكن ما بيفهمشي February 4 at 8:16pm

Mai Abo Nawaia

لا الشعب يقوم وينادي..ياحنا ياهما في الدنيا دي..حزر فزر ..

شغل مخك..شوف مين فينا حيغلب مين؟؟؟!!!!!!

February 4 at 1:25pm

Abdelrhman Moktar انا عايز اروووووووووووووو التحرير يا بشر February 4 at 3:12pm

### Basma Elmor

المداخل الآمنة لميدان التحرير: شارع محمد محمود، شارع قصر النيل.. النيل، شارع شمبليون، شارع القصر العيني، كوبري قصر النيل.. برجاء تجنب محطة مترو جمال عبد الناصر ومنطقة المتحف المصري February 4 at 11:57am

### Abdelrhman Moktar

عاجل: الثوار يؤمنون جميع الشوارع المؤدية لميدان التحرير، و التفتيش عدة مرات، ولا وجود مطلقا للبلطجية February 4 at 4:03pm

## Hala Mostafa ELzaghandi

الشارع لنا ..احنا لوحدنا ...و الناس التانيين دول مش مننا (صلاح جاهين)

February 4 at 6:55am

Wessam Elshafey اللهم أنزل جنودك لحماية أرض مصر ،،،آمين آمين آمين February 4 at 12:28am

> Mai Abo Nawia بسم الله ماشاء الله



**Wall Photos** 

صورة لصلاة الجمعة في ميدان التحرير February 4 at 2:38pm

Abdelrhman Moktar صورة.. صورة .. كلنا كدا عايزيين صورة February 4 at 2:05pm

## Iman Khairy

هو صلاح حاهين لما قال:" اللي هيبعد من الميدان عمره ما هيبان في الصورة "كان قصده ميدان التحرير؟
February 3 at 7:49pm

Gamal Khoziem الان فقط لسنا كغساق السيل February 4 at 4:31pm

### Ahmed Fouad Eldin

الشعب مصدر السلطات.الشعب يريد اسقاط النظام. بسيطة على فكرة

February 4 at 11:04pm

#### Basma Elmor

هام حدا:أهم حاجة يعملها اللي مش هايترل النهاردة أو مش موجود في مصر مايشوفش التليفزيون المصرى February 4 at 4:09pm

### Maii Abd-Ellatif Khater

لأن الكذب حصرى على التيلفزيون المصرى.. استقالة شهيره أمين من قنوات النيل February 4 at 3:55pm

### Mohamed Rafie

يا خوانا والله العظيم التلفزيون الاهطل هوة السبب في نزولى التحرير

February 4 at 2:07pm

### Mohamed Rafie

لو سمحتوا .. وسعوا الكادر شوية فى الجزء بتاع ميدان مصطفى محمود عشان نشوف العدد الحقيقى لمؤيدي مبارك February 4 at 5:35pm

### Ahmed Fouad Eldin

الآلاف في ساحة (تايمز) بنيويورك بيطالبوا برحيل مبارك ..

بس الغريبة ليه مفيش حد طلع في (كويتر) يطالب بالاستقرار February 4 at 11:17pm

### Ahmed Fouad Eldin

كل ما افتح المحور أفتكر فيلم كلمني شكرا: أنا عاطف الطاير والأسطي بتاعي كان بياخدني في المواسير February 5 at 3:11pm

Aly Mourad

واضح ان كلمه "مندسون" و"اجنده" بقوا بدل "شفافيه" February 4 at 2:00pm

### Alaa Ezzat

حد يديني اجندة هدية من الإجندات الخارجية اللي بتتوزع على الناس دي

February 4 at 3:19am Mohamed Rafie یا ماما فی اجانب فی میدان التحریر؟ انا هحاول افتح سبيس تون يمكن أفهم February 4 at 5:26pm

# Maii Abd-Ellatif Khater

وجبات كنتاكى ومخدرات واستمارات للمشاركه فى كتائب القسام بتتوزع على المعتصمين ...كرتتتتتتون February 4 at 6:40pm

# Doaa Yousry

من وكالة أنباء أسوشيتد برس الأمريكية: الأسطول السادس الأمريكي يتحرك بإتجاه السواحل المصرية بدعوى تأمين الملاحة في قناة السويس في الوقت الذي تحتشد فيه القوات الإسرائيلية على الحدود February 4 at 5:22pm

# Hala Mostafa ELzaghandi

إذا أردت السيطرة على الناس .. أخبرهم الهم معرضون للخطر و حذّرهم من أن أمنهم تحت التهديد، ثم شكك في وطنية معارضيك- هتلر

February 6 at 6:26pm

### Hani Mostafa

دعوة إلى كل الشباب. كل من رفض الخطاب الثاني لمبارك .... إلى كل الصامدين. أدعوهم إلى كوباية سحلب سخنة تدفينا واحنا بايتين في الميدان في عز التلج . قشطة ع الجميع February 5 at 3:35pm

# Hala Mostafa ELzaghandi

من الميدان: جمبى بايتة بنت مش معاها غير اعدادية ،معسكرة ف الميدان لوحدها وامها ع الموبايل بتقولها ارجعى ده بيقولوا عليكو حواسيس وبتاكلوا كنتاكى..و البنت بتدافع عن نفسها ورفضت ترجع..قلتلها من امتى وانتى ف الميدان .. قالتلى من ساعة لما نزلت اشترى حاجة لماما وكانت هتخبطنى عربية امن كبيرة لولا ستر ربنا..بعد ما العربية مشيت لقيت تحتها طفل كان ماشى ادامى..

عرفت ان اليوم ده كان اسمه جمعة الغضب ومن يومها وانا هنا February 5 at 8:49pm

### Shereen Rizk

الاعداد قلّت ف ميدان التحرير.. يا رب يفضى بقى والناس دى تعقل

February 4 at 8:00pm

### Mohammad Mohsen

هؤلاء الذين يضحّون بالحرية من أجل الأمان، لا يستحقّون أيّاً منهما. بنجامين فرانكلين February 4 at 6:58pm

Mohamed Rafie

خدعة الممتلكات الخاصة ..

أقر وأعترف أنى صدقت الشائعات فى الايام الاولى بتاعة احمى بيتك بنفسك والنتيجة كانت ان الناس تسهر طول الليل فلا تتابع ولا تترل الميدان طبعا فى احداث شغب حصلت لكن ليست بهذا الحجم

February 5 at 11:50am

Ahmed Abdelgawad Farahat

الحريه أغلى من الحياه

February 5 at 11:34am

Aly Mourad

بكره مصر احلى

February 4 at 8:56pm

# أسبوع الميدان

استمر قطع خدمات الإنترنت خمسة أيام كاملة..

النظام كان فاكر أنه هيقدر يفرق العيال بتوع النت..ماكانش فاهم أنه بيجمعهم على الأرض..و كل يوم بيمر بيزيد إيماهم بالثورة وإصرارهم على إسقاط النظام..الجرح بيشفى أرواحهم والضرب بيقويهم وكل شهيد بيقع بيترل مكانه ألف.

إنجى بنت مصرية.. مهندسة.. هربت من الأرقام لعالم السينما.. بتحب تكتب عن الحب.. السلام.. الإنسان .. فاقت على صوت الرصاص في المدينة الهادية اللي بتعيش فيها.. فهمت لأول مرة يعني إيه بلطجية؟.. أصحاب البيوت متجمعين.. أطفال مرعوبين.. ورجالة بتخرج بسلاح وترجع بدم على هدومها.. شايلين بطايق البلطجية والمهنة فيها يا شعب "أمين شرطة" ...

دمعت إنجى.. فهمتكو! فهمتكو !..

الشعب يريد إسقاط النظام.. والنظام يريد تربية الشعب..

الشباب سهران في ورديات تحت بيته.. تتحول طاقة الميدان للجان شعبية.. يمكن يتفض الميدان؟

لكن الميدان مبيفضاش .. إيه فاضل تاني يعملوه؟

واحد.. اتنين.. تلاتة.. اكشن..

أيها الإخوة المواطنون.. هعملكو وهعملكو بس سيبوني أموت على أرضكو.. "خطاب الفتنة برعاية أنس العاطفي"

اكشن.. رجع النت

اكشن.. وقعت الناس في بعضها..

أحمد يحيى غيران على دم الشهدا.. لكن من متعاطفة مع مبارك العجوز... خايفة من الفوضى.. خايفة على ولاد بلدها من الموت.. وفي لحظة بيعم الصمت مع أصوات خطوات خيول وجمال داخلة الميدان.. أصوات بتغطى على أى صوت.. صوت الكذب.. صوت الخوف.. يصرخ أحمد في الكل.. الأكشن الأخير للنظام.. حرب أهلية.. عايزين يقولوا الشعب بيقطع في بعضه..؟!

يتحول الميدان لساحة حرب.. قناصة ومولوتوف وحجارة من ناحية وشعب أعزل من ناحية...

جرحى وقتلى.. جبهة وقتال.. وبنات بتغنى شبابنا رحال! .. ونيفين بتكتب على كل الصفحات.. انزلوا.. روحوا بقطن وشاش ومعدات.. ولاد مصر بيموتوا...

محمود عبد الستار ماقدرش يشوف الموت ويفضل ساكت.. دق قلبه بالخوف على ولاد بلده..كفاية مظاهرات.. كفاية اعتصامات.. النظام وعدنا.. نديله فرصة!


وصل صوته لهانى.... اللى قضى عمره على سلالم النقابات ...مظاهرات.. احتجاجات.. في الجامعة وأدام السفارات ... كلدلة واعتقالات وأصحاب بتروح ولا ترجعش.. وأحلام وأمنيات ..هانى الطبيب النفساني فهم الخطاب.. اللى جاى يضيع كل اللى فات ..سحر الناس بكلام معسول مدروس..هانى بيحاول يضيع مفعول السحر ..بيصرخ ... بيقول ... فوقوووووووووووا....

الثقة في النظام كارثة!

يطمنه أحمد التركي.. ماتخافش!! مهما يزود في الرصاص... بكره جمعة الخلاص

ورغم الموت .. رغم الرصاص.. رغم الخطاب وكذب الإعلام...

بيترل ملايين ..ملايين.. ويرسموا أجمل صورة لمليونية في الميدان .. يفرح أحمد بالصورة ويدندن "صورة.. صورة.. كلنا كده عازين صورة" وتغنى معاه إيمان "واللي هيبعد من الميدان عمره ما هيبان في الصورة".. تخلص الغنوة وتمتف وسام... والكل يهتف في الميدان.. في نفس واحد...من قلب واحد... اررررررررررررحل



أسبوع الصمود





سبت الصمود Is Attending مصر

٥- فبراير - Time: ٢٠١١

ميدان التحرير :Location

Created by: الشعب

More info:

مليونيات .. نداءات .. هتافات .. لافتات بكل اللغات .. "ارحل يعنى امشى ياللى مبفتهمشى" ولأن النظائ لم يفهم بعد. يعلن الثوار أسبوعا جديداً للصمود كتحدى واضح لكل أسلحة النظام .. فسرعان ما ابتكر النظام سلاحاً جديداً أكثر فتكاً.. فهل يصمد الثوار أمام سلاح البونبون؟

Status Photo Link Video Question

### Ahmed sultan

الجيش حاول يدخل الميدان بالدبابات لتضييقه على الثوار.. الناس وقفتله وباتت ع العجل..الميدان بتاعنا وماحدش هياخده مننا

February 5 at 8:00am

### Ahmed Fouad Eldin

مشفش الامل في عيون الولاد وصبايا البلد.. ولا شاف العمل سهران في البلاد والعزم اتولد .... اصله معداش على التحرير!! February 5 at 2:38pm

Mohamed Rafie مصر عادت شمسك الذهب February 5 at 3:53am

**Emad Adel** 

واجراس تدق لصرخة ميلاد February 5 at 4:49am

### Tarek El Arabi

قام العليل.. رجعتلوا انفاسه.. باس جبين الوطن..

مال الوطن باسو

February 5 at 2:12am

## Eman Fahmy

جاءتنا معلومات مؤكدة:إن الراجل بتاع كنتاكي"ابودقن بيضه ده" يعمل لحساب الاخوان (منقول) February 5 at 11:41am

### Muhammad Barakat

يعنى ايه نظام مبارك ؟؟ يعني مصر تعمل مظاهرات والجزائر تلغي قانون الطوارى .... يعنى الشرطة تأخد أجازة، واحنا نقف خدمة طول الليل.. يعني احنا نعمل ثورة والمساجين هما إللي يتحرروا (منقول)

February 6 at 11:54am

### Mai Abo Nawaia

تغير وزاري ايه اللي انت جاي تقول عليه انت عارف ابلا معني الثوره ايه انت فييييين والشعب فييييين سحله ليه دايما معااااك February 6 at 12:22am

Abdelrhman Moktar بعد دا كله اكتشفت اننا يدوب ف بداية الطريق February 5 at 1:16am

Muhammad Barakat في الشطرنج تتساقط القطع الصغيرة قبل أن تصل لــ(كش ملك) وهكذا حال حزب مبارك (منقول) February 5 at 5:41pm

> Mohammad Mohsen برنس الليالي صفوت الشريف...فينه؟ February 5 at 11:58am

### Mai Abo Nawaia

أحمد شفيق لقناة ال بي بي سي : هانجيب للمتظاهرين بونبوني وشيكولاته ...طب ده الواحد يرد عليه يقوله ايه ؟؟؟؟ February 5 at 12:53pm

### Mohamed Rafie

أول مطلب لينا: أن نستبدل كلمة مظاهرات بكلمة ثورة February 5 at 1:21am

## Hala Mostafa ELzaghandi

أحمد شفيق : انت لو ابوك غلط فيك..تطرده!!!؟ ما رأيك في تمديد امريكا بقطع المعونة؟... يعز على التصرف ده منهم.. مش عارفة يا جماعة ليه حاسة ان طنط ام مني هي اللي بتتكلم(:

February 5 at 8:05pm

# Neveen Shalaby

من قلب الميدان نقلاً عن محمود العراقي دبابات الجيش تحاول الحلاء الميدان بالدخول والتضيق علي المتظاهرين ولكن المتظاهرين ينامون امام الدبابات لتقف مرة اخري February 5 at 8:17pm

Hala Mostafa ELzaghandi قدّاس الاحد في ميدان التحرير يا حابس دمهم ..ايوة كده:) February 5 at 6:23pm

Mohamed Rafie لو عايز تشوف مصر بجد انزل التحرير ، سيحررك من الخوف February 5 at 12:19am

# Neveen Shalaby

اللي رايح الميدان بكره الصبح: روح بدرى ومتنساش تجيب فطار وسكريات للناس اللي كانوا بايتين في الميدان.. اشوفكم بكرة هناك علي خير ان شاء الله February 6 at 11:36am

لماذا مرن في التحرير . لا يفهمون ما تفهمه أنت likes مصرف فالبيت؟



لماذا مسن فى التحرير.. لا يفهمون ما تفهمسه أنت فالبيت

by Mohamed Abd Elhamid Bayiumi on Sunday, February 6, 2011 at 12:29am

في التحرير بعد صلاة الفحر في ليلة كاملة من الاشتباكات مع ب"لطحية النظام" .. حيرتني الفحوة ما بين "ميدان التحرير" و "غير التحرير" .." لماذا الانفصال؟"

"لماذا لا ترضيهم تنازلات الأستاذ /محمد حسني؟" في حين الها ترضيك وتراها كافية ..

والحمد لله الذي هداني لإجابة السؤال

والإحابة خمسة أشياء لو نظرت لها وتأملت معي الفرق فيها ما بين "عندهم وعندك" ..

لفكرت كثيرا قبل أن تعتقد في استمرار الثورة من عدمها
1_ الاخبار
عندهم :هم في قلب الحدث يرون ويسمعون الحقيقة بل يصنعونما أحيانا
عندك: تسمع نشرات الأخبار وتحليل المحللين في التليفزيون أو النت
،كذب بواح له قرنين
٢_الصحبة
عندهم: تجد من كل شرائح الشعب قوم يتحملون المشاق
و المخاطر والصعاب لاحقاق الحق "في ظنهم" وهم سعيدون
وكلهم امل
عندك: بابا وماما يريدون انهاء الازمة واصحابك الذين ملوا من
الجلوس تحت المترل والجميع كلامه من التليفزيون
٣ التضجية اللملة

عندهم: جوع ، شمس نهارا ، برد ليلا ، هتاف مرهق , جلوس علي

الرصيف ، نوم على الاسفلت ، مخاطرة بالحياة ، مواجهة بلطحية عندك: الاخبار المقلقة،المشاهد المفزعة عنهم ، قلق من الحرامي , عدم نزول الشارع للبنات ، الغلاء ع الهدف عندهم: هدفهم خلاص مصر . . فاحلامهم البعيدة اصلا لمصر والله تذرف لها الدموع عندك: عودة الحياة للشارع، رفع حظر التحول، تحربة الحكومة الجديدة،الامن والاكل ه الشخصيات عندهم: مندفعين متحمسين معاندين نشطين "لا اقصد فيهم مدحا او ذما" عندك: ناقدين محللين متمهلين متعقلين منظرين و لا اقصد بكم

تريد ان تعلم لماذا لا ترضيهم تنازلات الاستاذ \ محمد حسني؟ في

مدحا او ذما"

حين الها ترضيك انت لان ما يبذلون ليس كما تبذل انت "....سامحني لصــــراحتي" فما يكلفهم هناك لا تعادله تنازلاته ..

لكنها تعدل ما تقدمه انت لذا ..انت راضي وهم ساخطون .. فهمتني؟

فلا تعجب اخي من "هؤلاء" في التحرير ان كانوا ليسوا مثلك.. فانت لست مثلهم كذلك..


لا شخصيتك كشخصياتهم ابدا...و لا من حولك كمن حولهم .. ولا الاكاذيب التي تسمعها هم يسمعونها بالمرة

ولا هدفهم الذي ينامون له علي الاسفلت الصقيع...

كهدفك الذي تنام له دافئا مستغرقا علي السرير

ولا تسبهم فهم لا يسبونك.. ولا تتمني قتلهم فهم معتصمون ظنا منهم انه لحياتم وحياتك

Like	comment	share	
		NE DETTY THE RESERVE	





أحد الشهداء Is Attending مصــر

۳ - فبراير - ۲۰۱۱ : Time

ميدان التحرير :Location

Created by: الشعب

More info:

فى أسبوع الصمود.. يحتفل الثوار بالشهداء فى ميدان التحرير ويصلون على أرواحهم فى مليونية تمز مشاعر العالم .. فهل يثير ذلك أية مشاعر لدى النظام؟! وإن كان الفهم نعمة لا يمتلكها.. فهل يمتلك نعمة الإحساس؟!

Status Photo Link Video Question

#### Amir Boshra

دقوا أجراس الكنايس....و ارفعوا صوت الآدان ربنا هو اللي حارس.....مصرنا طول الزمان February 6 at 2:22pm

Maii Abd-Ellatif Khater اليوم صلاه وقداس ف التحرير لشهداء ثورة يناير February 6 at 7:08am

> Engy Mohy Eldin اللهم ارحم الشهداء وانصر دمائهم February 4 at 2:15am

# Muhammad Barakat

مصر اللي بجد،، المسلمين لما يصلوا فيها،، المسيحيين هما اللي يحموا ضهرهم. مافيش مسيحي واحد يتقتل مافيش فتنة طائفية،، February 6 at 12:08am

#### Shereen Talaat

سواق التاكسى من امام ميدان التحرير سالنى يا مدام.. ألا صحيح بتاخدوا الوجبه قلتلوا اذا كان ربع رغيف حاف وجبنة يبقى ممكن

February 6 at 7:21pm

#### Mai Abo Nawaia

مش كانت الحكومه قالت ان المتظاهرين بيجيلهم اكل من مؤمن بدل كنتاكي علشان تلزق في الاخوان؟ February 6 at 12:26am

#### Ahmed Sultan

العيال السيس اللي في ميدان التحرير دول كل واحد معاهم شنط "حقائب سياسية" مليانة أجندات ودولارات ويوروهات وجنيهات واجهزة اتصال وفراخ ولحمة وبيتكلموا كل لغات الدنيا ومعاهم حوزات سفر لكل بلاد العالم .. حاجتين في حياتي عمري ما حبيتهم رجل المستحيل والتليفزيون بتاعنا February 6 at 1:50am

### Mahmoud Barakat Hassan

أكاد أقسم أن الشعب فعلاً له أجندة ..و العبقرية في العفوية.. شكراً لك سيدي الرئيس ..لقد علمتنا ماذا نريد فعلاً بأفعالك ......

February 6 at 12:56am

### Ahmed Sultan



عمر سليمان بدأ التفاوض مع الاخوان والتجمع وممثلين عن المتظاهرين

> www.sheemapress.com February 6 at 4:30pm

### Hani Mostafa

لا أعرف كيف يعتقد البعض أن هناك تفاوض ينجح بدون ضغط واقع بالفعل. . فبعد إزالة الضغط (التظاهرات يعني ). . ما الذي يجبر الخصم على الانصياع ولو بالبقليل.. February 5 at 9:18pm

### Abdelrhman Moktar

تحول خطير فى الموقف الغربى لصالح مبارك يتزامن مع تحول فى موقف بعض القوى السياسيه.. احذروا الخيانه.

February 6 at 1:52am

Aly Mourad

اصحوا يا بشر!

February 5 at 5:07pm

Mahmoud Barakat Hassan

إحنا مطالبنا بسيطة ..هو يمشي ..إحنا نمشي.. February 6 at 4:29am

#### Yasmine Okasha

ردا على جمعة الغضب.. وجمعة الرحيل ويوم الشهداء وأسبوع الصمود،أعلن الرئيس انه قرر التنحي في "يوم القيامة "...!! February 6 at 6:13pm

# Wessam Elshafey

أفلام حيل الثورة: أبي فوق الدبابة... عودة النت... المندس والأجندة ... الرصاصة المطاطية لاتزال في حيي... في بيتنا بلطجي... نحن لا نرمي المولوتوف... مهمه في ميدان التحرير ... الريس عمر سليمان... حرميه في لندن... البحث عن دستور ... ليلة القبض على عز (منقول) February 6 at 5:55pm

#### Shereen Talaat

اليوم فى القداس كان المسلمين والمسيحين يصلون للآبانا الذى في السماء ان يبارك الثوره ومصر ..الله علينا بجد February 6 at 6:18pm

Aly Mourad دوله التحرير الحره المستقله February 6 at 8:42pm

Mohammed Abdel-mordi إزاي في حضنك ملمومين وانتي على حالك كده ؟؟؟ February 6 at 1:02am

# Maii Abd-Ellatif Khater

أتارى للشمس صوت..وأتارى للأرض نبض..تانى معاكم رجعنا نحب كلمة مصر.. تانى معاكم رجعنا نحب ضحكة بعض :)))) February 6 at 6:13pm

### Maii Abd-Ellatif Khater

اليوم كان اول يوم عوده للعمل. كله مشى تمام. و اشتغلنا و المحلات فتحت والناس باعوا واشتروا... مع العلم ان اللي في التحرير لسه ف التحرير.. اتمني ان ده ينور ان وقف الحال كانت خطه للوى الذراع February 6 at 5:47pm

brown-relief Sterementol . .

pure Milate Website Table 1 and



اثنين الحشد

# Status Photo Link Video Question

# Doaa Yousry

فكرت امبارح أروح مشوار لقيت عربيات عكس الاتجاه هربانين من بلطجية،،الجيش انقذبي بأعجوبة وطلعنا الدائري وبعد فترة من التوهان رجعت بيتي زعلانة أوي...بجد يا جماعة البلد مش أمان

February 7 at 10:43am

Hani Mostafa

كل واحد بيقول"نقطة دم ومن أول السطر" ..

يبقى بيفرط في دم الشهداء

February 7 at 11:33am

Mohamed Abd Elsayed

Mohamed Abd Elsayed

سنناضل من اجل الحرية ... من اجلنا ...و من اجل الذين لا

يريدونها

February 7 at 11:24pm

Aly Mourad مافیش اخبار عن وائل غنیم؟ February 7 at 3:47pm

Wessam Elshafey شوفوا وائل غنيم على دريم ٢ الآن February 7 at 10:08pm

### Ahmed Abdel Moneam Masoud

دي مش غلطتنا والله العظيم ما غلطتنا ... دي غلطه كل واحد ماسك ف الكرسى (وائل غنيم) February 9 at 6:43pm

Hani Mostafa

كلنا مع وائل غنيم لاسقاط الطاغية February 7 at 11:17pm

#### Muhammad Barakat

الناس اللي بكيت لما شافت وائل غنيم النهاردة بكيت علشان مصر والناس اللي بكيت علشان خطاب الرئيس مبارك بكيت علشان شخص

February 8 at 1:18am

#### Ahmed Fouad Eldin

طول اليوم أدعي يا رب .. تحصل حاجة تلهب الثورة تابي ..

والحمد لله !! وائل غنيم ولعها February 8 at 12:51am

# Aly Mourad

شوفوا وائل الابراشى دلوقتى.... ضابط شرطة بيفضح كل حاجة February 7 at 2:35am

#### Hani Mostafa

حرمت محافظة الاقصر من أي تغطية إعلامية مما سمح للبلطجية لمسلحين من التحرش بالمتظاهرين".انشروا الخبر لانقاذ الاقصر February 7 at 12:38pm

#### Basma Elmor

يا شرفاء الوطن إدارة الحوار ليست مع النظام البائد ومع فئات الشعب ممن يتعرضون لتضليل أنس الفقي (منقول) February 7 at 12:26pm

#### Abdelrhman Moktar

عاجل: ٦ ابريل تدعو لمظاهرة غدا أمام التلفزيون لفضح الاعلام

February 7 at 7:17pm

Muhammad Barakat هوا الريس مازهقش لغاية دلوقت؟؟ February 7 at 11:44pm

# Iman Khairy

لو اضطررت للتوسل إلى رجل آخر من أجل حريتك فأنت لن تنالها أبداً، الحرية يجب أن تنالها أنت بنفسك ( مالكوم اكس) February 7 at 6:32pm

#### Mai Abo Nawaia

الرجل ده مش هايجي بالادب ....طيب نعمل ايه ما احنا شعب محترم...نستوردله شعب سافل يتظارهله ولا ايه يعنى؟ February 7 at 10:34am

# Sarah Ahmed Elshayat

ده لو عفریت کان انصرف : D

February 7 at 8:11pm

Neveen Shalaby

مبارك يهدي للشعب اغنية نانسي عجرم " اخاصمك اه ..

اسسك لا"

February 7 at 6:19pm

# Sarah Ahmed Elshayat

اليوم السابع | نيابة أمن الدولة تحقق في اتمام "العادلي" بالتورط في تفجير القديسين ..عرفتو بقى مين اللي بيعمل فتنة!!

February 7 at 5:30pm

#### Mai Abo Nawaia




وسط صرخات هلع فتيات يوثقن جريمة قتل لشاب أعزل في شارع بالإسكندرية من قبل رجال الشرطة المصرية في جمعة الغضب

> www.youtube.com February 7 at 11:27pm

Noha Atef Soudy ده مش يمشى بس.. ده لازم يتحاكم ويموت كمان February 7 at 11:15pm

#### Mohammed Abdel-mordi



سيارة هيئة دبلوماسية عربية تدهس ٢٠ مصري في جمعة الغضب

www.youtube.com

February 8 at 4:32pm

Noha Atef Soudy

ده مش یمشی بس.. ده لازم یتحاکم ویموت کمان

February 7 at 11:15pm

#### Hanan Kama

معا لمحاكمة مبارك: يوم الجمعة القادمة زحف مليوني سلمي الي قصر العروبة وماسبيرو وميدان التحرير في القاهرة.... وقصر راس التين بالاسكندرية ....لمزيد من الضغط... انشروا February 7 at 12:08am

#### Ahmad ElTürki

عمري ماصدقت أي دعوة لمظاهرة في حياتي سؤال مش لاقي له حواب :ليه انا صدقت المره دي وشاركت؟؟

February 7 at 11:47pm

Amir Boshra

انا اول مرة احس ان مصرى وبنى ادم ولى حقوق..انا زعلان من نفسى على سلبيتي وخوفي وسكوتي كل السنين اللي فاتت دى

February 7 at 12:26pm

### Wessam Elshafey

ذهب الليل طلع الفجر والشعب اتحرر اتحرر.... شاف مبارك قاله اتنحى والنظام فرفر فرفر... الشعب قاله سيب السُلطة وخلينا فى حالنا.... شد نفسه وبعت حرسه وراح جر شكلنا... قامت الناس قعداله وحلفت ماهى رايحة بيوتما ... وادى جزات اللى يتلامض مع الشعب بتاعنا (منقول) February 7 at 6:38pm

#### Ahmed Sultan

أنا وإن كنت الأخير زمانه.. لآت بما لم يستطعه الأوائل (إمضاء ٢٥ يناير) February 7 at 3:22am

أنت تبحث عن زعامة مصر سبعة أشهر وأنا likes مصر أدعوك لزعامة العالم الى الابد likes لماذا مصر ؟



أنت تبحث عـــن زعامة مصر سبعة أشهر وأنا أدعوك لزعامة العالم إلى الأبد

by Mohamed Rafie on Monday, February 7, 2011 at 9:12pm

أنت تبحث عن زعامة مصر سبعة أشهر وأنا أدعوك لزعامة العالم إلى الأبد.... سيدى الرئيس أنا واحد من شعب مصر شاب وأب لأسرة بما

طفل واحد، لكني أمتلك الحل أعرف كيف أمحو أسطر التاريخ

قبل أن تنسطر، صدقني سيدي لدى الحل السحري الذي نريده جميعا وأنت معنا يا سيدي. في البداية انا أعرف ما تعانيه الآن وأعرف أنك لا تنام مثلى وأتفهم ما تشعر به في هذه اللحظات، أعرف أن صدرك مذبوح بخيانة من حولك مذبوح ..

لأن أولادك طلبوا منك الرحيل، أعرف أيضا التركيبة النفسية للقائد

العسكرى والمحارب المغامر، وأعرف أنك ترى شعبك جنودا خرجوا عن النظام وخانوا قائدهم، وكسروا الاوامر العسكرية، أعرف ما تعانيه من ضغوط داخلية وخارجية ..

وأعرف أنك تفضل الموت على الرحيل وأعرف أن الرحيل بالنسبة اليك هزيمة عسكرية وهروب من الميدان.

أعرف أنك خائف من التاريخ الذي سيذكر من سبقوك ولن يذكر عنك الا خاتمتك التي وان سمحت لي سعة صدرك ستكون إن الشعب ثار عليك وخلعك، لن يذكر التاريخ السبعة أشهر المتبقية ولا كم الاصلاحات الممكن تنفيذها فيهن، ستكون يا وجعى ويا وجعك سطرا واحدا في كتاب التاريخ سطرا يقول بأنك كنت قائدا عسكريا فذا وحاكما ساد الفساد في عهده فعزله الشعب وخلعه.

مهما فعلت سيدى لا يمكن تضليل التاريخ، لن يمحى هذا السطر مهما فعلت لو قتلت كل الثوار في ميدان التحرير لن يمحى هذا السطر، السطر لو جاءك عزرائيل الان – لا قدر الله – لن يمحى هذا السطر، لو أصلحت ما يمكن لك أن تصلحه لن يمحى لو حاربت اسرائيل الان لن يمحى، لو هربت لن يمحى لوتنحيت لن يمحى، يا لان لن يمحى، لو هربت لن يمحى لوتنحيت لن يمحى، يا لتعاسة الموقف وأنعدام المخرج التاريخي يا سيدى. ناهيك عن

دعاوي الملاحقة القانونية والكلام عن ثروتك وثروة أبنائك،. إن مصر سيدى الرئيس في لحظة فارقة لن نستطيع أيجاد المخرج من هذه الازمة الا لو تفهمنا هذه الثورة ووصلنا الى لبها، مصر الان تعلم العالم أجمع درسا جديدا، مصر تغير فكر واتجاهات شعوب الارض. إن أمريكا يا سيدى أوهمتنا وتوهمت أن زمن الثورات الكبرى أنتهي وانما وحدها من تملك الحق في أشعال ثورات صغيرة تمدد بها الحكام أو تخلعهم، وصل بها الصلف أن يقول أحد رجالها أن أي بلدين أنتشرت فيهن سلاسل ماكدونلدز لا يمكن أن يتحاربا . أمريكا يا سيدى كانت قبل 25 يناير تعتقد أنها تعرف كل المخططات على وجه الارض كانت تعتقد أنما تعرف حتى مخططات الله، وأنها تستطيع التنبؤ بالطقس والزلازل وبالحركات الكونية والشعبية، أمريكا يا سيدى تعتبر نفسها أعظم

منجم فى العالم تعلم آوان الحروب وتصنعها أماكن البترول وتحتلها، ولا يقض مضجعها الا أن يحدث شئ خارج التوقعات ويعتبرون ذلك فشلا.

أمريكا الان عاجزة عن فهم هذا الشعب العجيب الذي كلما قتلته

عاش وكلما جوعته شبع وكلما ذللته ذاد عزة، أن شباب مصر ابناؤك يثبتون للعالم أن الثورات الكبرى ليست مبنية على طبقات احتماعية ذات مصالح مشتركة ولكن على شئ جديد ليس مكتوب في كتاب رأس المال لكارل ماركس ولا في كل الدراسات الرأسمالية ولا حتى في التقارير التي تصل الى أمريكا من مجمع أبن خلدون وغيره.

يثبتون أن الثورات تولد من رحم العقل الجمعى والوحدان الجمعى الدفين مهما كانت الطبقة الاجتماعية أو الفئوية .

الآن نفتح فتحاً جديداً ونعلم العالم أننا المرشحون إلى التأصيل

بعد ما بعد الحداثة. وإن الثورة ستفتح الآفاق على فنون جديدة وأدبيات حديدة واستراتيجيات جديدة وستغير أجهزة المخابرات آلياتها والاعلام آلياتة، المصريون أبنائك يسطرون تاريخاً للأجيال القادمة تقول بعض الاجهزة أن هناك من يحاول ركوب الثورة لتحقيق مكاسب هؤلاء ضيقي الأفق لأن المكاسب هنا ليست إعتلاء الحكم. وما يحدث في مصر الآن هو أكبر من ذلك كثيراً ولا يهم من سيكون على قدر أهمية هذا الفتح الجديد في الفكر العالمي الذي تصنع مذه الثورة.

وأنا الآن أدعوك أن تسطر معنا هذا التاريخ أن تعبر بنا عبوراً أقوى تأثيراً من العبور الأول والضربة الجوية الاولى .

أنا أدعوك للذهاب إلى ميدان التحرير وعرض هذه الأفكار ومباركة

الثورة والتأميل لها ثم التنحى هناك على الارض في الميدان أمام أعين العالم، التنحى من أجل أن تصون الثورة وتفتح باب العالم الجديد بيديك صدقني سيدى هذا هو الحل الذي سيغير ما سيكتبه التاريخ عنك إذهب بكل عزة وكبرياء وسط جنودك وابناء شعبك قل لهم أنك نحيت غضبك وسموت عليه قل لهم أنى أنا المصرى الذي سأحرق

کتاب رأس المال بیدی وأنظر معکم لعهد حدید وعالم حدید وتبرع

بجزء من ثروتك الشخصية للموجودين في الميدان فالعمر لم يعد فيه الكثير لكتر الأموال..

وأدعو إلى ثورة حديدة تشترك فيها حنباً إلى حنب مع أبنائك ولتكون يوم ٦ إبريل القادم تقودها أنت كمواطن عمرى وتكون

من أجل البناء، بناء مصر الجديدة ثورة تستغل طاقة الشباب لجمع القمامة ونقل المتحف وتشجير مصر وترميم الخراب وتغيير سلوك المرور ثورة تعيد تأهيل جهاز الشرطة وتعيد الكرامة المصرية في الداخل والخارج، ثورة تغيير مناهج التعليم وتقضى على الأمية ، وهكذا يكتبك التاريخ في مصاف الزعماء الحقيقيون هكذا بفخر بك شعبك واسرتك واحفادك ويسطرك التاريخ هكذاتعبر بالعالم أجمع لمرحلة جديدة وليس بعدد من الطائرات عدد كيلومترات ، وسيذكر التاريخ أنك أول زعيم في العالم يناصر من طلبو منه الرحيل ويفتح الآفاق لعالم جديد وفكر عالمي جديد ومرحلة إنسانية جديدة. أنت تبحث عن زعامة مصر سبعة أشهر وأنا أدعوك لزعامة العالم إلى الأبد

Like comment share



لا ذا ؟

by Engy Mohy Eldin on Tuesday, February 8, 2011 at 0:16pm

لماذا ننتقد شباب التحرير وقد أخرجوا الثائر الكامن بداخلنا ؟ لماذا نخاف الموت حين نراه ونسمعه وقد كان متخفياً لنا وراء کل جدران؟

لماذا لا ندمع على شهدائنا وقد كانوا يحلموا بالحياة مثلنا؟ لماذا تسقط بيوت السويس في أول يوم للغضب؟

لماذا حين نطالب بأبسط حقوقنا.. بنور الحرية.. بالكرامة.. بالعدالة.. بالخبز... يطلق علينا الرصاص؟

لماذا حين نبحث عن غدا ً أفضل.. يكتمون أنفاسنا بقنابل أمريكية منتهية الصلاحية؟

لماذا حين نقف بوجه الأمن المركزى... نطالب بمجرد كلمة "مرور".. نضرب ونهان ونشد من أذرعنا لنرمى فى معتقلات كأناس سقطت من جعبة حقوق الإنسان؟

لماذا نستيقظ بالصباح لنجد أننا كنا تحت مظلة وهم كبير اسمه "النظام" ويثبت لنا أنه لا يمد لكلمة النظام بأية صلة؟

لماذا تزور البلطحية والشرطة السرية بيوتنا ليفرقوا علينا هدايا النظام من قمع وتهذيب واصلاح بالسيوف والأسلحة البيضاء والسوداء وكأنها هدايا لعيد ميلاد سنة ظلم جديدة ؟

لماذا نستغيث بأرقام الشرطة لنجدهم لا يجيبوا لحين إنماء تمذيبنا واصلاحنا؟

لماذا نجد أنفسنا نحمى أنفسنا بأنفسنا؟

لماذا يتحول الشعب للجان وثكنات عسكرية لحماية ممتلكاته وعرض نسائه ؟ لماذا تنام وتصبح الأطفال على أصوات الرصاص وكأنها أصوات لبومب العيد ؟

لماذا تطل بعد منتصف الليل وتحيب الشعب بلقمة العيش.. تخيره بين فوضى واستقرار وكأنك تحولت لإله بيده مقدرات الأشياء ؟... أية فوضى قد تصيب شعبا شهيدا وشاهدا على أعظم عبث حدث بتاريخه في وجودك؟!

لماذا تعيد لنا شبكة الإنترنت لتحكم خيوطها بفتنة سوداء حول أعناقنا جميعا؟

لماذا نطالب بالاستقرار وقد عشنا سنوات فى استقرار زائف وراء دماء تنتظرنا؟

لماذا نرضى بفتنة ظلوا سنوات يزرعوها بأنفسنا لنكره بعضنا بعضاً ؟

لماذا يعلو صوت الحق بالميدان فتعلو فوقه أزيز الطائرات الحربية؟ لماذا تسكت منابر الحق وتقبض يدك على أجنحة الصحافيين ومطالبي حقوق الإنسان؟ لماذا تعتم تاريخك أيها الاعلام المصرى وتنتحر بحبوب النفاف كذب أمام عيون العالم

لماذا تستأجر كومبارس وجموع لتهتف لك.. أمام شعب يهتف ضدك؟

لماذا حين نتوحد على كلمة واحدة ونطالبك ب"الرحيل"... نجدنا فى موقعة من العصور الوسطى اسموها "موقعة الجمل"؟ لماذا يختزنون ال ٧٠ مليار دولار فى بطونهم كالجمال ثم يبعثوا بذاك الجمل ليرفثنا بوضح النهار؟

لماذا تدهسنا الخيول لنصبح مشهداً من تاريخ ساحق... تضحك منه كاميرات العالم؟

لماذا بين ليلة وضحاها نجد أنفسنا في حرب أهلية دامية لأجل الغرور ؟

لماذا حين نحلم بالميدان.. يشق صدر الحلم بسيوف البلطحية المأجورين من نظامنا؟

لماذا نروى أرضنا بدمائنا وهم يشعلونها بنيران المولوتوف من حولنا؟

لماذا تخرج سيارات دبلوماسية وبوليسية لتساوينا بأرض الوطن؟ لماذا يقف شاب سكندرى آعزل وحده فيغتاله أمن بلده...

ليصبح عبرة لمن يعتبر؟

لماذا تبكى أم ابنها الذى خرج يوم ٢٥ يناير و لم يعد الماذا ننام تحت بيوت بلا أسقف في عشوائيات مجهولة الهوية وعلى أرصفة شوارع القاهرة.. لتتملكوا عقارات بنيويورك وباريس ولندن وفرانكفورت ومدريد ودبي وواشنطن ؟ لماذا اكتشفنا أن حاميها حراميها؟ لماذا أصبحت الشرطة في عداوة الشعب الماذا نعتبرك في حفيدك و لم تعزينا في شهيد واحد من أولادنا الماذا نعتبرك أب -كما يدعى البعض - وتقتل أبناءك بالرصاص الحي ؟

لماذا لا تتخلى عن السلطة كما تخلينا عنك؟

لماذا تخرج عواصم العالم لتنادى معنا برحيلك.. وأنت لا تستمع سوى لشيطانك؟

لماذا تصر على موت مصر وأولادها لتحيا أنت؟

لماذا تصر على رحيل ٨٥ مليون مصرى حتى لا ترحل أنت؟

Like comment share



مليونية الثلاثاء

Is Attending مصر

۸- فبرایر - ۲۰۱۱ - Time: ۲۰۱۱

ميدان التحرير :Location

Created by: الشعب

More info:

لم يبك وائل غنيم وحده.. بل بكى معه شعب بأكمله .. بكى خديعة النظام له.. بكى ضحايا القديسين للمرة الثانية .. بكى دماء شهداء جمعة الغضب .. مشاهد دامية حاول النظام إخفاءها ففضحه العالم الإفتراضى.. بكى بؤسه وظلمته ودماء أبنائه.. فهل تحركه دموعه ليصنع مليونية جديدة ... ؟ والسؤال الأهم: هل سيحتشد في الميدان ليذرف المزيد من المدموع ؟؟

## Status Photo Link Video Question

### Mohammed Abdel-mordi

حبرشني يا حبرشني ... قاللي مبارك اكرشني نعملك ايه تاني يا حسني، مظاهرات وعملنا، إعتصامات وعملنا، حتى الزار عملناه عاوز ايه تانى؟



زار في ميدان التحرير لرحيل مبارك www.youtube.com February 8 at 3:05pm

### Ahmed Sultan

مطلوب للسعودية: ديكتاتور خبرة - يفضل أصحاب الاعمال الاحرامية - المرض النفسي ميزة اضافية - يجيد لغة القمع - الأولوية للحكام العرب

February 8 at 5:03am

## Ahmed Sultan

فيه تغيير يعني اطلع برا ... انجز ... بيرغي ف ايه دا ؟ February 8 at 9:50am

## Tarek El Arabi

فى ناس بتقول راضيين وناس فاهمين.. والنظام بيقول ..

مش سامعين

February 8 at 10:21pm

## Gamal Khoziem

ودن من طين والتانية من عجين

February 8 at 11:55pm

## Maii Abd-Ellatif Khater

إرحل سيدى الرئيس. إرحل ولا تستحلفنا بنصر اكتوبر.. فالارض التي استردت فيها قد بعت ف السلام اضعافها..

إرحل. فقط إرحل

February 8 at 6:43pm

Hala Mostafa Elzaghandy

ياريتك ضربتنا احنا الضربة الجوية..و رحت حكمت اسرائيل تلاتين سنة

February 8 at 6:00pm

## Mohamed Rafie

أيام الجامعة كان رئيس الجامعة يترل للمظاهرة ويقولنا: مش هعرف اتكلم مع ٢٠٠٠ واحد .. شوفوا عشرة منكم يحصلوني على مكتبى.. طبعا بيقبض على العشرة وتنفض المظاهرة.. عدم وجود قيادات ميزة February 8 at 12:49am

#### Ahmed Sultan

قلبك دايما بيكون شايف الحقيقة انما عقلك ممكن ساعات يتحير.. طز في كل ايدولوجيات الدنيا لحد ما يبقى المصير في اليد

February 8 at 6:55am

Mohamed Rafie

الثورة التي لا تكتمل تحفر قبور من قاموا بها.. جابريل ماركيز

February 8 at 4:21am

Ahmed Yehia

بينا يا جدع نترل الميدان

February 8 at 12:34pm

Ahmed Fouad Eldin

محدش يترل التحرير عشان كل وجبات كنتاكي سبايسي النهارده

February 8 at 5:29pm

Ophilya Atef Beshay فین مؤیدی مبارك !!!!! حد شافهم؟؟ February 8 at 1:14pm

Wessam Elshafey

في إطار محاكمه أحمد عز سألوه :من أين لك هذا قال هذا من فضل ربي.رد عليه الشيطان وقاله آه يا واطي يا ناكر الجميل February 8 at 4:19pm

> Ahmed Faheem لنا المحد ولهم العار February 8 at 2:46pm

Hala Mostafa ELzaghandi

رسالة موبايل من وزارة الداخلية: شعار الداخلية حاليا الصدق و الاخلاص ف العمل والالتزام بسيادة القانون ... اللهم صلى اللهم صلى..الداخلية بتتمحّك يا جدعان. February 8 at 11:33pm

## Gamal Khoziem

دول اللي قالوا مش هنضرب تاني!!! الشرطة بتضرب اهالي الوادى الجديد بالرشاش الالي من امبارح..قتلي وجرحي.. انشرووووو

#### Hani Mostafa

مازال إعلام النظام يتبول دون أن يتطهّر.. حاجة تقرف February 8 at 9:27pm

Shereen Talaat

معتصمون امام مجلس الشعب والشورى February 8 at 4:05pm

# Ahmed Faheem

التمرد المؤسسي اهم ما يميز الثورة المصرية في يومها الــ٥١ February 8 at 1:07pm

Amr Gohar

يا مصر قومي وشدي الحيل February 8 at 4:30pm

Mohammad Mohsen

مصر في التحرير

February 8 at 1:08am

Yasmine Okasha

راجعة من الميدان بعد تقاسم وجبة كنتاكي مع الاخوان والافغان والأمريكان والاسرائيليين والنينجا تيرتلز وقلة مندسة من المصريين

February 8 at 5:44am

# Hala Mostafa ELzaghandi مع تحيات كعب الغزال أبو عجوة ... الراعى الرسمى للثورة February 8 at 10:12pm

امتحان شهادة اتمام المرحلة الثانوية لعام likes مصـــــر ٢٠٤٩



امتحان شهادة اتمام المرحلة الثانوية لعام 24. 59

by Engy Mohy Eldin on Wednesday, February 9, 2011 at 1:3.am

> جمهورية مصر العربية وزارة التربية والتعليم الزمن: ٣ ساعات

أجب عن الأسئلة التالية:

السؤال الأول:

 ا- اختر الإجابة الصحيحة مما بين القوسين: 1- الراجل بتاع كنتاكي (إخوان- حماسي-إيراني-إسرائيلي)

۲- أعلن مبارك عن عدم ترشحه يوم (۲۵يناير – ۲۸يناير – ۱ فبراير)
 ۳- تنحى مبارك يوم (جمعة الرحيل – أحد الشهداء – يوم القيامة)

ب- قارن بين:

1- تعامل الإعلام المصرى مع نكسة ١٩٦٧ وثورة ٢٥ يناير

٢- الموقف الأمريكي يوم ٢٥ يناير - ويوم ٢٨ يناير

ج- أذكر ما تعرفه عن:

١- صفحة كلنا خالد سعيد

٢- الأجندات والعناصر المندسة

٣- موقعة الجمل

السؤال الثاني:

ا- بم تفسر:

1- اختفاء الشرطة من الشوارع

٢- التضحية بأحمد عز ككبش فداء

٣- توقيف رشيد محمد رشيد رغم عرض الوزارة عليه في بداية الأزمة

ب- أذكر النتائج المترتبة على:

1- قطع خدمة النت والتليفون المحمول

٢- فتح السحون وتمريب السجناء

٣- حديث عمر سليمان عن الأجندات

ج- أيد بالأدلة التاريخية:

١- توزيع وجبات كنتاكي في ميدان التحرير

٢- إنتماء جميع من في الميدان إلى الإخوان بما فيهم من
 حضروا قداس الأحد يوم ٦ فبراير

السؤال الثالث:

"و سيظل التاريخ يذكر أن حكومة نظيف سقطت في ٤ ساعات من مظاهرات تم الإعلان عنها قبلها بعشرة أيام، وتم الإتفاق على مكانها وموعدها وكأنها رانديفو بين حبيبين" في ضوء هذه العبارة أجب عن التالى:

1 - هل كان نتيجة هذا الرانديفو، عقد القران الذى تم يوم
 ٢ فبراير في الميدان؟

٢- كيف اختلفت حكومة شفيق عن حكومة نظيف ؟
وكيف بقي كل من سامح فهمى وعائشة عبد الهادى
فى الوزارة؟

٣- هل كان يكفى عزل حبيب العادلى؟ أم كان لابد من تعليقه على باب زويلة أو تركه للمحتجين في الميدان؟

امتحان الثانوية العامة لأحفادنا (منقول)

Like	comment	share





\_ \_\_\_\_

بداية النهاية

## Status Photo Link Video Question

## Engy Mohy Eldin

الثورة على التلفزيون المصرى بعد ١٦ يوم \_ مع مراعاة فروق التوقيت February 9 at 6:18am

#### Hani Mostafa

راجل بسيط ف التليفزيون بيقول المشكلة في مصر ان المالك أصبح ملك ... وعى رائع من شعب جميل February 9 at 12:52am

#### Mohammed Abdel-mordi

اليوم ذهب احدهم لمرور طنطا لتجديد رخصته فأعطى للموظف عشر جنيهات . الموظف قاله ده كان قبل ٢٥ يناير. احنا قررنا ننضف البلد

February 9 at 2:57pm

### Yasmine Okasha

یااااااه ..حد کان یصدق یا جدعان !!!! هاعیش عمري کله باحب تونس ! February 9 at 12:00am

## Lamiaa Sabry Eltawel

ساعد المنشآت الصغيرة لتحاوز الأزمة، اشترى من الفكهاني مش من الهايبر ماركت، اشترى الحاجات الصغيرة من الاكشاك ,حفر تداول الأموال في ايدي اللي بيكسبوا رزقهم يوم بيوم

....انشرووووو

February 9 at 9:55am

# Mohammad Mohsen

فخور بشعي

February 9 at 12:35am

#### Mai Abo Nawaia

لو نزلت ميدان التحرير.. هتلقى دوله صغيره جُوّه الدوله دولة لو حَدّ فيها خبط فيك.. هايقولك آسف ولو حد عايز يعدّي. هايقولك بعد إذنك ولو حد عايز يشوف بطاقتك.. هايقولك معلش مُضطريين تسمع فيها كتير.. حاسب عشان البنات تعدّي مافيش فيها معاكسه أو تحرّش لل المسيحي بيصلّي.. المسلم بيحمي ضهره ولما المسلم بيصلّي المسيحي بيحمي ضهره ولما المسلم بيصلّي المسيحي بيحمي ضهره هيّ دي "مصر" اللي احنا عايزينها (أحمد مكي) February 10 at 12:47am

Doaa Yousry

نفسي أوي أروح التحرير.. نفسي أشوف اللي بيحصل هناك بنفسي عن قرب

February 9 at 4:47pm

Maii Abd-Ellatif Khater أحندة كتبت ف كل صفحاتما.. بحبك يا بلددى February 9 at 5:11am

Tarek El Arabi

يا جماعة ماحدش يعرف هي الاجندات الخارجية دي بتاعت سنة كام؟

February 9 at 8:36am

#### Muhammad Barakat

البيه سليمان فاكرنا مابنعرفش انحليزي..

يقولنا من حقكوا الديمقراطيه ..

ويقول للشعب الأمريكي أصل المصريين مش جاهزين

للديمقر اطيه؟؟؟

February 9 at 12:03am

#### Hani Mostafa

فرعون وهامان =مبارك وسليمان ( منقول) February 9 at 9:30pm

#### Hani Mostafa

نداء استغاثة: المواطنين العزل في مدينة الخارجة بالوادى الجديد الآن تحت التهديد المسلح من رجال الأمن... انشرررر February 9 at 7:56pm

#### Mai Abo Nawaia

سيد عمر سليمان ايه رايك ان فيه دلوقتي ناس بتموت في الوادي الجديد على ايد الشرطه ممكن تكلمني عنهم شويه؟؟
February 9 at 2:07pm

## Hala Mostafa ELzaghandi

سليمان عن فض الميدان: "لا نريد مزيداً من الضحايا وليس لدينا سوى الاقناع" ... يا جدعااااااااااان خلينا النظام ينهار ويعترف (١٠))

February 9 at 12:15pm

#### Ahmed Faheem

عمر سليمان بدأ يتوتر ويتكلم بعصبية، وهذا يعنى انه اقترب من اتخاذ قرار فاصل إما وإما وفي كلا الحالتين هذا في مصلحة الثورة February 9 at 12:22pm

#### Shereen Talaat

أنباء عن مؤامرة يتم تدبيرها الآن :اجتماعات لنواب الوطني في عدة محافظات.. الها خطة سليمان لإجهاض الثورة.. علينا الاحتياط..انشر

February 9 at 11:27pm

Mohamed Rafie اشعر ان النظام سيرتكب حماقة حديدة February 9 at 11:43pm

## Ahmed Faheem

فلنستعد للجولة الاخيرة والفاصلة من العنف النظامي، غالبا الجمعة

February 9 at 1:24pm

Wessam Elshafey يوم الجمعة العصر، ، هنجيبك من القصر February 9 at 10:17pm

Hala Mostafa ELzaghandi حرصا على سلامة اطفالكم ... الرجاء عدم اصطحابهم الى الميدان February 9 at 6:57pm



خميس الإحباط

## Status Photo Link Video Question

Abdelrhman Moktar

التحرير الهاردة .. غير

February 10 at 5:51pm

Mai Abo Nawaia

يو تو بياااااااا في ميدان التحرير

February 10 at 1:16pm

Doaa Yousry

كل واحد فينا فقد حاجة ف التحرير.. شغله..عينه..صاحبه..

واحد من اهله ،او حياته...لكن كلنا فقدنا خوفنا .. وكسبنا كرامتنا وحبنا لبلدنا February 10 at 3:00pm

### Mohamed Rafie

عشرة آلاف متظاهر يعتصمون أمام مجلس الشعب ومثلهم أمام منزل رئيس الوزراء المصري February 10 at 2:15am

#### Amir Zakaria

مش مصدق ان ممكن اشوف رئيس تانى ف بلدنا:d:d:d أنا كنت ابتديت اشعر ان (الرئيس مبارك) اسم مركّب February 10 at 7:22pm

## Aly Mourad

واضح ان محدش فهم حاجه من البيان الاول للحيش المصري. لو حد فهم ياريت يقول ؟ February 10 at 4:32pm

#### Shereen Rizk

يا جماعة السلطة اتسلمت للحيش على بى بى سى ارابيك و انباء عن تنحى مبارك النهارة February 10 at 4:18pm

> Hala Mostafa ELzaghandi الجيش والشعب ..ايد واحدة:)) February 10 at 8:58pm

Mohammed Abdel-mordi هل تصدقون أن ( الجيش والشعب ايد واحدة ) ؟ February 10 at 1:53pm

#### Basma Elmor

الجيش لحماية الوطن لا لحكمه .. خرجنا لنطالب باسقاط الطوارىء وتعديل الدستور ولإنشاء دولة مدنية ..

لا حكم عسكرى... مرحبا بالجيش-فقط- لو كان سيحمى هذه المطالب مؤقتا February 10 at 6:58pm

Asmaa Fahmy Mounir مدنية مدنية لا نريدها عسكرية February 10 at 7:23pm

Yasmine Okasha

لو الريس تنحى الليلة.. هاطلع أزغرد في البلكونة لحد ما نفسي يتقطع ... وأمي أكيد هاتحدفني من نفس البلكونة ... كله فدا الحرية

February 10 at 5:19pm

Wessam Elshafey

مبارك سيوجه كلمة للأمة، ،، يارب يارب يارب تكون ساعة سهلة

February 10 at 5:33pm

## Yasmine Okasha

كله بيؤكد خبر التنحى ..المهم بس حد يكون بلغ مبارك... لحسن ما يكونش عارف ويدخل ينام بدري الليلة دي ... D ·D ·D

40 . ( 20.....

February 10 at 6:30pm

Aly Mourad

الكام ساعة الجية.... مش هتقدر تغمض عينيك February 10 at 4:08pm

## Mohammed Abdel-mordi

التليفزيون المصري يذيع ويؤكد :أن السيد الرئيس يجتمع الآن مع السيد عمر سليمان في قصر الرئاسة.. مش مطمن February 10 at 6:14pm

Yasmine Okasha

مبارك بيقول لعمر سليمان : ايه الأخبار؟؟؟..

قال له: خلاص ياريس.. بعنا الشركات.. وهربنا الآثار.. وحولنا الفلوس .. فرد عليه: طيب ابعت المسلمين السعوديه.. والمسيحين امريكا .. وأقفل وتعالى.. !
February 10 at 7:45pm

Amr Gohar نرفض عمر سليمان .... هو اسوأ واعنف من مبارك بمراحل February 10 at 6:14pm

Ahmed Fouad Eldin أنا حاسس إن مصر بتلعب ضربات جزاء في نمائي كأس العالم February 10 at 6:44pm

> Wessam Elshafey انحز بقى يخرب بيتك February 10 at 7:12pm

Yasmine Okasha هيموتني البارد February 10 at 8:25pm

Hala Mostafa ELzaghandi المفروض ابى بعشق الساسبينس...بس خلاص بجد مش قادرة

February 10 at 9:30pm

#### Yasmine Okasha

مبارك قال لهم في مصر : محدش يذيع حواب التنحي بتاعي الا لما اوصل قصري في الامارات عشان اشوفني لايف

(((((((((((:

February 10 at 9:27pm

## Wessam Elshafey

عاجل: عن التليفزيون المصرى وزير الإعلام ينفى خبر التنحي February 10 at 7:03pm Aly Mourad لا بقا. ارحمنا يا اخي February 10 at 9:47pm

### Yasmine Okasha

مصيبة سودة يا جدعان لايكونوا لقوا الشعب اتبسط وشم نفسه ....فقرروا يغيروا البيان وينكدوا علينا !!! February 10 at 9:37pm

Mohammed Abdel-mordi نحن الآن في منطقة عنق الزجاجة ... أدعو الله ان ننحو منها February 10 at 1:42pm

## Wessam Elshafey

الرجاء نشر اللجان الشعبية بكثرة وذلك بعد خطاب الرئيس المرتقب تنحيته الليلة، ونهيب بكل المصريين حماية وتامين مبنى التلفزيون المصرى والكنائس وجميع المبانى العامة..انشر (منقول)

February 10 at 6:27pm

## Hala Mostafa ELzaghandi



خطاب رئيس الجمهورية ليلة الجمعة العاشر من فبراير www.youtube.com

خطاب السيد رئيس الجمهورية ليلة الجمعة الموافق العاشر من فبراير لعام ٢٠١١

February 10 at 10:50pm

Noha Atef Soudy قاعد یاجماعة...۳۰ سنة کمان ، یا لهوووووووی February10 at 10:52pm Abdelrhman Moktar

يسلم امانتها لعمر سليمان... "A \_ A" انت لسة هتسلم؟ February 10 at 10:02pm

Engy Mohy Eldin

يعنى إيه شهدائكم ؟!.. هو بيكلم أهل غزة ! ولن نوقف قانون الطوارىء لحين إنهاء محمود المليحى نائبى من اكمال فيلم الشعب والشرير.. حسبنا الله February 11 at 3:21am

Eman Fahmy

بعد خطاب الريس احب اقول جمله واحده لشباب الفيس بوك---اللي عنده دم احسن م اللي عنده قصر رياسه---February 11 at 11:47pm

> Wessam Elshafey حد يجيبلى كرسى بعجل لانه شلّن February 10 at 10:03pm

#### Asmaa Falah

الشعب نصه هيتشل ونصه هيولع في نفسه ... ويبقى مبارك February 10 at 12:08pm

## Yasmine Okasha

مش قلت لكم مش هايسيبنا نتبسط.. في ثانية حرق دم ٨٠ مليون... ده راجل لقطة مفيش منه اتنين February 10 at 10:12pm

# Sarah Ahmed Elshayat

محبططططط ..... یاحی

غووووووووووووووووووووووووو بقى بحكومتك ببرلمانك بسلطاتك ببابا غنوجك

February 10 at 10:32pm

## Shereen Rizk

انا مش عارفة طب كلفت نفسك واتكلمت ليه ؟ February 10 at 10:03pm

#### Yasmine Okasha

المرة اللي فاتت بعد الخطاب.. بعتولنا جمال وخيول ... يا ترى المرة دي عاملين لنا المفأحة إيه ؟؟؟ فيلة وأسود.. !؟؟ February 10 at 10:27pm

> Wessam Elshafey مش عایزینك یعنی امشی یلی مابتفهمشی February 10 at 5:25pm

> > Eman Fahmy يا حيش انقذنا وعالقصر يا رب February10 at 10:09pm

MahmOud Elsaeed الجحلس الأعلى للقوات المسلحة مجتمع حاليا وسيعلن بيانا هاما February 10 at 11:34pm

# MahmOud Elsaeed دلوقتی : الجیش هیحدد اختیاره ...... February 10 at 12:11pm

#### Yasmine Okasha

ياريت بسرعة يحدوفونا بقى بالبيان العسكري بقى.. علشان هي ماعادتش فارقة كتير.. مبارك قال أنه هايعمل على الاصلاحات مش هايتنحى وده أخره ... وسليمان قال ارجعوا بيوتكم بقى... البيان العسكري بقى هايقول إيه ؟؟؟؟ February 10 at 10:44pm

Hesham El-husseiny مفهمتش حاجة م البيان February 10 at 11:35pm

#### Ahmed Sultan

من ميدان التحرير: حالات اغماء وبكاء حاد.. رجال ونساء.. أحب اقولهم مبارك عمره ما هيدينا حاجة واللي احنا عايزينه هناخده بادينا

February 11 at 11:56am

Maii Abd-Ellatif Khater انا هبات ف التحرير February 10 at 10:25am

Wessam Elshafey لا تراجع ولا استسلام February 10 at 5:21pm

Mai Abo Nawaia ثوار التحرير يتوجّهون غاضبين إلى مبنى الإذاعة والتلفزيون February 11 at 11:57am Hani Mostafa اعتقد أن الدعوة إلى إضراب عام قد حان وقته February 10 at 11:57pm

> Yasmine Okasha بكرة العصر نروح القصر February 11 at 12:07am

> Abdelrhman Moktar بلاش قصر الرئاسة قوتنا في التحرير February 11 at 11:44am

Aly Mourad سلمية وهتفضل سلمية February 10 at 11:39pm

## Hala Mostafa ELzaghandi

الجيش بييدينا الضوء الاحضر م الصبح. عايزنا نعمل حاجة عشان يعمل انقلاب..

خلاص خلصت وبكرة انا جوة التليفزيون..إن شاءالله February 10 at 11:25pm

#### Abdelrhman Moktar

يعنى نثق فى الجيش ونهدى شوية مع مواصلة الاحتجاج .. ولا نصعد ونخلى الجيش يحسم امره ؟؟؟ February 11 at 12:00pm

#### Hani Mostafa

هدوء ونركز شوية ... احنا بنتقدم على طول الخط... في الأول ماكانش شايف المشكلة أصلا وأقال الحكومة ... وبعدين حس فعلا انما ثورة وحب يسكتها بشوية حرق للعصابة المعروفة...وثالثا بدأ يخاف وفوض سلطاته لنائبه وأقر على تعديلات دستورية ...المعادلة بتقول حاجة واحدة..

## مزيد من الضغط.. مزيد من التنازلات.. الصبر February 11 at 2:32pm

#### Abdelrhman Moktar

توجيه أخير: لا لدواعي الفتنة والإنقسام، شبابنا الوطني الذي إرتضى بيان الرئيس ونائبه والجيش، شكراً لكم.. لكننا نختلف معكم، فلا أمل في نظام متآكل والآن يعلنها ممثل البريل على قناة الجزيرة أن جمعة التحدي مستمرة بزحف حاشد في كل محافظات الجمهورية.. نثق في جيش مصر العظيم، لكن مصيرنا يصنعه الله على ايدينا.. والله لن يضيّعنا February 11 at 12:21pm

#### MahmOud Elsaeed

احنا الآن امام القصر الرئاسي في مصر الجديدة.. حانبات. لا تمديد امني من اي نوع . الجيش متعاون حدا (منقول) February 11 at 1:15am

# مقتطفات ... من ناس مفقوعة likes مصــــر



مقتطفات ...

من ناس مفقوعة

By Hala Mostafa ELzaghandi on Thursday, February10, 2011 at 11:55pm

والله الريس معذور يا اخونا..والله الريس معذور ده لا عمره ركب أتوبيس ولا شافه..ولا عمره وقف في طابور

إزاي بقى نطلب منه يحس. ويخفف عنا الحمل والله الريس معذور يا اخونا. وعلى شعبه الـــــــــــــــــــــــــــــــ صبور ده بيمشي ف شارع فاضي لوحده... هيشوف طب فين الزحمه؟

ده لا يعرف طعم الفول ولا داقه...ماهو أصله بياكل لحمه راكب مرسيدس هايله..متحاطه بكام دبابه سبعين مليار في البنك...آيا عيني علينا غلابه ده ف حكمه إتمتك العرض...وف عهده (حبيبه) إتغابا أصل إحنا كلاب الأرض...والريس ملك الغابة

قولنا الريس معذور يا جماعة

وعايزله فــ ××××× خابور

(نادر أسامة)

أنا مندس.. أنا مندس، هاتلي أجندة ووجبة وبس من هارديز أو من كنتاكي، هاتلي وجبة دينر بوكس أو سوبر زنجر من غير خس هاتلي أجندة من الفحالة أعمل بيها ثورة في مصر أنا مندس.. أنا مندس، وكل الشعب كمان مندس كل الناس هنا مش عايزينك، وانت يا حسيي مش بتحس كل فضايحك، كل جرايمك، كلو موجود على ويكيليكس أنا مندس.. أنا مندس، عندي أجندة مستر إكس

(منقول)

حسي مبارك "آسف على الازعاج" انت عملت اكبر "مطب صناعي" ف التاريخ والله انت وش اجرام" وعندك "زهايمر" باختصار انت " محترم إلا ربع" ..

كل الشعب بقى ينادى "جعلتني مجرماً" وعملت الحلو "عسل اسود" ومن السجون "العيال هربت" سرقت من عيونا "الفرح"..

انت فاكر مصر "كباريه"وعامل فيها "الزعيم" وكنا بنقول يا عم عديها "حين ميســـره "ليه.. يا دنيا" "هي فوضى؟" .. من الآآآخر.. حسني مبارك! "طير انت"

(أسماء فلاح)

شباب التحرير شباب حدع وصح..

بس كفاية كده بقي..

وارحل يا مبارك بقى ..

احنا اللي هنذاكر كل ده ..

بعد كده في اااااااااااالاكتـــب

(منقول من طفل)

facebook *******		Search		Q	Home Profile	Account •
ike	comme	nt	share			



جمعة الزحف والانتصار Is Attending مصــر

11-فبراير - ۲۰۱۱ - Time:

كل شوارع مصر :Location

Created by: الشعب

More info:

بعد حالة الإحباط التي عانى منها الثوار إثر خطاب الخميس .. وجد البعض أرجلهم تجرّهم دون خطة مسبقة فى تجاه القصر الجمهورى.. ترى ماذا ينتظر الثوار خلف بوابات القصر؟ .. رصاص وموت أم حرية ونصر ؟؟

## Status Photo Link Video Question

## Eng Mohy Eldin

رسالة للنظام: كل ساعة تمر الشعب في الشارع يرفع سقف طلباته. المطلب الحالي المطلوب تحقيقه بأسرع وقت هو تنحي الرئيس ورحيله عن مصر \_ كلنا خالد سعيد February 11 at 3:03pm

## Neveen Shalaby

رسالة من قلب ميدان التحرير لكل مخبرين الفيس بووك: احنا في ميدان التحرير إما تحقيق جميع مطالبنا أو الموت ولن نرضي بانصاف حلول ،دماء شهدائنا لن تضيع
February 11 at 11:10am

#### Ahmed Sultan

انا واقف في ميدان التحرير.. وعندي أجندة .... وبلدنا لازم يبقى ليها أجندة.. مش هنرضى نبقى مجرد صفحة في أجندة ناس تانيين.. تلاتين سنة بتحاولوا تخلونا ولا حاجة .. موتوا بغيظكو بقى كلنا معانا اجندات واسمكو مش فى ولا صفحة فيهم.. مفيهاش غير اسم مصر February 11 at 4:34pm

## Hala Mostafa ELzaghandi

احنا ف الميدان وفى ناس عند القصر وناس ادام ماسبيرو والاعداد ف تزايد رهيييب February 11 at 3:05pm

Doaa Yousry

اسأل الله أن لا يُراق دم مصري واحد في هذه الجمعة February 11 at 10:50am

> Mohammad Mohsen لكى يا مصر السلامة وسلاماً يا بلادى February 11 at 12:19am

#### MahmOud Elsaeed

فيه ناس متخلفة بتنشر إشاعات عن حشد إسرائيلي وأمريكي، على حدود مصر, محدش يهتم بالحيوانات اللي باعت ضميرها دى

February 11 at 1:42am

## Ahmad ElTürki

من السذاجة أن تفكر دولة في احتلال دولة في حالة ثورة... ثورة يعني شعب عنده استعداد يمووت عشان بلده.. بلاش الأفلام الأميركاني دي February 11 at 1:59pm

## MahmOud Elsaeed

أنس الفقي.. اللجنة الإلكترونية.. شغالين زي الفل، ولاد الكلب متعلموش من أول مرة.. مفيس فايدة..

الحقيقة مش بتستخبى

February 11 at 12:19am

Mohammed Abdel-mordi
الله وحده يعلم ماذا سيحدث لنا في الدقائق القادمة...
اللهم يا خفي الألطاف ... نجنا مما نخاف
February 11 at 4:23pm

Amr Gohar هانت یا مصر February 11 at 3:45pm

> Hani Mostafa ربنا بيمتحن صبرنا ...واحنا امتياز ان شاء الله February 11 at 3:10pm

Mohammed Abdel-mordi أنباء عن وصول الفريق سامي عنان لمبنى التلفزيون لالقاء بيان للمصريين بعد قليل... استرها يارب February 11 at 4:12pm

Mohammed Abdel-mordi عبارة (بعد قليل) لغويا تعني دقائق ولكن ثبت مؤخرا أنها قد تمتد الى أسبوع كامل February 11 at 3:47pm

## Eng Mohy Eldin

عمر سليمان: أيها المواطنون في هذه الظروف العصيبة التي تمر كما البلاد.. قرر الرئيس محمد حسني مبارك تخليه عن منصب رئيس الجمهورية وكلف المجلس الأعلى للقوات المسلحة لإدارة شئون البلاد.. والله الموفق والمستعان



بيان تنحي مبارك.. بيان انتظرناه طويلا www.youtube.com February 11 at 5:04pm

Mohammed Abdel-mordi انه التنحي يا رجال الأمة February 11 at 5:05pm Mahmoud Barakat Hassan أحسسراً February 11 at 6:03pm

Mai Abo Nawaia لولولولولولولولوليسيسيي مبررررووووووووووك February 11 at 6:15pm

Atef Soudy Loooloolooleeeeeeeeeeee February11 at 6:41pm

Sarah Ahmed Elshayat الشعب خلاص أسقط النظام©))) February 11 at 10:32pm

Engy Mohy Eldin على اسم مصر التاريخ يقدر يقول ماشاء .. ثورة ٢٥ يناير February 11 at 5:12pm Mohammed Abdel-mordi

تحیا مصر ...تحیا مصر ...تحیا مصر ...تحیا مصر ...تحیا مصر ...تحیا مصر

February 11 at 5:06pm

Omar Mohy Shawkat تحيا مصر.. تحيا مصر ، نموت نموت ويحيا الوطن February 11 at 5:28pm

Alaa Ezzat

February 11 at 5:05pm

Ahmad ElTürki الحمد لله، حمداً كثييراً كثيرااااااااا February 11 at 5:29pm

## Doaa Yousry

#### Muhammad Barakat

الله عليكي يامصر..القاهره تحيا من جديد. القاهره في أروع صورها الان

February 11 at 9:27pm

#### Emad Adel

أن الأوان ترحلي يا دولة العواجيز... مبروك يا مصر February 11 at 6:43pm

## Eman Fahmy

سلام من الهاردة مفيش حكومة انا الحكومة ومش عايزة اسمع الكلام ده تاني (كوسة - انت مش عارف انا ابن مين - انا ليا قرايي ف امن الدولة - ختم النسر مش واضح - الحزب الوطني - فتحي سرور -موافقة - و هو كده - )

February 11 at 11:41pm

Ahmad ElTürki مش عاوز أشوف (لوجو) الحزب الوطني تاني February 12 at 1:46pm

Aly Mourad

بای بای مبارك..بای بای سوزی..بای بای علاء..بای بای محلاء..بای بای محلاء بای محلا

Ahmed Abdel Moneam Masoud ۲۰۱۱-۲-۱۱ تاریخ لین تنسیاه مصیر February 11 at 6:16pm

#### Ahmed Sultan

لقد هرمنا..لقد هرمنا..من اجل هذا اليوم February 11 at 6:16pm

## Eng Mohy Eldin

انتصرت دماء الشهداء .. ويحتفل المصريين الأن في ميدان الشهداء .. ميدان التحرير سابقا .. وكل ميادين مصر.. مصر حرة - كلنا خالد سعيد February 11 at 11:00pm

MahmOud Elsaeed (: (: D: الحرية حلوة يا ولاد February 11 at 9:58pm

## Lamiaa Sabry Eltawel

اللهم لك الحمد كما ينبغي لجلال وجهك وعظيم سلطانك. اللهم احفظ بلادنا من كل شر وولي علينا خيارنا ومن يتقي الله فينا.

February 11 at 5:38pm

Hesham El-husseiny مش عارف اقول غير الحمد لله كثيرا وسبحان الله بكرة وأصيلا February 11 at 11:49pm

> Basma Elmor الشعب..أراد..فأسقط النظام! February 12 at 11:58 pm

Gina Mokbel قوة الشعب February 11 at 6:34pm

Yasmine Okasha أظن كده بقى...محدش يقول لي دي مظاهرات مش ثورة !!! February 11 at 6:12pm Mohammed Abdel-mordi انحا ثورة الأبطال February 11 at 5:04pm

> Mohammad Mohsen أشيك ثورة في تاريخ الشعوب February 11 at 10:06pm

## Aly Mourad

اول ثورة الكترونية في العالم - اول ثورة تحدد بميعاد مسبق والاغبيا يسبونا وننجح - اول ثورة برعاية الفيس بوك وتيوتر وكنتاكي - اول ثورة تهزم الشرطة في ٦ ساعات ... رسالة للريس المخلوع: امسك كوباية العرقسوس واخبطها في كوباية بن علي وعيطوا سوا February 12 at 1:08am

#### MahmOud Elsaeed

رساله من زين العابدين إلى حسني مبارك : هات معاك دراع بلاي ستاشن :D

February 11 at 11:01pm

Ahmed Abdel Moneam Masoud يا شهيد نام واقمنا ...حسني في نار وانت في جنه February 11 at 11:20pm

#### Maii Abd-Ellatif Khater

حضرت میلاد الحریه فی میدان التحریر..بین اللی صنعوها بادیهم فعلا..کنت زمان بقول اه ی بلد عایزه ولد..

و عرفت الايام اللي فاتت ان البلد دى ولادها كتيييير... February 12 at 9:26am

Doaa Yousry

ماعرفتش اوصل التحرير بس لحقت احتفال الكربة والميرغني..

دلوقتی عرفت معنی انی اکون مصریة وفخورة:) February 11 at 10:54pm

## Hala Mostafa ELzaghandi

راجعة م الميدان مهدودة بس لسة عايزة اهتف

احنا شباب الانترنت..احنا بتوع الواد والبت...احنا الفيسبوك والتويتر...احنا شباب كنتاكى.. والتويتر...قالوا علينا شباب كنتاكى.. واحنا نزلنا يا مصر

#### Yasmine Okasha

وكنا دايما بنقول مفيش فرحة بتلمنا غير فرحة الكورة.. )))!!!
February 11 at 5:55pm

Amir Zakaria

انما هم هيسموا محطة حسني مبارك ايه دلوقتي؟؟: D: ؟? February 11 at 6:43pm

Tarek El Arabi

الإجابة: مصــر

February 11 at 5:57pm

Shereen Talaat

حرية :)

February 11 at 2:46am

Tarek El Arabi

فيه ناس عايشة بتحلم بيها...و ناس عايشة عشان تبنيها... وناس ضحيت بعمرها وناس مهمهاش جرحها وكل ده عشان ترضيها...و الحكاية اصلها وفصلها..بلدي مصر February 11 at 10:54pm

Hani Mostafa

مصر دولة عظمي

February 11 at 10:46pm

#### Alaa Ezzat

واحد بيقول للتاني في ميدان التحرير هوا مشي بجد !!! داحنا كنا بنهزر معاه هوا قفش ليه كدة ؟؟؟ February 11 at 8:44pm

## Eman Fahmy

قالوا مجنون اللي يفكر بلدنا دي تتحرر - طب فين وازاي و بمين ؟ قالوا مجنون اللي يمشي واحد كابس تملي من عام ٨١.. قالوا ع اللي هيجلنا وقال اكيد هيكون جمال - ما هو قالك يس - خليكم ساكتين ..

قالوا مجنون اللي يرجع للمصري تاني قيمته--و كل الناس فاسدين ..

قالوا مجنون اللي يفضل بايت في خيمة وسط ناس متظاهرين February11 at 10:56pm

## Aly Mourad

الا هي اخبار الاجندات والعناصر المدسوسه ايه؟ February 12 at 2:00am Hala Mostafa ELzaghandi بكرة مسافرة الدوحة وهرفع راسى لفووووق واقول انا مصرية:) February 11 at 11:47pm

## Ahmed Sultan

اول مرة اعمل حاجة واكملها للاخر كنت ف ميدان التحرير من يوم ٢٥ يناير لحد النهاردة الانجاز والنجاح طعمه حلو اوي February 11 at 11:30pm

MahmOud Elsaeed شكراً تونس :) February 11 at 10:34pm

Ahmed Abdel Moneam Masoud مصر وتونس ايد واحده February 12 at 12:58am

#### Hisham Mostafa

تونس البداية ....و مصر مش النهاية February 11 at 11:29pm

#### Amr Gohar

مبروك مصر..مبروك تونس.. مبروك كل الاحرار.. مبروك الوطن العربي.. الفرحه الكبرى بتحرر الوطن العربي February 11 at 6:29pm

## Hisham Mostafa

انا رأيي ان الدول العربية تدخل مسابقة.. اللي هيسقط نظامه في اقل وقت يبقى هو الكسبان ..مونديال الحرية February 11 at 11:40pm

Mai Abo Nawaia

الله حيِّ الثالث جاي..... الله حيِّ الثالث جاي February 12 at 12:36am MahmOud Elsaeed مين اللي عليه الدور يا ترى ؟ أنا برشح الجزائر February 11 at 10:52pm

> Hisham Mostafa يلا يا حزائر February 11 at 6:32pm

> > Hani Mostafa

تزاحمت أحلامُنا فوق حسر الصمود.. قررنا ألّا نعود ..تبسّم النهر من تحت أقدامنا .... يضرب كفا بكف ... للمنا أشلاءنا وشهداءنا وأملاً تحسّد في الحشود ..تجاوزنا موتا وشيكا.. وعبرنا ..رفعنا رؤوسنا ومن خلفنا مغيبٌ مهيب ... واتسع الميدان للتاريخ ..... افترشنا الساحة.. توسّدنا الأسفلت كي نستجمع بقايا الحلم.. همس التراب في أذني ....

February 11 at 10:20pm

#### MahmOud Elsaeed

أفضل سيناريو: الجيش يتدخل, برعاية أمريكية,من أجل المصالح, لتوفير ديمقراطية, مع حماية البلد من خوازيق الإسلاميين February 11 at 5:53am

Mahmoud Barakat Hassan الآن حانت اللحظة الأهم والأصعب February 11 at 10:57pm



# أسبوع الصمود

" ارحل يعنى امشى ولا مبتسمعشى؟!!".. محمود اكتشف أن الجزاير سمعتنا لكن النظام سمعه تقيل..مسك الشباب ميكروفون ...صامدون صامدون...وأعلنوا أسبوع الصمود فى الميدان..

وقداس الأحد في الميدان!! صلاة الغائب في الميدان!! الفرحة بالشهيد في الميدان!!الكل بيصلى بطريقته والدعاء لواحد بس. للشهيد . اللي حنا بدمه تراب مصر.

أمير فرحان..بيغنى..دقوا أجراس الكنايس....و ارفعوا صوت الآدان.. ومحمد بيشاركه الغنا..بيشاركه الفرحة بمصر اللي بجد ..مصر اللي مافيهاش فتنة طائفية..و صدق محمد رفيع لما قال .....عايز تشوف مصر بجد..انزل ميدان التحرير.

مليونية الصمود قرّبت..أحمد فؤاد الدين كان بيتمنى حاجة تولّعها...حاجة تخلى الكل يتزل.

واتحققت أمنيته لما ظهر وائل غنيم.. صاحب أول دعوة ليوم ٢٥ ..طلع من حبسه.. شاف النور.. فتح عيونه على صور الشهدا ....

اتحركت دموعه وبصدق بكى " مش غلطتنا والله العظبم مش غلطتنا.. دي غلطة كل واحد ماسك في الكرسي" .. وجرى واختفى من أدام الشاشة .. وبصدق بكى أحمد عبد المنعم وبكت معاه ملايين.. اتحركت المشاعر.. اتفتحت البيوت.. زحفت الحشود.. دبت الحياة بالشوارع ... اتملت بالغنا والشعر.. نكت وأناشيد.. حتى الزار عملوه.. الكل فهم .. الكل نزل... الكل قرر يسقط النظام.. انضم للثوار ثوار..

واكتشفت دعاء حاجة جديدة في بتوع التحرير..

بعد ما كانت خايفة من فقدان الناس لأشغالهم ..لرزقهم.. لعيولهم ..لأهاليهم.. لأصحابهم.. لأرواحهم.. اكتشفت دعاء السر.. اكتشفت لما فقدت حاجة كبيرة ... دعاء فقدت خوفها.. فتحت عنيها وشافت الميدان لأول مرة على حقيقته.. في شيء بيتغير ..

محمد عبد المرضى بيحاول يمشى مصلحة بعشرة جنيه للموظف.. الموظف يرفض ويقوله ده كان قبل ٢٥ يناير.. فى شيء بيتغير.. وأحمد فهيم بيستنتج أن الجولة الاخيرة يوم الجمعة.. الناس بقى عندها اصرار وبايته على الاسفلت..

فى شىء بيتغير.. بعد ١٥ يوم.. الكل حاسس.. فى شىء بيتغير.. حوانا وحولينا.. فى شىء بجد بيتغير.. هى ديه البداية... الله كريم.. الله حى.. صدقت تنبواءت الشعب..

وفى يوم الخميس. شيرين بتقرا شريط أخبار اليى بى سى.. هاااااااااااا.. "مبارك يتنحى ويسلم السلطة للجيش". الناس فى البيوت فى الشوارع فى الميدان.. الكل فى انتظار على نار ..السما بتمطر.. خير خير..النصر قريب.. التلفزيون يعلن خطاب للريس بعد قليل.. الناس تتشوق اكتر للنصر.. ياسمين فى وضع استعداد للزغرودة.. يبتدى الخطاب.. إيه.. إيه.. إيه.. إيه؟؟؟؟؟

يا عمررررررررررررر... عمر مين اللي تعلنه نائب بدل ما تتنحى .... آاااه قلبي !!.. وتتحول الفرحة والآمال والزغاريد لاهيارات.. اغماءات.. عياط هيسترى وإحباط في كل شوارع وبيوت مصر.. لكن بعد لحظات يتحول الإحباط لقوة.. لعزيمة ..لشجاعة وإصرار.. لثبات و إرادة حبارة.. الناس محستش بنفسها الا وهي أدام القصر..

١١ فبراير . . الجمعة الصبح . .

أدام القصر " الشعب يريد اسقاط النظام".. في الميدان " الشعب يريد اسقاط النظام".. في البيوت " الشعب يريد اسقاط النظام ".. لحظات الغروب بتزيد إراداة المصريين قوة وإيمان .. ويسقط النظام.. ينتصر الشعب

"إذا الشعب يوماً اراد الحياة فلابد أن يستجيب القدر " .. تنظلق التكبيرات.. الله اكبر الله اكبر.. صلوات شكر.. دعوات للشهدا..زغاريد..أعلام..كلاكسات..غنا..أفراح... أحضان في كل مكان.. نقطة ومن أول السطر.


محمود بركات كان عارف. اللي فات كان محسوم من يوم ما الشعب قام... أما الآن. . فحانت اللحظة الأهم والأصعب ..

لأن ببساطة... الثورة لم تنته بعد...

الثورة مستمرة



ملحقات الأجندة





## هتافــات التحرير

# Status Photo Link Video Question

#### Mai Abo Nawaia

هتافات ۲۰ ینایر

تحيا مصر . . تحيا مصر

عيش.. حرية.. كرامة إنسانية

عيش.. حريه.. عدالة اجتماعية

حرية.. حرية.. حرية

يا حرية فينك فينك . . الطوارئ بيننا وبينك

مش هنخاف مش هنطاطي .. إحنا كرهنا الصوت الطي

شعب تونس يا حبيب.. شمس الثورة مش هتغيب بالروح بالدم.. نفديك يا وطن ارف صوتك قول للناس. احنا كرهنا الظلم خلاص واحد اتنين.. احنا المصريين صحي خاق وهز الكون.. مصر بلدنا مش هتهون لما شعب تونس قام.. هرب اللص والمدام حد أدني للأجور.. قبل الشعب ما كله يثور حتي ألاقي شغل وأعيش.. والملاليم ما بتكفيش يلا يا مصري صحي الروح.. الحرية باب مفتوح يلا يا شعب عدي الخوف.. خلى الدنيا تصحى تشوف

شعب حضارة ومجد سنين.. مش هيطاطي ليوم الدين

راجعين راجعين ... يا بلدنا مش خايفيين جايين جايين

... يا بلدنا نوفي الدين

المحدود الدخل يموت ... ولا ينادى بعلو الصوت يلا يا شعب عدى الخوف ... خلى الدنيا تصحى تشوف

شعب حضارة ومجد سنين ... مش هيطاطي ليوم الدين يا ولاد بلدنا ... مصر غنية وخيرها كتير واللي نهبها ... هوا وغيره ... برضه كتير

تعالوا نختار حاكم ليها.. يحافظ عليها.. يصون خيرها وينميه إيدنا في إيده طول ما صاينها ... ونجيب غيره لو ماوعيش الشعب يريد اسقاط النظام

February 25 at 11:45pm

Engy Mohy Eldin هتافات ۲۸ يناير الشعب يريد اسقاط النظام يا أهالينا يا أهالينا .. يا أهالينا ضموا علينا آه يا حكومة قطع اليد أنت يا مصرى إيه أفكارك؟

ثورة مصر حاية حاية بالعدالة والحرية خالد سعيد مات مقتول ومبارك هو المسئول حكم ٣٠٠ سنة في هذا العصر هو اهانة لشعب مصر واحد اتنين.. الشعب راح فين؟!

لا لقانون الطوارىء وتزوير الانتخابات

لا للفقر والغلاء والبطالة والفساد وهُب المال العام بالروح بالدم نفديكي يا مصر

احنا الشعب

لا ذل ولا اهانة للمصريين

ارفع صوتك زى الناس.. احنا كرهنا الظلم خلاص الدنيا تولع نار

والإصلاح بقى مطلوب قبل ما الشعب يأكل الطوب يا وزراء طفوا التكييف مش لاقين حق الرغيف يسقط يسقط الاستبداد بالطول بالعرض هنجيب النظام الحاكم الارض تحيا مصر والله اكبر

تورة ثورة حتى النصر.. ثورة فى كل شوارع مصر لا للطوراىء

اقالة وزير الدخلبة مطلبنا

يا أبو دبورة ونسر وكاب.. احنا أخواتك مش ارهاب بطل تمشى جنب الحيط.. اصل سكاتك مش هيفيد لو عايز عيش بلاش تنتحر.. وانزل خد حقك

كفاية ارحلوا عنا.. الحزب الوطنى خربها تحيا مصر.. عاوزين كمان حرية حرية حرية أهالينا.. عاوزين نخلص من بلاوينا February 2 at 9:15pm

المتافات ٢٩ يناير - ١١ فبراير المشهمشي.. هو يمشي مش هنمشي.. هو يمشي ارحل يعني امشي.. يمكن مبيفهمشي الجيش والشعب ايد واحدة حسني اتجنن.. حسني اتجنن أول طلعة جوية هتكون على السعودية ادامك حل من الاتنين.. يا السعودية يا البحرين يا سوزان.. خافي عليه واسحبيه الشعب يريد اسقاط الحكومة

أي حكومه من الرئيس قليس يا جمال قول لابوك كل الشعب بيكرهوك عللي وعللي وعللي الصوت واللي هيهتف مش هيموت عللي وعللي وعللي الصوت واللي هيتزل مش هيموت الجدع جدع والجبان جبان بينا يا جدع نترل ع الميدان ولا بنخاف ولا بنطاطي ولا بنحب الصوت الواطي باااااااااااااااطل.. أحمد عز.. بااااااااطل فتحى سرور.. بااإااااااااطل حبيب العادلي ... باااااااااااااطل صفوت الشريف ... باااطل بطرس غالى .... باااطل جمال مبارك .... باطل سوزان مبارك ... بااااطل حسني مبارك ... باطل

miniminio ... illo ... illiminillo

آه يا حكومة هز الوسط .. اكلتونا العيش بالقسط

لا مبارك ولا سليمان.. مش عايزينك أنت كمان

يا مبارك يا طيار جبت منين سبعين مليار يسقط يسقط حسني مبارك.. يسقط يسقط حسني مبارك

> الشعب يريد محاكمة السفاح February 11 at 11:30pm



# لافتـــات التحرير

by Engy Mohy Eldin on Friday, February 11, 2011 at 11:r.pm

ارحل بقي إيدي وجعتني

ارحل علشان اروح استحمي

انجز علشان احلق شعري

امشي بقي عايزه اتفرج على الكرتون

ارحل بقي كتفي وجعني

انجز عندنا ثانوية عامة ارحل عايز اتجوز

ارحل يا بارد مراتي وعيالي وحشوني

ارحل يالا غور ده الحمام بالطابور

أنا زهقت من كنتاكي ارحمني وارحل

ارحل الوليه عايزه تولد والواد مش عايز يشوفك

صحوبي لما مبارك يمشي.

مبارك ... طير أنت

ارحل يا بارد أنا سقعت

ارحل بقي عندي حضانة

ارحل مراتي وحشتني متجوز من ٢٠ يوم

ارحل بقى . . كفاية عليك بابا وجدو

ارجع يا ريس كنا بنهزر معاك...الكاميرا الخفية

نفسي بلدي ترجع تاني أم الدنيا بجد

معلش یا بلدی اتأخرت علیکی

شكرا ... شباب مصر "FACE BOOK"



Like comment share



# لافتات التحوير

by Mai Abo Nawaia on Friday, February 11, 2011 at 11:00 pm

مبارك تاريخ انتهاء الصالحيه ٢٠١١-١-٢٠

game over مبارك

يسقط يسقط حسني مبارك

Leave &let us live

ارحل يا مبارك يا بارد قوي

مبارك يتحدي الملل

لو انت رخم احنا ارخم منك

ارحل بقي انت مازهقتش

طب رحلنا احنا للسعوديه

ارحل يا تنح

يامبارك موبايلات بقي

يامبارك غور غور خلي الشعب يشوف النور

من الحدائق المعلقه الي الاهرامات النصر آت

في البدايه تونس والان مصر

مصر الثوره..تبقي حره..يادكتاتور ببره بره

ارحل بالزوق

انتهي عصر الخوف

فيس بوك على كل ظالم

محلس عز باطل

من حقي الاقي رغيف العيش

لا للتعذيب

اهم انجازات الثوره

- 1. اقاله الحكومه الاردنيه
- ٢. رفع قانون الطوارئ في الجزائر
- ٣. اعلان الرئيس اليمني عدم ترشيحه مره اخري
  - قمع الشعب السوري قبل قيامه بثوره
    - ٥. عقبال البعيد لما يفهم

رابطه نحاري مصريسألون الاسطي مبارك عن نوع الغراء الذي يستخدمه

بقالي ٧ يام هنا وما اخدتش كنتاكي

مش كنا عملنا الكرسي تيفال علشان مايلزقش

الكذب الحصري ع التلفزيون المصري

كلنا ميدان التحرير

لا الظلم هين يا ناس ولا الشباب قاصر...مهما حاصرتوا

الميدان عمرو ما يتحاصر (الابنودي)

هانفضل قاعدين اصل التكرار يعلم الحمار

الشعب يريد مكافحه السفاح

يسقط الطاغيه

العلميون في مصر...يطالبون بتشكيل لجنه لتقصي الحقائق ومحاكمه المجرمين سقوط النظام

مصر اجمل بدون مبارك

يامبارك يا طيار جبت منين سبعين مليار

ارحل يا ظالم

ارحل بقي يا عم خلي عندك دم

ارحل قبل الصعايده ماياجوا

عفوا مبارك خارج الخدمه يرجي معاوده الاتصال بالشعب

احترس مبارك يدمر الدوله ويسبب الوفاه

اخر طالعه جويه الي جده

اخر طلعة جوية هتكون على السعودية

ادامك حل من الاتنين .. يا السعودية يا البحرين

عاجل:التلفزيون المصري ان مبارك شارك في غزوه احد

تحذير ارحل قبل الصعايده ما يجولك

كنتاكي التحرير..(صوره كنتاكي + اجنده + ١٠ دولارات) خلطه وندمان عليها

- 1. حسني مبارك. غيى منه فيه
- ٢. جمال مبارك ... لن اعيش في حلباب ابي
- ٣. انس الفقي ..انا لا اكذب ولكني اتحمل
  - ٤. وزير الداخليه..وش اجرام
  - ٥. التلفزيون المصرى...العاااااار
    - ٦. الداخليه ... الهروب الكبير
  - ٧. عمرسليمان . . . ٤ ساعه في اسرائيل
    - ٨. لصوص ولكن وزراء

الشعب بيكرهك اخر حاجه

لا مولتوف ولا كلاشنكوف هانخليك ترحل يا حروف

اجندتك حمرا

اطفالنا تريد اسقاط النظام

مخطرش علي بالك يوم ترحل غني..يامبارك يا مجوعني...

امضاء الشعب

ولا مبارك ولا سليمان ولاعايزين شفيق كمان

معلش يا بلدي اتاخرت عليكي

عواد باع الارض ..يا دزمه ا رح ل

يا مبارك فكك منا ونفض لنفسك

الشعب+حريه-واحد=حياه مستقره

بعد ما شعبنا ثار بتقول مش اخلاقنا...

كانت اخلاقك فين لما الحزب سرقنا

س. لماذا لم يرحل مبارك؟

ج.

- 1. يمكن مش معاه حق التذكره
- ۲. عايز يكمل ثروته ١٠٠ مليار
  - ٣. ممكن يكون رخم
  - ٤. ممكن يكون مش فاهم
- ممكن يكون بيحب الشعب ومش قادر على فراقه
   (بس مش قوي كده يعنى)

اذا الشعب يوما اراد الحياه فلابد ان يستجيب البقر

اذا الشعب يوما اراد الحياه فلابد ان يستقيل القذر

ياعمر سليمان انا بطلت اجندات وجبت كشكول سلك

مبارك يريد تغير الشعب

المنوفيه تعتذر للشعب المصري

لحرا .. يمكن مابيفهمشي الا بالمقلوب

آليري آلير..حسني مبارك شارو فالي....ارحل ارحل بالنوبي

شعب واحد. مصير واحد

يامبارك غور غور مش هانقف تاني في طابور

مطلوب التبرع بالدم لمبارك.

انتهى الدرس يا غبي

طبيب اسنان جاي اخلع مبارك

لا لمبارك...لا للفساد...لا للطبقه الحاكمه الفاسده

خلي اسرائيل تنفعك

لو كان هو دكتوراه في العناد احنا معانا نوبل في الصبر اضحك الثوره تطلع حلوه Kmc كنتاكي مبارك تشيكن

ثوره سباع مش ثوره جياع

نقول ايه تاني كل الكام اتقال مش ناقص غير نجيب لمبارك

كرسي تيفال

مبارك ابن شداد يغزو ميدان التحرير بالخيول والجمال

لابد من يوم معلوم يترد فيه المظالم...ابيض علي كل مظلوم

اسود علي كل ظالم

كش ملك مات الملك

الرحيل الرحيل يابياع الارض والنيل

الي مزبله التاريخ يا مبارك

عنواني الجديد ميدان التحرير

يابخت من زار وحفف

يا مبارك قدامك سكه سفر

ارحل يا مجنون يا ابن الجانين .. لو عايز شهداء تاني .. احنا جاهزين

تمشي ما تمشيش مش فارقه معايا انا حبيت الناس اللي هنا وانا اللي مش ماشي

انت غبي تيييت انت حمار ولا ايه؟

حان الان وقت التنحي ايدي وجعتني بقي

محل الميلاد مزيف الشرقيه محل الميلاد الحقيقي ميدان التحرير

> انا هاتجنن ازاي الغبي ده حكمنا ٣٠ سنه لا مبارك ولا سليمان كلهم عملاء الامريكان

حسني مبارك لن يحكمنا بعد اليوم

ارحل صوتي راح

الرئيس يخاطب الشعب ويقول اجمعوا مصاريف السفر

ياجمال قول لابوك الصعايده بيكرهوك

اول انجازات الحكومه الجديده اشعال فتيل الحرب الاهليه لاول

مره في تاريخ مصر

ياجمال مصر كبيره عليك

الها ميته واحده فالنجعلها في سبيل الله

یا مبارك غور مصر بقت بور

انا موظف انا مطحون ... جبت منين ٩٠ مليون

ناس بوك

بالصعيدي....ارحل جبر يلمك

انجازات مبارك...عمل كباري...عمل مترو انفاق

...عمل عبيط

دم الشهداء مش هايضيع

اسقاط السجن الوطني الديمقراطي

ارحل يا مبارك تل ابيب هي دارك

ارحل يا مبارك نتنياهو في انتظارك

اخر طلعه جويه هاتكون على السعوديه

شكرا يا مبارك جمعتنا والان ارحل

سامحني يا رب انا كنت خايف وساكت

ارحل ارحل يا خسيس دم المصري مش رخيص

الحريه غاليه

مصر حره ...حسني بره

مصر بلدنا هانحميها....والفوضي انت السبب فيها

سيبها وخلي عندك دم

متظاهرون حتي ترحل يا مبارك

الشرفاء قاموا بالثوره والجبناء حرقوا الدوله

عنوان بيتنا ميدان التحرير حتي ترحل

ممنوع دخول الشرطه للميدان نحن قادرون علي حمايه انفسنا

الشرطه السريه لهبت مصر ليلا

يامبارك صبرنا كتير ومش طالبين الا التغير

يامبارك صبرنا كتير ومش طالبين الاالرحيل

في التحرير حتي التحرير

ارحل حالا

الملك فاروق ارجل منك يا نيرون

مسيحي +مسلم=مصر

بلاش عناد يا مبارك قولي مين في الشعب احتارك

مش هانمشي الالما يمشي

ئوره ثوره حتي النصر...حسني مبارك بره مصر

حسني اتجنن اخر حاجه

حسني مبارك عايز ايه؟ .. عايز الشعب يبوس رجليه مش . هانبوس .. وعليك يا مبارك بالجزمه هاندوس

أفلام جيل الثوره١١٠٢

- 1. ابي فوق الدبابه
  - ٢. عوده النت
- ٣. المندس والاجنده
- ٤. جائنا الرئيس التالي
- أخن لا نرمي المولوتوف
- ٦. مهمه في ميدان التحرير
- לכו ، מובארק ارحل بالعبري

استقطنا على بابا ومرجانه فقط

انت زعلت یا ریس ده احنا کنا بنهزر معاك

الله هو مشي ...ده قفش بقي

لا دينيه ولا حربيه ولا طائفيه عايزنما دوله مدنيه

مدنية!! مدنية!! مدنية!!

Like	comment	share	

T .1

احنا مين ؟

#### More Info

إنجى وهالة وسلطان ... تلاتة أصحاب من عالم السينما والكتابة جمعتهم أجندة واحدة في حب مصر .

#### Facebook

http://www.facebook.com/engy.m.eldin http://www.facebook.com/hala.elzaghandi http://www.facebook.com/ASultan17

# Status Photo Link Video Question



**Engy Mohy Eldin** 

### More Info

إنجى محى الدين ولدت بالقاهرة عام ١٩٨٥، تخرجت من هندسة عين شمس في عام ٢٠٠٧، تعمل الآن مهندسة طيران بالخطوط الجوية القطرية، تحب الكتابة وتدرس كتابة السيناريو بأكاديمية رأفت الميهى لفنون وتكنولوجيا السينما تعمل على كتابة فيلم روائى قصير ولديها مدونة باسم (حواديت مصرية).

## Blog

http://geenmohyeldin.blogspot.com



Hala Mostafa Elzaghandi

#### More Info

هالة مصطفى الزغندى' تعيش بالقاهرة' تحب الكتابة' ، وتخرجت من أكاديمية رأفت الميهى لفنون وتكنولوجيا السينما'، كتبت ثلاثة أفلام قصيرة وفيلما روائيا طويلا'، وتكتب لقناة الجزيرة في دراما الأطفال'، تدرس الآن دبلومة في المجتمع المدني وحقوق الإنسان بكلية الاقتصاد والعلوم السياسية.



#### **Ahmed Sultan**

#### More Info

أحمد سلطان ولد بالمنوفية عام ١٩٨٣، تخرج من كلية الحقوق في عام ٢٠٠٥ عمل معداً ومذيعاً في عدد محطات راديو الإنترنت كحريتنا وصوت الساقية، يعمل الآن في الشبكة العربية لمعلومات حقوق الإنسان يجب التمثيل وشارك في بعض الأفلام والمسرحيات المستقلة، وله مدونة (كلام سلطان).

# Blog

www.kalamsultan.blogspot.com



الجزء الثابى \_الثورة مستمرة invited you أجندة الثورة

قريباً :Time

A جميع مكتبات مصر

Created by: أجندة الثورة

More info:

ومادامت ثورة ٢٥ يناير لم تكتمل.. فسنظل نكتب تاريخنا بإيدينا.. فندعوكم لتشاركونا في كتابة تاريخ جديد لمصر عبر صفحات الجزء الثاني من أجندة الثورة \_ الثورة مستمرة من خلال ما كتبتم من تعليقات أو دونتم من مقالات أو شاركتم

بصور أو فیدیوهات علی صفحاتکم منذ ۱۲ فبرایر وحتی یومنا هذا وراسلونا علی..

Email revolution\_agenda@hotmail.com
Email mozakerat.sha3b@gmail.com

#### **Book linkes**

revolutionagenda@groups.facebook.com - المثارة المرادة المرا

وانتظروا مشاركاتكم في الجزء الثابي من

أجندة الثورة / الثورة مستمرة

Status Photo Link Video Question

Your posts

# فهرس الأجندة

الإهداء
القدمة
🖺 يعني إيــه "فيس بوك"؟
🖺 مصر "بروفيل"
🖺 أسبوع الحلم
🖺 ۱۶ يناير: انتصار ثورة الياسمين ۳۱
🖺 ۱۵ يناير: حلم خالد سعيد ۳۹
🖺 ۱٦ يناير: مصر هتختار طعم إيه؟!٤
🖺 ۱۷ ینایر: کلنا بو عزیزی۱۵
🖺 ۱۸ ینایر: اخنا مش مجانییین!!! ۵۵
🖺 ۱۹ ینایر: ۲۵ ؟؟؟

يحاربون	🖺 ۲۰ يناير: نحن نحارب يأسناوهم
٧١	
٧٥	فیس بو دنا۲۱ اینایر: فی أمـــل
	أسبوع الغضب
۸۳	🖺 ۲۲ يناير: السويسالبداية
۸٧	🖺 ۲۳ يناير: كفاية كدب بقى
90	<ul> <li>۲۳ ینایر: کفایة کدب بقی</li> <li>ینایر: أنا نازل یــوم ۲۵</li> </ul>
1 . 9	🖺 ۲۵ يناير: ثلاثاء الغضب
۱٤٧	🖺 ۲٦ يناير: وسقط جدار الخوف
	🖺 ۲۷ يناير: خميس الاستعداد
141	يناير: جمعة الغضـــب ٢٨

# 🖺 أسبوع الميدان

191	۲۸ ینایر_۲ فبرایر: لا نتلا اتصالات	
	٢ فبراير: الأربعاء الاسود	
199	خطاب الفتنة	-
719	يوقعة الجمل بيسمين	•
	۳ فبرایر: څمیس الجرحی۳	
470	٤ فبرايو: جمعة الرحيل	
	سبوع الصمود	.f 🖺
~	<ul> <li>فبراير: سبت</li> </ul>	
	الصمود	
190.	٦ فبراير: أحد الشهداء	

🖺 ۷ فبرایو: اثنین الحشد ۳۰۳
🖺 ۸ فبراير: مليونية الثلاثاء ۸ 🖺
🖺 ۹ فبراير: بداية النهاية
الم ١٠ فبراير: خميس الإحباط
🗐 ۱۱ فبراير: جمعة الزحف والانتصار٣٧١
أ ملحقات الأجندة
🖺 هتافات التحرير ٣٩٩
🖺 لافتـــات التحرير ۲۰۰
🖺 احنا میسن ؟
🖺 الجزء الثاني _ الثورة مستمرة ۲۳۱

# تصميم الأجندة

تصميم الغلاف : محمد كامل

فكرة إخراج الصفحات : سلطان و هالة

تصميم الصفحات وتنسيقها : هالة وإنجي